

حَيُّوَانُ

الْحَيَّاتُ فِي رِثَاةِ الْأَيَّمَانِ

فِي ذِكْرِ الطَّاهِرِينَ

فِي رِثَاةِ الْأَيَّمَانِ الْمُحْسِنِينَ الشَّهِيدِ

لِسَاعَةِ أَهْلِ الْبَيْتِ عَلَيْهِمُ السَّلَامُ

أَمْرٌ مَوْجُودٌ فِي رِثَاةِ الْأَيَّمَانِ



تَيُون

الْحَسَنُ بْنُ عَلِيٍّ

فِي ذِكْرِ الطَّاهِرِينَ

الجزء الخامس (القسم الثاني)

فِي رِثَاءِ الْأِمَامِ الْحُسَيْنِ الشَّهِيدِ عليه السلام

سَاعَةَ أَهْلِ الْبَيْتِ عليهم السلام

أَمْرٌ مِنْ أَمْرِ الشَّيْخِ الْخَوَافِي

تلفن : ۷۷۴۲۳۴۶ فاكس : ۷۷۳۷۸۷۰
ايران، قم، ارم، ياساج القدس الطابق الأرضي، رقم ۵۷
ص . ب ۳۷۱۷ / ۳۷۱۸۵
سيد حيدر الموسوي



هوية الكتاب : ISBN : 964 - 6223 - 38 - 9

اسم الكتاب : الحنين في ذكرى الطاهرين (الجزء ۵ - القسم الثاني)

تأليف : أم مظفر آل شبير الخاقاني / الطبعة : الثانية - ۱۴۲۳ هـ ق

الناشر : انتشارات انوار الهدى / صف وتنضيد الحروف : حسن الشاوي

العدد : ۱۵۰۰ نسخة / عدد الصفحات : ۴۳۲

المطبعة : مهر / القطع : وزيري / السعر الدورة : ۳۰۰۰ تومان

ليتوگرافی امام سجادة عليه السلام ۰۹۱۱ ۲۵۱ ۵۷۱۲



بِسْمِ اللَّهِ الرَّحْمَنِ الرَّحِيمِ



الفصل السابع

اليوم السابع من محرم

في ما يخص مصيبة العباس عليه السلام

لطمية

يا بدر يبن الهواشم هلهلت بيك الصوارم
واصبحت بالكون رثه من دوه سيفك الحازم

يا شههم لجل الملاحم رتبك حامي الحمه
واصبحت شعله وغها من تخوض الملحمه
تبغه عين الكون حمره تقطر بفيض الدمه
سيفك الحامل بساله كل عنيد يهشمه
وانت يالشاعت حميته دمك الدينك مهيته
انت قايـد انت رايد
واكسرت سود الجماجم يا بدر يبن الهواشم

من دوه سيفك بكونه زلزل گلوب الآم
گامت تموج برعبها مادرت وين السلام
نازله وحلت سماها وانطوه عليها الغمام
بعد لانور التشوفه وغارت بجوف الظلام
وفرّت مضيعه دربها من حمه بيها حربها
بالفراسه والحماسه
فرقت ذيج المايم يا بدر يبن الهواشم

واعتنت الهالمصير	شمّرت لجل الهدايه
مگصد الواعى البصير	واگصدت للدين حامى
وتعرف الموقف خطير	هاجمت سوح المنايه
وين ميحل ويسير	صحت ويّه حسين صيحه
عن ثبات وعن اراده	وأثرت درب الشهاده
للعرايه	للعحمايه
يا بدر بين الهواشم	والبست ثوب العزايم

وارفضت ما بالزمان	تابعت خط الامامه
غال ننتيك الامان	حين ما شمر ابن جوشن
من سمعت بهالبيان	صحت صيحه غضب حره
ورفع راسك عالسنان	واطلبت منهج العزه
كافحت گوم الجهاله	يا شهم يبن العداله
واهزمتها	واطعنتها
يا بدر بين الهواشم	يا أسد فوگ الضياغم

الحازت اوسام العلى	انت يا نور الطليعه
مشعل الطف كربله	اذخرك حامى حماها

طاعن جيوش الغوايه وهادم صفوف البله
ورايت الحق بيمينك وبسناك مهلهله
رايه وبچفك ذخرها ترجمت عزها وفخرها
يبوفاضل
يا بدر بين الهواشم

عاهدت ويّه ابواليمه عهد ثابت عالابه
بالعمر بالروح بيعه بالدموم الساكبه
بيعه ضد الجور هيّ والنفوس الغاصبه
واربحت بيها يحامى واكسبت هالمرتبه
ياليّ معنك المرّوه مثلت روح الاخوه
بالتفانى
واحرزت هالفخر دايم هالمعانى
يا بدر بين الهواشم

لطمية

روينه وانغر عالحال واسگى الحرم والاطفال
دنهض يبوالغيره وگوم واسگي الحرم والاطفال

ضجّت حريم ورضعان
وارحم گلبها اللهفان
صوّل يراعى الوجدان
رجّ العده وسوّى الويد
دلحگ يخويه عليها
حر العطش ماذيها
عالمشرعه ورويها
واسگى حريمك يا حيد
واجري بحرها السيال

انت العزيد المنعوت
بسرعه وعجل ليهم فوت
اشرف رضيعك عالموت
وانت الضمد واسنادى
ويومك يناصر هاليوم
والفايض بأحسانه
لاتصبر وتتوانه
وتغيرت الوانه
حيّ وهله بورادى
يوم العلم والعسال

شذب الحرم ممنوعه
وهذا الطفل ودموعه
بيد امه زايد لوعه
قايد يقايد وتشوف
دارت عيونه وتحوم
منن الورد وزلاله
وسط الجفن تتلاله
وجف ويبس دلالة
چبد الرضيع الملهوف
وتگربت آجاله

شوف الهضم والحسرات
وانهض يخويه بهمه

واشحالت المهضومات
وحده تسيل الدمعات
من هم غلبها الملهوب
وبالكفره ما صح رحوم
وجرّ غلبهن همّه
وحده التراب تشمه
ما تدرى تفرع يا صوب
ترعه دمعا الهمال

من همهن بذاك الحين
والعمها مشبوحة العين
وصارت على حامى الدين
حن وصفگ راح براح
ويصيح للاحم هالگوم
وحده تلوذ بوحده
والمای وين اتنشده
غصه عظيمه وشده
والمهجه مملیه جراح
واليوم اسوى الزلزال

همّ الاسد بالرايه
عباس حامى الثايه
رايح لجل هالغايه
هذا العجيد الفرّاس
يوم الحرايب معلوم
والعلم شاله وسدرّ
صوب الشريعه اتحدّر
يروى لهيب الخدرّ
خل يعرفون العباس
منه تذوب الابطال

لطمية

حياك حياك يسبع الگنظره

رباك رباك يفارس حيدرہ

رباك ليام الهمم حاويلاه

بيك الشجاعه والعزم حاويلاه

عباس شيال العلم حاويلاه

بحماك بحماك يراعى المقدره

حياك يا سبع الحرب

لعداك هزيت الگلب

وظلت مضيعه للدرب

يعداك يعداك بمرها محيره

لمن على الحومه اگبلت

كل الاعادى تحيرت

حملات حيدرہا حملت

بالواك بالواك سماها اتنوره

صارت بحيره وبوجل
وتصيح من هذا البطل
گالوا ابن خير العمل
علاك علاك اليوم المفخره

علاك راعى المرجله
حيدر المجد قابله
وتفخر بأسمك كربله
يمناك يمناك دعته موذره

بيمناك ذليت الكفر
خليتها متيه الفكر
عباس يا راعى الفخر
يسراك يسراك جمعها اتطشره

خليتها تموج بدمه
والهام منها امهشمه
وانت يبن حامى الحمه
طرواك طرواك نسايم عاطره

لطمية

حامينه حامينه عباس حامينه
رايح يجيب الماي لينه ويروينه

عباس راعى الزود شال العلم والجود
سالم عسنة يعود وبنوره يـضوينه

سكنه تنادى بصوت منى الغلب مفتوت
يا عمي بالمنعوت دلحگ يـواليـنه

انظر يعمي الحال يمك تلوع اطفال
يـتـتـگـطـع اللـدال شوف اشجره عليه

عبدالله داعى نحيل الحگ عليه دخيل
ويل العده يا ويل للـمـاي حـامـينه

كلها تريد الماي يا عمى يارواى
اذخرك جدي الهاى بالماى تسگينه

ناده يبت الحديد
واليوم اسوى الويد
لذم جموع ايزيد
واللّي تطلبينه

يا عمي لفدى العين
فدوه لبوچ حسين
والمهجه والچفين
وهو امانينه

لطمية

گوم يا حماى
شوف الزغار تلوج
رويگنه بالماى
شبعث اذيه
ياويلي شبعث اذيه

گوم مسرع گوم
شوف العده تحوم
واسگى الظوامى
والبحر طامى
صوّل على العدوان
وانت التچيه
ياويلي شبعث اذيه

عاب چبده وذاب
والعطش لهّاب
طفل الزغبيرون
ومغربه العيون
حاله رديه
يسچي ويدير العين
ياويلي حاله رديه

ويل حاله ويل آيا مـرارـه
ماكو ثدى يسيل ويـطفـى ناره
وگام بجبينه يلوح عـرگ المنيه
يا ويلی عرگ المنيه

المای وین المای واهلك مطاریح
ومـتـیـه الراى من لهبة الريح
حر وعطش وهموم کلها سويه
يا ويلی کلها سويه

تشکيلك الحال کل الغوالی
منها الدمع سال عـالـخـد یلالی
حاله تذوب الروح هـالـفـاطمـیـه
يا ويلی هالفاطمیة

یا صل یمغوار سکنه تنادیک
لعیون الزغار گامت تنخیک
یا عمی بالمندوب لیـه کل قضیه
یا ویلی شبت اذیه

لطمية

يا عباس گوم انهض يوالينه
ياخويه العساكر دارت عليه

توحد بوعلی ماعنده حمّايه
ملزوم الفرات وحرّموا مايه
يا هالناس والله ما سدت هايه
وين الواعدونا شو جفوا بينه

لرض الغاضريه بغدر جابونا
ومن بعد العهد شلون غدرونا
موگالوا يوافون وينصرونه
وما بين السيوف اليوم تمينه

شوف المشرعه هاليوم ملزومه
حاميه اللعين بصحبه وگومه
ياخويه طفلنه غارت رسومه
فرفر من عطش گلبيه وغمض عينه

شوف اطفال بالصيوان عطشانه
وهاى احريم گد العظيم خلصانه
وعلينه العده هليوم كثرانه
وجينه الكربله وبيها تحيرينه

ناداها الحنين وتهمل دموعه
خويه يم طهر چلمتچ مسموعه
كلنا جنود ابوالسجاد وبطوعه
بالارواح والاعمار فادينه

نفدى ارواحنا من دون ابواليمه
ومنخلى العساكر توصل خيمه
تسيل دمومنا ولاينهدر دمه
اهو شيخنا وعزنا وحامينه

لطمية

تــنخاك تنخاك	يــبن الشفيه
الگامت برجواك	للغاضريه
عباس يالوالي	يا سورنا العالى

بِحَمَاكَ بِحَمَاكَ يَا أَبَا الْحَمِيَّةِ

تَنخَاكَ لِلشَّدَاتِ يَا لِي أَكْفَلْتَهَا
وَمِنَ الْوَطَنِ لِي جَايَ بِيَدِكَ جَبْتَهَا
وَبِالْعَهْدِ يَا عَبَّاسَ مِنْ طَلَعْتَهَا
اسْمَعِ النَّخْوَاهَا لِيخِيْبَ رَجْوَاهَا
حَيَاكَ حَيَاكَ لِيخْتِكَ تَجِيَّهَ

صَاخَتْ يَلِيْثَ الْكُوْنِ بَيْنَ الْغَوَالِبِ
يَا سَيْفِنَهَ الْهَدَّارِ يَوْمَ الْحَرَايِبِ
خَوِيَهَ الْكُ نَخْوَايَ شَدَّ عَالِ الْكُتَايِبِ
يَا سَبِيْعَ الْمِيَادِيْنَ اذْخُرْكَ بُوَالْحَسَنِيْنَ
بِالْوَاكِ بِالْوَاكِ تَزْهِي السَّرِيَهَ

اذْخُرْكَ بُوَالْحَمَلَاتِ وَأَنْتِ دَرِيْتَهَ
وَالْفَخْرَ وَالنُّوْمَاسَ مِنْهُ حَوِيْتَهَ
بِيكَ الْأَمْلَ عَبَّاسَ مَا ضِيْعِيْتَهَ
أَنْتِ يَعْزُ الْكُوْنِ يَوْمَ الْحَرْبِ طَاعُوْنَ
رَبَّاكَ رَبَّاكَ حَامِي الْحَمِيَهَ

رباك حامى الجار حارس الثايه
يدريك للاكوان بيك الكفايه
رادك الهاذ اليوم تحمل الرايه
يالبيك منصوره منومسه ومسوروه
تفداك تفداك روح الزچيّه

حن صاحب الغيره لمن سمعها
احنه عليها وگام يمسح دمعها
خويه لترتابين لرهب جمعها
تگله يورادى ياسورى وسنادى
هاك العلم هاك رج الدعويه

يالله يبو الهدات درفع لوانا
انت الأمل والزود وانت حمانا
لو رحت يا مغوار يگشع ضرانا
ياقرة عيونى لتخيّب ظنونى
وياك وياك خويه المنيه

لطمية

زينب هللت والدمع مسجوم
يومك يا عضيد حسين هاليوم

يا عباس هاذ اليوم يومك
ناصر بوعلی ربي يدومك
انت الفارس الشاعت علومك
وبيوم الحرايب زوده معلوم

زينب هللتله والدمع خر
يا عباس يا صل يا غظنفر
لو سيفك دوه يرهب العسكر
وتظل العده من دويته تحوم

ادعيلك واصب العين عبره
واندب هالحنين الله ينصره
ياريت العزيز يطول عمره
واتهنه بوجوده دايم دوم

گلها وظلت ادموعه جريه
احمي الدين بالمنه عليه
اذخرني علي حامى الحميه
ليام الشدايد سهمى مرسوم

يا زينب يصير امرج على الراس
اتناديني وانا المندوب عباس
بعون الله لحطم گوم الارجاس
واسگى هالدعايه امرار وسموم

يا زينب لجل دين الهدايه
افدى رگبتى واحمى البرايه
بعزم الله نكافح هالدعايه
ونترجه رضا الواحد القيوم

لطمية

يا عمي جيب الماي وارحم لهيبي
وانت العميد الهاي وانت مجيبي
الماي الماي يا عمي روى احشاي يا عمي

يا عمى شوفه	ماى الفرات ايموج
ذاتك عطوفه	وانت الذى منعت
والرب يحوفه	ودام العلم والجود
الماى الماى يا عمى	يا حماى يا عمى

دار بجينه	عبدالله عرق الموت
سوربت عينه	ومن العطش والجوع
خافى ونينه	ماله صدى ولاصوت
الماى الماى يا عمى	وزاد الداى يا عمى

والعطش وجّه	ضرّه الوكت والحر
ماعنده مهجه	يبجى بضعيف الصوت
والعمه يرجه	ودار بنظر عيناه
الماى الماى يا عمى	يا رواى يا عمى

والعطش ضرها	تصرخ جهال ازغار
غايير بصرها	ومن شدة الآلام
يلهب جمرها	واشحالت النسوان
الماى الماى يا عمى	تاه الراى يا عمى

يا عمي بشري گلهای نور العین
من جودی یجری لدم واخلى المای
وارخص بعمری ولفدیچ الجفین
المای المای یا عمی وبیدی الوای یا عمی

والجف ضحیه یا سکنه لیچ العین
مستعز علیه ولو هجمت الصوبین
یا هاشمیه والمای اجیبه المای
المای المای یا عمی واسبی عداى یا عمی

یا بوالشهامه سالم عسن محفوظ
زهوة العمامه دایم قمر عدنان
راعى الكرامه راعى الشرف والباس
المای المای یا عمی ضسى عینای یا عمی

لطمية

گوم يا راعى الزود رجّ الدعيه
للحرم جيب الماي يبن الشفيه

يا شهّم گوم ابساع وارحم لهبها
هالحرم والرضعان شنهو ذنبها
آل اميه بيا دين منعت شربها
ماكو رحمه وايمان بالاعوجيه

هلكت عيال حسين من گد بچاها
والعطش يا عباس ذوّب حشاها
وانت يا بوالنوماس عزها وحماتها
بلكى للخيمه تجيب قطرة اميّه

صوّل على العدوان يبن الصميده
وهذا عبدالله اليوم يابس وريده
هالرضيع العطشان بالله اشيهيده
بگصته گام يلوح عرگ المنيه

سكنه بالخيمه تصيح دلحگ عليه
نشتكى ليك الحال وانت ولينه
والطفل گام يلوج خافى ونينه
وانت عمى الممدوح راعي الحميه

توزم وشال الجود بزر الحموله
ودمعه بالوجنات ظلت هموله
گلها لفدى الجفين والمای انوله
والعمر دون حسين يصبیح ضحيه

يا زچيه نخواچ واللہ اعلى عينى
لضحى برگبتى اليوم وافدى يمىنى
لوعة عيال حسين صابت جنينى
والدمع بالعينين غالى عليه

لطمية

عباس يالوالى هاك العلم هاك
ياريع دلالى والدين بحماك

يابدر عدنان	خويه يبو الشيمه
وانصر القرآن	رج العده بسيفك
فارس الفرسان	وذاك علي عودك
يمرّوع عداك	ياهيبة رجالي

يا رفعة الراس	سالم عسن سالم
خويه يعباس	بحماك منصوره
واعدم الارجاس	صول اعلى هل كوفه
تزهري بيمناك	والرايه يالغالي

هاليوم هاليوم	يا صاحب الرايه
نقمه على الكوم	ذخري واعرفنك
ارويها بدموم	ناداها بسم الله
بصارم الفتاك	وارميها برمالي

ندحر الظلام	بعزم الله وآياته
وحرمة الاسلام	ونصون غايته
تشهد الايام	وبشرف چلمتنا
بخالق الافلاك	واعمادنا عالي

لجل النبي ودينه نرخص الاعمار
ونفوت للحومه ونوَجِّر النار
هاليوم يا زينب لعمل الماصار
ناداته يهلالي ويـاك ويـاك

ادريك ياخويه فارس وصنديد
يوم الوغه يومك ومـعيد بعيد
متهمك اجموعه ولاكثره الويد
تگـوه يخـيالي ويدوم مسراك

لطمية

گوم يا حامى ظعنه يشيال العلم

گوم صول يبولغيره يا أسد
ويين شيال العلم
شوف عسكرها بلاحد وعدد
ويين شيال العلم

وانت للشدات يا خويه ضمد

وين شيال العلم

ما تهاب جموع لو كثر الزلم

وين شيال العلم

هله بسمك والعلم بيدك يرف

يا عميد الكون يا راعي الشرف

عسكر ابن زياد للخيمه زحف

هله بسمك هشم العسكر هشم

وين شيال العلم

گوم خويه هالعساكر قادمه

يبوفاضل هاذ جيش الحاطمه

عسكر ابن زياد بالله هشمه

سيفك المعروف نغمه اعلى الظلم

وين شيال العلم

اليوم خويه يبوالغيره غيرتك

يا شجاع الكون تظهر همتك

بارز العدوان واحمى عيلتك
صولتك حلوه يفارس يا شهم
وين شيال العلم

توزم العباس وهو الضيغمي
وگام منه يلوح عرق الهاشمي
ناده عيب الگوم تدنه مخيمى
وآنه حامى اليوم لحدود الخيم
وين شيال العلم

مادمت سيفي يخويه بيمنتي
وفوگ راس الگوم تخفج رايتى
ابذل اجهودى واحارس عيلتى
وما يصيبچ يم طهر ظيم وهضم
وين شيال العلم

لطمية

عباس يا راعى الزود خويه
هاذ العلم هاذ الجود خويه

تنادى الزجيه اعلى الماي جيته
هاذ البالمروه شاع صيته
ريت ابوالغيره محفوظ ريته
يصول ويرد لينه ردود خويه

شيل العلم يا عباس شيله
وهمّ العلينه ياخوى زيله
وجمّع علينه الملعون خيله
وشلون تگعد وتهود خويه

عباس يا ابوالكلفت وينه
زمّ العده وجيب الماي لينه
وغارت طفلكم يا حيد عينه
والگلب منه ممرود خويه

تراده الرضيع اعلى الماي حاله
نهار القوى وماله جنان ماله
بس الدمع بالعينين لاله
مفطور قلبه ويجود خويه

عليمن الشاطي ملزوم مايه
ماصارت بكل الناس هايه
وضيِّع اخي المظلوم رايه
وللوطن غالوا ميعود خويه

عباس شوف المظلوم حاير
وين اليجيله هاليوم ناصر
والعسكر جموع جموع غاير
كلساع كلساع يزود خويه

الزم الجربه وبالگوم نادى
هذا العمل هم بالناس سادى
يا امه لبن المرسول اتعادى
ولاخافوا الله المعبود خويه

لطمية

شيل العلم شيل يا فارس الليل
شوف الجموع المجبله
وبالخيال غصت كربله
شيل العلم شيل

شيل العلم شيل يا بوالمحنة
بيدك يقنديل رفرف علمنه
واهجم على الخيل وألهم تعنه
دنهض يراعى المرجله
وخلها تموج امبهذه
شيل العلم شيل

شيل اللوه بساع يبن الكتيبه
وانت الماترتاع لعظم حريبه
ذخرتك اسباع ليّام نيبه
مذخور من بحر العلى
للكون رجّه وزلزله
شيل العلم شيل

يومك يعباس بالغازيه
تشهد لك الناس يابو الحميمه
بالعزم والباس والأخويه
حيّك يبن عقد الوله
والسيف بمتونك حله
شيل العلم شيل

شيل اللوه وگوم هاليوم يومك
للجيش جيدوم ربّي يدومك
بالهمّه معلوم وانعرف سومك
حيّاك وبأسمك هله
دايم ينور العايله
شيل العلم شيل

هاى المواسات وهاي الأخوه
يا طيب الذات وزين المرّوه
للغازيات بدموم روه

عباس يالتمثله

طاعون عالگوم وبله

شيل العلم شيل

خيال خيال نور العشيره

يهلال يهلال ماش نضيره

عالقوم من صال ظلت بحيره

فرّت شريده بالفله

وحتت عليها زلزله

●○●○●

●○●

لطميات الوكفة

لطمية

اجيتك يا عجيد الراى دهّم ليه دهّم ليه
غيابك يا نظر عيناى وجـربيه وجـربيه
يـحامى الواي شفيت اعداى
وأنا مصابك وجـربيه وجـربيه

صرخ راعى المصيبه بصوت دوى بعالي حرايبها
على راعى الوفه والجود على قايد كتايبها
ينادى يا عماد الواي غيابك روحى لاهبها
وجيوش الرحمه والايمان هوى قـمة مراتبها
الف ويلاه على محياه
على نوره ومساميه مساميه

يصيح الهايم الولهان وعلى ناب الحزن طاوى
اجيتك يا عجيد الراى لگيتك عالثرى هاوى
صريع وفاقد الجفين ومن دم الجسم راوى
صحت أنا الأموت وياك واذوب بـجمرك الداوى

أنا المحزون أنا المطعون
أنا الهاجت نواعيه نواعيه

سمعت صوتك وأنا بياحال صحت يابوعلي ادركني
وسلامك جاني ويّه الريح يـصافحني ويودعني
اجه من صوب المسناة تصداني ودوه بأذني
يخويه واعرفت هالساع تهـايل وانهدم ركني
عمادي انهار آيا مغوار

شعد يومي ومراميه ومراميه

أنا الشفت الوفي مطروح يون وخافت ونينه
ولاعنده رمق بيه روح يگوم يحامي عن دينه
بگيت امسح دماياته واقبّل راسه واجبينه
وگلت بلكي ابوالنوماس يحاچيني ويفك عينه
ونخيته يگوم وهو الجيدوم

ولاگام ونغرليه نغرليه

ونخيته ولاسمع نخواي ولاچلمه اليلبيها
وفتح عينه شفتح عينه ونزيف الهامه غاطيها

والأخرى سهم المحدد ذهب ضيها وثبت بيها
صحت يا قايدي ورجواي اصاويك شيداويها
سهم بالعين ولاچفين
وتوالتك بني ميه بني ميه

يفارس خل تنام اعداك واخوتك ما يمرها النوم
يخويه وعيدت سفيان واحبائك تسيل دموم
رحت وانت الحسام الحاد على گوم الردي والشوم
چنت مثل الصگر بالريح على روس العوالى تحوم
يليث الغاب اخوك انصاب
ويندبك يا محاميا محاميا

لطمية

وينك يراعى الزود گالوا رميه
والرايه والچفين بالعلگميه

اسأل عضيدي وين گالوا على الكاع
يم شاطى المسنات مگـطوع الذراع
گومى يأمّ الظيم وتوزمي الساع

ساعات الوداع	حضرى على الورد
ضاع البصر ضاع	لمن سمعت ابهاى
طبغت عليه	واتصورت دنياى

ووصل مچانه	ارد اعبر الجيمان
همه اوامانه	واگصد ثرى المتروس
يحمل لوانه	انخه واگله يگوم
توصل حمانه	ليخلي گوم ايزيد
دايم عزانه	بعد الوفى المنعوت
مره وشجيه	والعيشه والايام

واشكيله حالى	ارد اوصل العباس
ذخرى ودلالى	خله يگوم الساع
ظلت غوالى	مايدرى بالصيوان
والدمع هالى	لجمله تحن وتنوح
فوك الرمالى	نايم عزيز الروح
بالغاضريه	وخله البنات سيوب

بدر الهواشم	ليش اعلى جرف الماى
-------------	--------------------

انهض يخويه وشوف	فخر العوالم
خافن عگب عيناك	تشبع هضاييم
يبن الدرع والطاس	يبن الصوارم
گوم بسرع ياخوى	شد المحازم
خاف العده يهجمون	عالفاطميّه

يا كافل النسوان	وين الوعد وين
هسه تجى العدوان	تسبى الخواتين
وين العجيد الجان	حامى الصواوين
نايم على الموارد	لايسره لايمين
يمته عليه تعود	يانشمى يا زين
وعين الحرم تبراك	يبين الشفيه

تأملك رضعان	ترجع يبوالزود
بيدك تجيب الماي	للجبد ممرود
عين الغوالى تحوم	عالرايه والجود
ظننت تجيها ابساع	وتعود اردود
ما حسبت يا حيد	ماتوفى الوعود
وانت الذى معلوم	كلك حميه

لطمية

نايم الورد والعلم يمه
ماروه گلوب العطاشه وار توه بدمه

توزم العباس والعلم شاله
صؤل بروح الفراسه وشعشع اهلاله
گصده يشفي اليوم مهجة اطفاله
ويروى عبدالله الزغير الهاوى دلاله
وحالت النسوان ذؤبت حاله
هاذى ملهوبه بعطشها وذیچه تبراله
خله دمع العين بالوجن لاله
ونخوة سكينه العزيزه غایت آماله
كلها ملتّمه والدمع يهمّه
ماروه گلوب العطاشه وار توه بدمه

صول اعلى الغوم صاحب الغيره
ناده هاذا بن الرسول ومحد ايجيره
من العطش ملهوب فرفر ازغيره
والطفل يهل الخيانه شنهو تقصيره

اصبحت يا غوم ضايعه السيره
لا كتاب الله عرفتوا ولا تدابيره
ومهجة المختار يصبح بحيره
لانصير ولا گرابه وباعده الديره
وضاعت الرحمه وغارت الذمه
ماروه گلوب العطاشه وارتوه بدمه

هالفرات يفوج طافح بماية
وعتره الهادي عطاشه بياجزى وسايه
كل وحوش الغاع منه روايه
بس على حسين وصحبته تحمي حمايه
والله يا هالناس ماسدت هايه
ولامثل جور آل اميه صارت اروايه
لحمل البتار واگصب اعدايه
واحمل الجود اعلى ظهري واحمل الرايه
لنهض بهمّه اعلى الكفر نقمه
ماروه گلوب العطاشه وارتوه بدمه

فات ابو الاحسان ثاير بزوده

وخله جيمان الطواغي بسيفه مردوده
وعسكر العدوان هشم حدوده
درعم الصوب الشريعه وعالمتن جوده
واعلى ابوالسجاد روحه ممروده
ما شرب ماي الفرات وثبت عهوده
لجل اخوه حسين واهله واجنوده
ضحّه بالعين ورگبته وضحه بزنوده
ما هوه عزمه ولاثنه سهمه
ماروه گلوب العطاشه وار توه بدمه

اعلى العقيده فات والعمر عافه
گضه ممرود الفؤاد ويابسه اشفاه
شحال ابوالسجاد من أجه وشافه
بسهم المحدد رمية وغارت اوصافه
بدمعة الاحزان سائده وحافه
وگله ياخويه اكسرتنى وموتك اوسافه
وانت نعم العون بالعهد وافه
وسفه دين الله ورسوله خلصت احلافه
وانحنه ايشمه وغارگ بهمه

ماروه گلوب العطاشه وار توه بدمه

گـوـض العـبـاس رـوـحـه عـطـشـانـه
و من دمه الهامه ترّوه وماروه اجنانه
والأشد من های بـلـوـه رـضـعـانـه
صوبت گلبه وضميره وهدت ارکانه
و مارجع بالماي يـرـوـى نـسـوانـه
وظلت سموم المصيبة تاذى وجدانه
يا لّي طبعه الطيب و الـو فـه شـانـه
قدم ادموم الوريد وعرّف احسانه
واعـتـلـه رـسـمـه و الفـخـر لـسـمـه
ماروه گلوب العطاشه وار توه بدمه

لطمية

ظـهـرى انـصـاب يـالـغـالى
وانـهـض شـو فـني اشـحـالى

صـاح بـگـلب مـترادى يـا بـالـفـضـل حـاچـينى

ركن الصبر هديته بعدك سيف ايميني
وسهم اللي صاب عيونك بصوابه صوّب عيني
راح الزود يعضيدي

وبعدك صار تبديدي
وموقع وجودك خالي وانهض شوفني شحالي

حين الؤگف بوليمه يم العضيد وشافه
عليه انحنه بدلاله وصوت الحزن بشفافه
يگله انهدم عسكرنا وبيمن بعد يتلافه
اگعد شيلي الرايه

وانهض حوفلي الثايه
وانت عميد ارجالي وانهض شوفني اشحالي

بعدك يطود ارجالي مالي صبر لاحيله
وهذا العلم عالشاطي منهو اليگوم ايشيله
ولوله رجعت لخيامي شنهو جواب العيله
ولوله عليك سألونني

واعلى الماي حاطوني
بيمن ارجي اطفالي وانهض شوفني شحالي

چانت تصد لدروبك بلكى تجى ترؤيها
ومن العطش والآمه هالعايله تحميهه
بيك الأمل يعضيدى وانت الحنون اعليها
تترجـاك رضـعاني
وما رجـعيت يـالـحـاني
وخابت يخويه آمالي
وانهض شوفني شحالي

انهض يراعى الشيمه حاميني واحمي اخيامي
وانه الغريب الهاوى بين الحرب والآمى
ومن كل جوانب دنياى كثره عليه اسهامى
يابو الزود والغـيره
ليش تـعـوفـنى بـحـيره
ودمعى اعليك همالى وانهض شوفنى اشحالى

رحت بعطش دلالك وماى النهر تركيته
لجلى ولجل رضعاني عنه بعدت وارميته
موقف الك يالحامى ويه الدهر توقيته

وانت الشاع معروفه

يالى انصاب بـچفوفه

وانت المثال العالى وانهض شوفنى اشحالى

عفت العمر ومهيته لجل الشرع واحكامه

يشهد دماك الزاكي وچفوفك ويه الهامه

طف كربله شرويته وبالعز رفعت اعلامه

كل الناس تحجيا

للعباس حاميها

واسمك دام للتالى وانهض شوفنى شحالى

لطمية

گوم يهلال العشيره گوم يا وافي الوعد

رجع ظعون الغوالى يالجبته من البلد

حمل ظعون الغوالى وبيدك يلوگ الحمل

وين شيال الكلايف وين عباس البطل

هودج اختك يا شفيه عدله فوگ الجمل

وانت رجواها وحماها شلون عنها تبتعد

رجع اختك يا شفیه یالجبتهآ برهدنه
بالكرامه سايرتها وبحماك أمأمنه
شلون جيه من جبتهآ جيّت العز والهنه
وفوگ ظعن الهاشميه رفت طيور السعد

فوگ راس الهاشميه خفجت اعلام الفخر
وانت جيدوم السريه وبوجودك تبتشر
بيدك الرايه العليه رايت العز والنصر
يالذي رباك حيدر ضيغمي ونعم الولد

يا ربات العز يغالى يا شبل حامى الحمه
ليش خلّيت الزچيه باليتامه موزمه
تدرى بالحره العفيفه اعلى الدلال معلمه
وهسه محتاره وأسيره وطاح ظلها والعمد

وين ذاك الظعن لونه شلون من هاذ الظعن
رجعت اختك بالمهانه والعدو بيده الرسن

شافت انواع البلايه وضافت انواع المحن
گوم يا صاحب الغيره گوم لاتهجع بعد

راحت اخوتها النشامه وطاح سد العايله
وظلت اختك بالكائبه حايره وموجه
ليش عفتوها غريبه ونمتوا بطف كربله
راحت ارجال المهابه وبعد بيمن تستند

گوم رچب هاليتامه يآلي فوگ المشرعه
ليش نايم عالوطيه والچفوف مقطعه
تقبل مروتك خواتك بالبرارى ضايعه
مابگه والى يلمها ولاكفيل ولاضمدم

لطمية مربوعة

خويه يا عباس شوف احوالى
والمصيبه وجت بدلالى

مصيبتك عباس هدت حالتى
يا عضيدى گوم وارفع رايتى

وانهض النخوای وارحم غربتی
شوف دمعي اعلى الوجن همالی

شلون وگفه حسين عالهامی وگف
محنی ظهره والدمع يجرى نرف
من صميم احشاه يا خويه هتف
كدرتنی وحتطمت آمالی

وانحنه ايشمه وينشف طبرته
وشاف مگطوعه اليمين ويسرته
والدمه مهمول غاطي وجنته
شلون حاله شاف اخوه الغالي

ينظر بياحال شيال العلم
فاگد الزندين وبعينه السهم
ناده يا عباس يا راعى الشيم
گوم وانهض يا عميد ارجالی

گوم يهلال الهواشم يا وفي
بعذك العدو ان بينه تشتفى
وعسكر الايمان بعذك ينطفى
يصعب اعلى نومتك برمالي

عيدت سفیان من طاح اللوه
والمحب اليوم بمصابك دوه
وبسهم فرگاک دلالي انچوه
وبعذك الدنيه فلا تحلالي

لطمية

يصيح ابواليمه ويريد اعوانه
حزام ظهره واگع بميدانه

هالغريب يصيح ما واحد آله
وعسكر ابن زياد تارس هالقله
ناده يهل الزود يهل المرجله
صفيث وحدي والعهده كثرانه

خويه يا عباس يحزام الظهر
من عكب عينك هالجيش انكسر
واهدمت رجواى يا ضي البصر
حتار فكرى ومهجتى خلصانه

هدمت رجواى يا روح الأبّه
وتدرى يا عباس نارك لاهبه
والغوالى خلاف عينك سايبه
صواب فقدك يالاخو رجّانه

گوم يا عباس يا سيف الحمه
وانصر المظلوم بضعة فاطمه
وارحم الرضعان من حر الظمه
وجيشك المنكوب لمّ اركانه

يالاخو ظليت مالیه احد
وعسكر ابن ازیاد مرفوع العدد

بيك زودی چان وانت المعتمد
مشيت يا روح الأبّه وعنوانه

ناده يا طيبين گوموا النصرتي
مفرد و حيران شوفوا حيرتي
يهل المرّوه دسمعوا نخوتي
عفتوا مولاكم فريد اكوانه

لطمية مربعة

گوم يا عباس يا والينه
يا الجبتنا ليش مستودينه

يا الجبتنه من المدينه الكربله
گوم خويه الساع رد العايله
وظعن ابوالسجاد بيدك حمله
موسجيتك يا لاخو تجفينه

عالشريعه تنام وتعوف الاهل
تدرى موهين عليك ولاسهل

وانت يا عباس شيال الحمل

شلون جيه بشيمتك من جينه

بيدك الرايه ترف اعلى الظعن

يوم جينه وياك واتركنه الوطن

خاف هالنسوان بعدك ينسبن

تعوفهن وانت الضمد والعينه

يالاخو معذور وانت الضيغمى

خاف جودك طاح فوگ العلگمي

خاف دم الراس عالوجنه ايهمى

وماگذرت من الورد تسگينه

ندرى بحسانك يسبع الگنطره

ما اظن ترضه الخوات محيره

لكن رسوم الجميله معفره

اشطاح بيدك يالحنين عليه

لطمية

يا ليث العساكر يا محاميها
والرايه يخويه تريد راعيها

يا حامل الرايه ما تحاجيني
واصوابك رماني وزيد ونييني
نمت اعلى الوطيه ومن يحاميني
والعدوان ثارت من يلاغيها

شهانومه يخويه برملة الوادي
وانت حزام ظهري وسيفي واسنادي
ما تسمع عضيدك واگف اينادي
بحماك الكتيبه تريد واليها

مطروح العلم ويريد شياله
وبعدك يا عضيدى منهو يحلاله
والميدان ساب وضيع هلاله
يا نور الطليعه اچان ضاويها

من طاح العميد وطاحت الرايه
وهجمت گوم ابن سفيان دوايه
والمظلوم صاح وماله حمايه
واصحابه ثرى الوديان غاطيها

من حين الترادى صاحب الهمة
بان الأنكسار بوجه ابواليمه
حايرو والاعادى عليه ملتمة
واحزانه علت من كل نواحيها

صارت ضغبره من طاح ابوالشيمه
ساب الكون وانهدت تقاسيمه
قايد بوعلی متگنظر هضمه
يا وسفه هدف صار المراميه

لطمية

نايم على الشاطى يا بعد عيني
يا خويه غريبه لاتخلينى

نايم على الشاطى يا بدر عدنان
وشوارب الغيره معقره بتربان
اسمعنى يخويه واسمع النسوان
يالبيدك جبتنى گوم ودينى

يالبيدك جبتنا ما ترد بينه
خويه بدار غربه لاتخلينه
ترضه ويّه الاعادى يسوگ حادينه
واصريخ اليتامه زيّد اونينى

بديار الغريبه شلون تدبارى
وادرى بالعهده ما ترحم ازغارى
وابحر الوطيه جملة انصارى
منهو اليعدل حمولى ويبارينى

نايم يا عزيزي بطرف المسنات
ومصابك چوانى يا شريف الذات
ترجعلى واشوفنك بعد هيهات
يالچنت بوجودك رافعه جبينى

يا راعى المرّوه مو عليك بهون
زينب والغوالى بوليت الملعون
ولرض الشام ياخويه العده يردون
تاليها يسيره واصفگ ايمنى

ياخويه المحنه هاى تاليها
تناديك العزيزه ما تحاچيها
وعهود الكفاله ما توافيها
انهض يالمحامى وشوف تمحبنى

لطمية

وعدك وين يا عباس
والرضعان عطشانه

يا عباس وعدك وين
مشبوحة عليك العين
وتحير اخوك حسين
وراحت جملة اعوانه

مارديت لصـيوان
تسـگى عـيلة العطشان
وتـروى مـهجة الرضـعان
مـنـها الروح خـلصانـه

سـكـنـه واگـفـه تـناديـك
وعـيون الغـوالى عـليـك
يـالـحـامى وضمـدها بيـك
وانـت الشـايـع احـسانـه

تـدرى مـفـرفـره الاطـفال
مـنـها تـفـطر الدـلال
ما يـخـفـاك هـاذ الحـال
كـلـها تـلـوب لهـفانـه

يـالـحـامى درـد لـيـها
ومـن المـاي دسـگـيـهـه

ما تسمع بواجبها
يالواكع بميدانه

يالواكع بالمسناات
دسمعنه يطيب الذات
عيب تبطل الونات
يااعزنا ويسلوانا

لطمية

هالرايه الهوت بالكاع
طايح وين راعياها

راعياها هوه بيا صوب
ذاك الفارس المهوب
والعسكر صفه مگلوب
ومگبر نواديها

صارت ضغبره واصياح
لمن بوالفضايل طاح

ريسان الحرايب راح

ومنهو اللّبي يوافيها

شهاالضجه الغدت بالكون

قايد بوعلي مطعون

ومن بعده العده يهجمون

واخواتك شيسليها

خويه بياكتر مطروح

واخواتك علاها النوح

من بعدك شيصبر الروح

انهض يا محاميها

ليش اعلى النهر نايم

خويه يا بدر هاشم

والعسكر غده جايم

ثارت كل نواحيها

زينب نادت بعبره
اخوك محير بأمره
يصيح ومحد ينصره
وگومه تراب غاطيها

لطمية

يعباس ظهري انكسر
خويه ينور عيوني

صاح حسين يا كسرتي
يا خوي بعدك حيرتي
خلصت رجالي واخوتي
يهل الوفه تركتوني

عباس يصبي عيني
وسط الغلب چاويني
يابو الوفه تخليني
وانا وحيد بكوني

عباس يا راعى الوفه
عباس يا حلو الصفه
عباس يا ابو العاطفه
باطيب اخو عازونى

ظهري انكسر يعضيدى
شبيدى يخويه شبيدى
وانا بگيت وحدى
عزاز الغلب عافونى

لطمية

هذا العلم يا خوى مننهو يشيله

چاوين شياله ناييم على ارماله
ويا حالة عياله وتصرخ مطافيله

هذا العلم بالگاع مننهو يشيله الساع

وياك خويه وداع يا كافل العيله

انهض يخويه وگوم وانت عجيد الگوم
خويه حلالك نوم يالمحد امثيله

ياريس الجيمان نايم على التربان
وبوعلي وجعان خلصت رياجيله

شوف الغريب شلون ماله ضمدا لاعون
وكل الزلم بالكون والمدمع يسيله

واگع يحامى الدين ومگطع الچفين
والسهم طر العين والدم ضهد حيله

لطمية

ياخوى فصمت ظهري

يا عباس حاجيني

يصيح بصوت وينادي

انت العين واسنادي

اليوم تهدم اعمادى

صوابك صوّب العيني

صداله ويجر حسره

وهو محير بأمره

غلبى عليك شيصبره

عيب ايبطل ونيني

أيا يحسين من شافه

والدم غير اوصافه

دامى ويابسه شفافه

يغله السهم ماذيني

ياخوى فجعت غلبى

بعذك ما اصد دربى

وعليه وجر حربى

وانت سورى ومعيني

يا عباس ظهري نعب
صوبني الدهر نشاب
عيني تشوفك اعلى تراب
سهمك نار چاويني

لطمية

مطروح ياريسان فوگ المشرعه

مطروح يابوالدين ومگطع الجفين
والسهم طر العين هاوى على التربان

وسفه يطيب الذات واگع بالمسنت
ومخضب الوجنت آياگمر عدنان

بالعلگمی ممدود يابوالشرف والزود
ماعوديت اردود يا صاحب الاحسان

وبوعلي شحاله ممرود دلاله

ومگوضه رجاله ومكائره العدوان

ليش الولي عفته والمای ما جبته
ومحیر ترکته لمخيم النسوان

كلها عطاشه تلوب ومضيّعه المحبوب
وفادها ملهوب حيره وعطش واحزان

لطمية

های الزچیه تصیح وععدك ويينه

يالی جبتها وياك وخليتها ویه اعداك
وتنومست بحماك ومشيت يالعينه

يالی اکفلت زينب ليش الظعن غرب
ياصاحب الزينه يمازين يمنتب

نادت يبو الغيره خليتني بحيره

واخلافك يسيره تعرضه يحامينه

وين الكفاله وين يا خلفت الطيبين
صوبك ربيه العين چاليش تجفينه

يالواعدتني شلون بالعلگمی مطعون
خاف العده يهجمون بعدك يواليينه

نايم يبولنوماس يالبيك رفعة راس
متگوم يا عباس ما تنغر عليه

لطمية

اويلاه يخويه طاح ورادى

اويلاه يخويه تکور عمادى

صرخ صوت دقومی بساع يحينه

دریتی عزيزچ صوبوا عينه

يخويه يشيل العلم رامينه

دطلعی يحوره وشوفی اشسادی

هوه الساع عمادى وطاحت اركاناه
يحزنى على المعروف عنوانه
ببو الزود يوسفه اشتفت عدوانه
يزينب يخويه انهدت اوتادى

عزيزچ على التربان خليته
اويلاه احزام الظهر خسريره
صعب چود عزيز الغلب تركيته
مصابه شعل نيران بفادى

بعد وين الاقى ريس ازلامى
درىتى يزىنب واگع الحامى
يخويه اصيحن من گلب حامى
يعباس عليك يگبر النادى

على الحيد غدت بخيامهم ضجه
وبالعيال تعالت ضغبره ورجه

يعباس يغالى شكبر الفجه

يبوالزود عليك الحزن مدادى

چوانه مصابك يبوالحنيه

يعباس خواتك بگت مسبيه

يوسفه على شاطى العلگميه

ابو الذات يضل مطروح بالوادى

يعباس يبوغيرت الموصوفه

بعد وين يجينه الحيد ونشوفه

رميه الحنين وقطعو چفوفه

على اجفاك مرير الشرب والزادى

لطمية

طفل الولى عطشان مارويته

عينه عليك تلوب ويتنظر المطلوب

رديت مرمى النوب يا ساگى الرضعان

للطفل ما رويت وللخيم ما رديت
وانت ينور البيت ويا زهوة الخوان

احوه يساگينه مصيوب حامينه
ماعودت لينه آياگمر عدنان

خويه طلبنه الماي ومنو مسه بنخواي
بيكم نظر عيناى وسفه زمانى خان

والماي ما جانا وتلوب رضعانا
وبالظيم خلانا وبوعلى حيران

والمير حيريته والظهر كسريته
يا حيف ماجيته يا صاحب الاحسان

لطمية

ياورادى بجرف النهر مطروح

انهض يريس اعضاءى طاح اعلى جرف الماي
لتعوفنى وتروح منهو ألي حماى

آياگمر هاشم فوگ الجرف نايم
وانت الاخو الممدوح سالم عسن سالم

يمّه العلم والجود عباس يابو الزود
وبعده سگيمه الروح ييمته العزيز يعود

وتگوم تحمينه ييمته ترد لينه
ودماک خويه يفوح جودک مزقينه

عطبت دلالى عباس يالغالى
شلون الگلب مجروح گوم انظر احوالى

لطمية

يعباس العلم والجود ليش اعلى الجرف مرمى

عباس العلم عفته بجرف العلغمى تركته
خويه يا بعد اخته گلبى من الألم يدمى

عباس اعلى جرف الماي تركت الجود يارواى
والله نحيلت اعضاى عيونى دومها تهى

دمعى من دمه مهمول وجسمى من الهضم منحول
يا غالى يحلو الطول يا خلفت هلى وعمى

بجرف المشرعه مطروح ذاك اللى تریده الروح
يا عباس يا ممدوح وسفه مانجح سهى

راح الزين شيرجعه راح البالوصف طبعه
اعليه طول العمر انعه همى ما يفلى همى

راح اللى عليه حنين يا وسفه انضرب بالعين
ويمه الجود والچفين يعينى عالحنين اعمى

لطمية

هالفارس المطروح وين چفوفه

چاوين چفينه والسهم طرعينه
ومخضب جبينه والجسم كله جروح

وسفه يبدر التام فوگ التراب اتنام
يالفارس الضرغام ليش الدمه مسفوح

لتنام هالنومه والهامة مهشومه
يالشاعت علومه وانت الاخو الممدوح

نايم يبوالغيره وبوعلى بحيره
وين الذى يجيره واعليك ماله روح

يا ساگى الرضعان ما عدت للصيوان
وانفجعت النسوان وبالخيمه صار النوح

وعبدالله يا حاله وانلفطر دلالة
والمای ماجاله ليك النظر مشبوح

● ○ ● ○ ●

● ○ ●

نواعى فايزى

گومى يزىنب هللهى الحامى الظعینه
بدر الهواشم فات والسيف بيمينه

صوّل يسبع الگنطره صول على الگوم
واحمى خواتك يا شهم وانصر المظلوم
وصّاک حماى الحمه والوعد هاليوم
وانت عضيد ابن النبى وانت معينه

دايم يروح المعرفه دايم يعباس
من هاشم وغالب حويت الشرف والباس
هاليوم هزّ مذهبك واعدم هالرجاس
وخل تسمع العدو ان رجّاته ورنينه

گومى يزىنب هللهى واتمايزى ليه
عزه وشهامه ومرجله فاضت حواليه
هذا يزىنب ناصرچ حى وهلا بيه
وبزهره الايمان يتشعشع جبينه

سالم عسه روح الوفه ويعود اردود
وتدوم هالرايه ويدوم الفخر والزود
ومن كيد اميه تسلم چفوفه والزنود
واعلى جنود الطاغيه ربه يعينه

يا كافل الحوره يواليها وذخرها
تدريك يوم الملحمه عزها وفخرها
وحان الوعد هاليوم يا فارس مضرها
يابوالفضل يوم الوفه هاليوم حينه

نواعى فايضى

هاليوم يومك يا بدر هاشم وعدنان
مذخور من حيدر على ليّام الاكوان

هذا يحيدر ذخرك الطيب ذخرته
من زغر سنه اعلى الهمم والعز طبعته
ويومه عظيم بكربله يظهر عرفته
ويصيرله بين الخلايگ سمه وعنوان

عباس والرايه بيمينه اليوم تحله
وصول على گوم الردى والسيف سله
اختصت ميادين الحرب للحيد واهله
امه عفيفه والابو فارس الفرسان

هالطالع شهالنور يزهر من جبينه
وارتجت الاكوان من صولة يمينه
مغوار بارز للعهده بقوة يقينه
طشّر كتابها وشعل بالكون نيران

اگبل بزوده والعهده عافت مقرها
مثل الطيور الهازمه خلت وكرها
فرت مريبه وعالارض خيم صگرها
يحصد جماجمها وبگت نومه اعلى التربان

شي لزمت الوديان شي تعثر بالخيل
مادرت وين تروح من صارم المسلول

صاحت الغوث الغوث لمن شافت الهول
وهو العجيد الحاكم بحومة الميدان

نواعى فايزى

عباس يا راعى الوفه ما تسمع حسين
نايم على جرف النهر والسهم بالعين

اسمع كلامى يالاخو وانهض يمندوب
دارت عليه الدايره والحرب كل صوب
وانت يقايد عسكرى بالراس مضروب
واعداك بعدك عيدت والفرح صوبين

أمّن عدوك من طحت ياليث الاكوان
واصبح خليلك بالهضيمه ويوم الاحزان
انهض يخويه وشوفنى مابين عدوان
ظهري نكسر بجفاك يا عز الميادين

عباس خويه بنومتك ظهري كسرتة
والجيش بصوابك يورادي هدمته
شحچی واگل العايله يا كافل اخته
لو سايلونی عن مصير المای هالحین

عندك حراير بالخيم ظلت يرواي
ماطاح بيدك ترجع الها بشربة المای
يا حيف تاليها صريع اگبال عيناي
دمك يسيل اعلى الثرى وفاگد الجفين

لمسح دماك بيمنتني يا زين الاطباع
وارفع جبينك يالوفي من واهج الگاع
عباس ما تدرى بعضيدك محنى الاضلاع
ذاب اعلى جسمك والچبد منفطر نصين

نعي مجرد

يا كافل الحوره يعباس هاليوم يومك يبوالنوماس
حطم بنى ميه الارجاس

الغف الرايه وصول بيها وادخل الحومه وخوض بيها
يا عون زينب يا وليها

حن البطل واجره دمعه وعين الزقيه شاهده
صاحت هله يا كافل اخته

نادت يخويه ونظر عيني بلكى بحنانك تباريني
مثل ما جبتنى دوديني

لكن يخويه نرد هيات والوعد برض الغاضريات
واختك تظل ما بين حسرات

اقتك يكافلها وحماتها ماينطفى همها وبلاها
للموت هالونه اويها

عباس خويه بدمتك جيت ولرض الفرات اهنا تعنيت
ياريت ارد وياك ياريت

وين الرجوع يصير وينه واهل الغدر دارت عليه
خلها تنوح ارض المدينة

نعي مجرد

هلهت زينب والدمع هل وگلبها لبوفاضل توجل
محروس يا طول المعدل

ياگمر هاشم يا بدرها يا ذخر زينب يا فخرها
يامن على الحومه صگرها

عباس ما مثلك بالاخوان يالدربك فارس الفرسان
مذخور من هاشم وعدنان

گلها يزینب يا زچیه روحی لقدّمها ضحیه
وانصر غریب الغاضریه

اخوچ وحسامه فوگ المتون لداعي بنی میه یفرون
صاحت هله وتفداک العیون عباس و بیومک یوصفون

يا ضيغمي الما تعرف الخوف عباس يوم الحرب موصوف
ودامت الرايه ويه الجفوف

يا هيبتى ورافع الهامه عباس يا راعى الشهامه
واهلل تزهر بالنشامه

دايم يبو غيرت الحلوه كفوين للهّمّه والنخوه
يا حيد يالكلك مروه

نعي مجرد

هالفارس الصول على الكون هذا منو گاموا ينشدون
گالوا ابن هزاز الحصون

ارتهبت بنى ميه من اجاها وبسيفه گنظرها ولواها
عباس ابن حامى حماها

لمن على الحومه تحدر خله الزلم بالخيل تعثر
عباس يا قايد العسكر

حياك يا ناصر عضيديك يحله العلم والسيف بيدك
والگوم فرت من رعيديك

محروس بالباري يبالزود وتودوم چفينك والزنود
واعلى المدينة تعود اردود

دامت الرايه يبالنوماس ومحروس بالباري يعباس
وهاليوم حطم گوم الارجاس

عباس يا زهوة عمامه وچنه بدر ليلة تمامه
راعى الفخر راعى الشهامه

بعيد البله وترجع للبلاد دايم عسه نورك يوراد
محفوظ من هجمة ابن ازياذ

نعى مجرد

عباس يوم الحرب هاليوم يا صاحب الرايه ي معلوم
خوض العده وانصر المظلوم

نادت ألي وياك چلمات يا ضيغمي يا طيب الذات
وانت ذخر صاحب الكلفات

گلها يبت حامى الحميه احميچ بالمنه عليه
واحمى خدور الفاطميه

يا من على زودى طلعتى وياچ يحله الغول يختى
والله لضحيلچ رگبتى

بعهدى الكفاله جيتى وياى خويه لحطچ فوگ عيناي
ومن خدمتچ ما تمل يمناي

گالت هله يا قرة العين ونعم الضمد يوم الميادين
عباس واعرف گلبك حنين

عباس وادرى بيك مغوار يالرتبك حيدر الكرار
اورادك تحطم گوم الاشرار

تگوه یبن چتال مرحب عباس یا سیف المجرب
اشحد العده لحماك تگرب

نعي مجرد

سكنه نخت والعين عبرى تگله الغلب مگدر اصبره
ونار العطش بحشای كبره

یا عمی تدری موجره حشای دنهض یبوقاضل یحماى
والحگ علیه بگطرة المای

هالغالیه لمن سمعها یمها وگف یمسح دمعها
والرایه بیمنه رفعها

گلهای ویهل امدامع العین امرچ علی الراس وعلی العین
عمی یصیر اشما تریدین

گالت فلا یخفاك هالحال یمك تلوع وتصرخ اطفال
وجمر العطش ذوب الدلال

گلهای یسکنه یا غریبه والله لو جر هالحریبه
ولمای لخیامچ لجیبه

اطلع بزودی وادحم الگوم وانهض وروی گاعها دموم
واسگی عدوی کاس مسموم

یا غالیه ویا نور العیون مادام سیفی فوگ المتون
لدعی بنی میه یفرون بالله الضمد وهو ألی عون

نعی مجرد

عباس خویه کسرت ظهری وبعذك ابد مارید عمری
شنهو یرید یصیر صبری

شیصیر گلبی وافتکر لیک خافی الصوت ونفس ما بیک
والعلم والجربه حوالیک

نایم ولالک اید تنشال ولائفر یتکلم یسردال

والراس بعمود الكفر مال والعين دمها من الجفن سال

هامت الغيره صوبوها وچفوفك الطيبه اقطعوها
وعيونك الوسعه اضربوها

سهم اللي صابك صاب چبدي شفتك وماظل حيل عندي
تدرى يخويه بگيت وحدي

يا قايد العسكر يجيدوم الكف الرايه وانهض وگوم
خلافك يخويه الظهر مفصوم
مالك جنان تگوم ليه وتنغر يبوالشيمه عليه
نايم يبونفس الأبيه

ظهري يخويه صوبيته واسهام مسمومه رميته
وياك السعد خويه خذيته

مطروح يا عباس يا حيف انهض وشيل العلم والسيف
وأنا تره مضيع التكليف

نعي مجرد

يم الشريعة گبر صياح وعباس فوگ العلگمی طاح
راح الاخو وانطفه المصباح

گومن يخيه شوفن اشصار صارت الضجه والترب ثار
گالوا هوئى القايد المغوار

واگع على جرف الشريعة مطروح وچفوفک گطيعه
عباس يا حلو الطبعه

امشن نروح اعلى المسنات ونشوف زين الطبع والذات
انگله دشوف الفاطميات

ظلمن يخويه بغير حماى حاله فجيعه وضايح الراى
وانت الذى واعدت بالمای

شوف الحرم يا بدر عدنان يتعثرن والحيل تعبان
من سمعن بموتك يريسان

طايح يراعى الفخر والباس وعمودنا تهدم من الساس
العسكر هوى وياك عباس

يبجى العلم وينوح الجود وين الوعد يا صاحب الزود
بعدك خواتك ابد متهود

وين الوعد والمای وينه برجواك ياخويه سكينه
وبالمای حسبت تروينه

نعي مجرد

شحال الولي من شاف عباس مطروح واصوابه على الراس
ناده افجعتنى يبو النوماس

جاله وگعد يمه يحاچيه ليش العزيز انگطعت ايديه
سند الغالى وانحنه عليه

يم راسه ينحب والگلب ذاب ويمسح اصاويبه من التراب
وسفه هلالك گوض وغاب

عباس لمن حس باخيه تحرك ابونفس الابيه
تعبان والونه خفيه

گله الامام ويهمل العين متگوم ياسور الخواتين
متگوم ياطود الميادين

هديت ركنى يا عضيدي بعدك حرت واصفگ بأیدی
والگوم مگصدها وریدی

يا خوى عندك حرم وايتام منتظره ترجع للخيام
ومادرت بيك مصوب الهام

يا الواعدتها تعود ليها وبالماى خويه تحن عليها
خويه شگلها وشحاجيها

سكنه بالمخيم تناديك والعطش ضرها وتنتظر ليك
وكل الغوالى عينه عليك

لو رحت للخيمه شگلها وهى الذى بجودك املاها
عباس يا شايل حملها

هـ ————— وسات

هلهت زينب العباس الأسد
هايين عودي تگله يا ضمد
بيك فخرى وتدرى هاليوم الوعد
«والرايه بأسمك منصوره»

انت ذاك الرتبك حامي الدخيل
حامل الرايه العليه وبيمينك ما تميل
انت يالبيدك جبتنى منومسه وانت الكفيل
«عباس او نـتـبـاه بيومه»

من حمل عالگوم ابن عقد الوله
خبط عسكرها بيمينه والصفوف مزلزله
يوم ما مثله تكرر عالخلايق والميله
«والگاع تموج من الغاره»

چن ارضها تموج صارت والمشارك مظلمه
وساحت الميدان فاضت من كثر سيل الدمه

ما تشوف بطرف سيفه الأروس مهشمه
«والكـون الحـيدر وولاده»

حمل حملات الرهيبه وفرت من ايده العده
شي على وجه التراب وشى تروح مشرده
صار ليل اظلم سماها والفرع بيها غده
«ومن يوصل حده وعنوانه»

لكن الحسرات وجت لمن الحامى هوه
چم دليل اعليه تلوه چم گلب شب ودوه
وصاح ابوالسجاد صيحه راح شيال اللوه
«هديت احوالى بهالنومه»

شحال گلبه من لگه ليث الزلم
مقطع الجفين وبعينه السهم
ويمه طاحت تجربته وطاح العلم
«وصواب الحيد اعلى الهامه»

من هو حامى الطعينه وطاح فوگ المشرعه
انهدت ارکان ابواليمه ويّه ساعت مصرعه
وظلعت تنوح الفواطم من خدرها مروعه
«يا وسفه تگنظر حاميها»

هوسات

سمعن الضجه الفواطم مادرن شنهو الجره
تلوب وحدثهن مريبه والدموع امنائره
وساعه لن الصوت اجاهن طاح سبع الكنطره
«والحامي قطع چفينه»

وجن بنار المصيبه وبالذيول امعثرات
وبالخيم صارت مناخه عالى طاح اعلى الفرات
يا أسف راح ابوالشيمه أيساعد الله هالحوات
«ويا نار التفگد واليها»

وگامت الحوره تنادى ومن مصيبتها تميل
وصاحت بصوت الكائبه وين طايح يا كفيل

ما بگه دلال عندى والجسم مني نحيل
«ياخويه تصوب دلالي»

خويه هالرايه دگلى منهو يحملها بعد
وانت راعيا وبطلها وانت عباس الأسد
نايم بصف الشريعه وهامتك طرفها العمد
«عباس انهض شيل الرايه»

آنا زينب يالجبتنى ليش منى اتعدرت
موگلت انت كفىلى يالى عالشاطي اوگعت
وارجع الدار المدينه خويه وياك احسبت
«يا مشكر خسيبت ظنونى»

يالعضيد اعليك اعتب لكن شيجدى العتاب
ما يبرد لي دليلى وانت هاوى اعلى التراب
هالعتب منى ازيده من كثر نار المصاب
«ياخويه ويا نور عيونى»

هوسات

وگع حامى الظعينه وصارت الحنه
وبساع الامام المصرعه تعنه
على عضيده انحنه وبس يجهر الونه
«ياخويه صوابك بفادى»

شلون من طاح وتعناله الظهر
صاح صيحه فجرت صم الصخر
گوم يا عباس فصميت الظهر
«عباس انهض شوف احوالى»

وگف يمه ويصب ادموع هماله
وبشوف العزيز انهدت احواله
لگاه مقطعه يمناه واشماله
«والقايد قطعوا چفينه»

بطيحتك خويه تهدم عسكرى
يا عضيدى ويا سنادى وناصرى

اليوم يا عبرة عيوني اتفجرت
«واظلمت بعدك دنياي»

مظلمه دنياي من بعد العجيد
يا عضيدى وانت يا نعم العضيد
صوابك بگلبي يبن عودى مجيد
«والعسكر هديت اركاناه»

شرد اوصفك يمن للخوه مثال
گوضيت وما شربت من الزلال
شلون الى عين وتشوفك عالرمال
«ياخويه ويانور عيوني»

هوسات

گومى يا سکنه الحزينه طاح شيال اللوه
المای ما برد دليله ومن دمه الهامه روه
راح مجروح الفؤاد بجمرة عياله دوه
«وما روّه گلوب العطشانه»

السكنه ما عاد الحنين وهي تنظر جيته
مادرت فوگ الشريعة الگوم طرت هامته
وطاح جوده من يمينه وما ترؤت عيلته
«وعـيـالـه مـا عـود لـيـها»

ظلت اطفال النبوه تلوب من گد الظمه
ما رجع بالماي ليها شبل حماي الحمه
شاف جيمان الاعادى اعلى الفرات مخيمه
«وتـوـذـر جـوـده وچـفـينه»

راد لعيله يروى ويسگى عبدالله الرضيع
ومن تعناله ابواليمه وشافه عالشاطى صريع
گله ياخويه اعذرني وشوفني بحال فجميع
«واتـعـذـر خـويه مـن عـيـالي»

أنا سكنه واعدتها ولازم اوفى بالوعود
لكن العدوان حالت بينى وبين الورود
خويه بلغها سلامى وگلها ما اگدر اعود
«وچـفـوفـى الـگـوم مـگـطـعيـها»



الفصل الثامن

اليوم الثامن من محرم

في ما يخص القاسم بن الحسن عليه السلام



لطمية

انهض يجاسم للحمه يوم الحرب والملحمه
والحرب خله ماهو محله

هاذى وصيه من ابوك اجرىها
وعوف الحياة ومهجتك ضحيتها
لمن يصيح بكربله ناديها
البس ديلك عالدرع وامشي الجهادك يا برع
وانصر المله وانصر المله

نادته رمله والدمع يتجاره
انظر العمك ظل يدير افكاره
ما عنده حامى والعهه غداره
ينخه ولاواحد آله واصحابه كلها مجدله
والهضم عله والهضم عله

خلى العرس يمدلى واتعنه
للحرب يبني ومن دماك اتحنه
العمك دضحى ولا تقصر عنه

يوم التفانى والوفه
والجرح شلّه
لجل العقيد الهادفه
والجرح شلّه

گلهایمہ اعلى العهد تدرينى
اسمع وصايا والدى تنادينى
بنصر الشريعة والنظام ودينى
گالتله يا باجى هلى
وراسى تعله
بيك افتخر يمدلى
راسى تعله

بيك افتخر يبنى ويرفعت هامى
لمن اشوفن مصرعك جدامى
وجسمك انظره والجبين الدامى
واشهگ وگولن يالولد
ورافض الذلّه
ضرغام وافى للوعد
رافض الذلّه

يبنى زفافك للحشر ميعاده
يامن صمودك للأبد امجاده
ومن شمعتك شمع الزمن يتماده
ون شمعتك بگلبى دوه
والسعد هلّه
لكن على العالم ضوه
والسعد هلّه

لطمية

عريس للحومه ماينعقد مالومه مالومه يم الولد

للحومه ماينزف حيف او الف ياحف

يشرب مرار السيف

وتتغير ارسومه الچـنـها ورد

هـالمرتفع سـومه وهـو الشـهد

مالومه يم جسوم واجرج على القيوم

شبعى غصص واهموم

وتصيح مالومه ومالى جلد

والروح مهمومه بعد الضمد

اسم الله يبدر التام فوگ الثرى لتنام

وعريس يا جسام

وما تصلح النومه البدر السعد

ولاشاعت علومه وخاب الوعد

عريس للاكوان وج الغلب نيران

واليوم يوم احزان

والعرس مويومه ابداً ابداً
وميشومه ميشومه هاذى البلد

يمه يريع احشاي بعدك شلى بدنياي
وضاع البصر والراي

والدهر بسومومه صدنى وگصد
وگلبى يظل دومه يبجى ويعد

يمه دليلى ذاب بصوابك اللهاب
اصرخ واصيح الشاب

واحوالى مهدومه وانت العمدم
هالغصه مرشومه وسط الچبدم

لطمية

رمله تنادى شجون عرس الولد

ما بنيه عزه وسعد محزون عرس الولد

رمله تنادى وين يبني الفرحة

چاوى فؤادى وراس گلبى انجرح
والنظر صار برمدم محزون عرس الولد

بالظيم ليلى وطال ليل الجفنه
مهديم حيلى ونور عينى انطفه
مسعور نار الجبدم محزون عرس الولد

مهضوم گلبى وغاب نور الفجر
يا عين صبى دموم لجل البدر
والليل مرّ بسهد محزون عرس الولد

جسام يمه ليش عرسك حزن
والدار ظلمه ويوم نوح ومحن
مكتوب هذا الوعد محزون عرس الولد

مكتوب يبنى وكون يجرى القدر
فرگاك شبنى وزاد بيه القهر
مفقود منى الضمد محزون عرس الولد

چار ليش عرسك صار نوح او ألم
والضميم مسك دون كل الامم
لگلوب اهلك مرد محزون عرس الولد

مالي سعاده وراح منى الأمل
والگلب چاده مصاب كل الاهل
وامرار بعد الشهد محزون عرس الولد

لطمية

هاك اخذ روحي واحمى الحمه
واضمد اجر وحي المألّمه

يا بدر سعدى والسعد وياك
مظلمه ايامى من بعد عيناك
هاك اخذ روحي هاك اخذها هاك
واذبلت دوحي وشح النّمه
وغارگه بنوحي ومازّمه

للحرب ودعه	خذ دليلى اوياك
بلكن اتوزعه	عد سهام الغوم
للابد يسعه	لا يظل عليك
ويهمى همه	ودمعى مسفوحى
ومازّمه	وغارگه بنوحى

بالولد يبنى	بيك اشيل الراس
لاتخينى	العمك افدى الروح
يمّه دسمعى	والوعد هاليوم
بالملحمه	وانكتب لوحى
ومازّمه	وغارگه بنوحى

لبذل اجهودى	گلها عد عيناچ
روحى ووجودى	وافدى للاسلام
بالحرب زودى	لابد تسمعين
سوح الدمه	وانهض السوحى
ومازّمه	وغارگه بنوحى

يمّه وتحده	روحى خذها وياك
------------	----------------

وچبدي المجرح بالصبر شده
وعمك المظلوم لازم اتسنده
واهوت اصروحي الچانات سمه
وغارگه بنوحي ومأزمه

دهرى بالا حزان بشرا بشاره
واعتنانى البين صدنى بغباره
والولد هـيهات اجمع اثماره
وغارت سفوحي ومهدمه
وغارگه بنوحي ومأزمه

جروحي بالدلال ما بعد ترهم
وشيداويها وشيزيح ألهم
شوسما يومي بالكدر غيم
وبالهضم يوحي والمشائمه
وغارگه بنوحي ومأزمه

لطمية

يا جسام يمه شمّر وگوم
وانصر عمك الحاير المظلوم

آنا امك يجاسم واسمع اندای
وعودك بالوصيه ايريدك الهای
ما يحتاج اندبّنك يوفای
من غالب صفاتك وانت معلوم

يبن الزود والشيمه يضرغام
هاليوم بوجودك ارفع الهام
شلون يصير عمك بين ظلام
وانت ما تضحّي وترخص ادموم

عمك يا عزيزى بين عدوان
لا راحم ولاناصر ولاعون
كثرانه العده وراحت الخوان
ألمن يلتجى وما يوجد ارحوم

ينخه ولا أحد يسمع جوابه
وساحت كربله نهبت احبابه
وينظر بالثرى جملة شبابه
كلها اعلى الوطيه ابحر السموم

شلك بالعمري بنى شلك بيه
لجل الدين والعمك دضحيه
سمعه يصيح ما واحد يلبيه
وعليه دارت العدوان هليوم

وين ابني يشيل الراس زوده
واشحد العده توصل حدوده
مغوار وبني هاشم اجدوده
ذيچ اهله الفخرها دايم دوم

لطمية

معرس والصبايا واگفه ابابه
رشوله ورد هالساع يحبابه

عجنوا حنته ورشوا رياحينه
وسوو جلوته وعدلوا صواوينه
العرس ابن الحسن خل نرفع الزينه
ويمه خل يفوح العطر واطيابه

رشوا الطيب لجل المعرس ويومه
ويمه خل تهوس صحبته وگومه
عادات الزواج بهای مرسومه
وبعرسه سرور الاهل واصحابه

شمعات العرس هالساع علگوها
والحوفه يخوته سريع نصبوها
والجسام جلوة فرح سووها
يا جاسم زفافك للگلب ذابه

معرس والنشامه خل يهوسوله
وبالخيমে شمع وبخور حطوله
لازفه ولارنت الهلهوله
من بين الصبايا ضايع احسابه

للمدلول گوموا حنوا چفوفه
وبنفسه زفاف وگعدت الحوفه
لش بحومه الميدان وسيوفه
ونيران العده بالكون لهابه

جاسم يا شباب البعه متهنه
لاشوباش لازفه ولاحنه
عرس الغاضريه بيه الف ونه
واعلى الناس ابدأ ماجرى مصابه

لطمية

هم ايصير زفه والحومه سوه
ومثل اشموع جاسم دلالي دوه

هم زفه تصير بميدان الحرب
وتصير الهالهل رميات وضرب

واحبابه حزانه والدمعه تصب

ويوم الغاضريه لفراحي طوه

هالعريس عرسه بالآم ومحن

وازفاهه مناحه وثيابه چفن

وجرح گلبی ودموعی جرن

يومك يالمدلل لفادی چوه

تدوی شموع عرسك بالمهجه تره

ودلالی مثلها عطب وانبره

يا جسمام عرسك ما صار اوجره

خلص ماى عينى واعضامى لوه

صار تلك الهوسه برماح العده

بصياح العوادى وسيوف الردى

وجسوم الضحايا صار تلك فده

والآم وكائبه ودموع ونوى

لا شاهدت حنه ولا خيمه شفت
وارسوم الصبايه منها استحرمت
واشربت المنايه والدنيه عفت
يا وسفه شبابك با أماله هوه

لطمية

شـو بشـوله يشـبان السـعد
هـو سـوله تره حل الوعد
يـالمحروم يـوليدى
يـالمهضوم يـوليدى

شـو بشـوله وتولموا الزفته
وقدموله الشموع وحنته
يا شبان لتقصرون
انتوا الخير وانتوا العون
ها يخوته يعالين المجد

هـو سـوله وعليه طشوا النقل

واعلّـگوله شموعه بهالحفل
رشوا الطيب للغالى
وهو الزود وآمالى
وهو فخرى وسنادى والضمـد

حان المحان الشام الحـسن
وخـلي يـمّه خواته ايـهلـهن
الزينة اليوم نشروها
وروح العود فرحوها
واحفظوله بعزیزه هالعهد

فرحوا گلب الحـسن روح النـبى
واحفظوله الوفه بعـرس الصـبى
هـنّوا الحـيد بـوليدـه
وبـجسام يـا عـيدـه
بنفسه جسام على عروسه انعقد

يـبـنى مـحروم ولاشاف العرس
ولا تهنه بعروسه ولاجلس

لاكو اخضاب بچفوفه

لاشوباش لاحوفه

يومك سهام يفزّر للچبد

آيا جسام يعرسك ماسدى

بالمهاضيم وما بين العدى

والفرسان بالحومه

والاحباب ماصدومه

شرد اوصف من از فاك شعد

يبنى مسيت خليه يمتى

وراقت اليوم عمامى وصحبتى

بالاحزان تمينه

وجور وظيم عالينه

ماكونه ظهير ولاسند

لطمية

علگوها
شموع العرس علگوها
حضرُوا ثياب المهضوم
الله يزفت جسم
علگوها
شموع العرس علگوها

علگو شموعه واعجنوا حناته
محروم ما شاف الهنه ولذاته
عريس ظلت بالگلب وناته
عجنوها
حننت العرس عجنوها
بالله دزفوا المدلول
حلو المعانى والطول

سو وليمه واعد لوله الحوفه
والساع للعريس حنو چفوفه
وين الصبايا خل تجيله تحوفه
حضروها
زفت الولد حضروها
ماله وليمه ولادار
وتحوفه گوم الاشرار

عدلو المنصه واعجنوله الحنه

وخله بزفاهه يفرح ويتهنه
محروم لاتبگه بدليله الونه
عدلوها
ومنصته عدلوها
عريس يوم الاكوان
وثياب عرسه الاچفان

نادته رمله والدمع يتجاره
نارك ييمه بالگلب وجاره
وشلون زفه تصوير ويّ الغاره
دخذوها
روحى وراه اخذوها
دخدونى وياه دخيل
ومن الهضم مالى حيل

انت يجاسم كل مناي بدنياى
للروح سلوه ومنى راحت سلواى
وظلت الحسره تلهب بلب احشاي
سمعوها
ام الولد سمعوها
شوفوا دمعه المحجوب
والگلب منها ملهوب

رايح يجاسم والأمل منى راح

وعمود بيتي ويّه هجرانك طاح
بعدك اظل انعه واصك راح براح
عازوها
روحى دوت عازوها
يا ناس دلالي ذاب الهج واصيحن يا شاب

لطمية

جيبى هدومه وعدلى منصته
وعجنى الحنه يزينب عمته

جيبى هدومه يخويه بالعجل
واجمعى الصبيان كلها والاهل
وبزفاف الشاب خلها تبتهل
عرس جاسم خل تشاهد زفته

عجنى الحنه وعلگيله الشمع
لا وليمه مشان عرسه ولا جمع
ليش يومه صار بحزان ودمع
وللبراز اسمع العسكر نادته

زفت المدلول ما صارت ابد
شلون زفه يمه خيل ابن سعد
صار للميدان ياخويه العقد
وخاف من ادموم تصبح حنته

ليش للمحرووم ما حضرت زلم
وين الاكبر وين شيال العلم
وعالثرى امطاريح كل اهل الشيم
كل عمامه وكل اخوته وصحبتة

زينب الجسوم گامت هلهت
دايم المدلول وعليه عوذت
آيا جاسم مثل زفتك ماجرت
ونادته ياماي عيني وحبته

صار عرسك بالمناحه والحزن
والصوارم فوگ راسك هلهلن

وزفتك للكون وثيابك چفن
يا شباب اللي تفوت بحسرتة

لطمية

اشوف الخيل جازات تجينه
اگبلت رايات رايات عليه
جاسم والعرس وين
گام النصرة حسين
يا نصار ولينه يا نصار ولينه

گبلت رايات وخيول رهيبه
وابوالسجاد محد يجيبه
والميدان واجر لهيبه
دارت على الصوبين كثره هالملاعين
ولاناصر المظلوم يعينه

نهض جسام يوفى بوعيده
يگول العمر هاليوم مريده
واشوف الگوم كثره وعديده

وعمى بالميادين لا ناصر وله معين
وگف محتار يصفگ يمينه

جاسم للميادين تعنه
راعى الزود راعى المحنه
واهوه ازغير والحومه فنه
جاسم قرة العين ضحه العمر للدين
وبس اربع طعش عام سنينه

گال اليوم اجهد يعمى
واضحى العمر والعين ودمى
ولجل الدين همك وهمى
للارواح فادين واعلى الخير ناوين
وعلى سيرة المختار مشينه

طلع جسام واحمد وعثمان
صوّاله على حومة الميدان
تزهى بدور هاشم وعدنان
واهما شبول ياسين بالانوار زاهين

وكل واحد سلاحه بيمينه

مشت صبيان للكون سويه
جسام وعلي وعون واخيه
ولا هابوا اسهام المنيه
دحموا سجة البين واعلى الموت ماشين
والارواح غالوارهينه

لطمية

العرس ابن الحسن گوموا يطيين
جيبوا حنته وجيبوا الرياحين

جيبوا حنته وحنوا اچفوفه
وبالصيوان نـصبوله الحوفه
والشبان خـليها تحوفه
آمال الغلب هاذى من سنين

يوم ازفاف جاسم بالسلامه
واتبارك هله وجمله عمامه
للعريس هوسوا يانشامه
لبن الطاهر ونسل الميامين

معرس والصبايه حوطت بيه
وعماته وخواته تعوذ اعليه
ومن كيد العده الله يباريه
عين الله تحوفه شمال وايمين

يا زينب دجيبي الجاسم اثياب
وحطيله ورد وبخور اطياب
وخل تحضر جميع اهله والاصحاب
لزفاف العزيز وغيرة العين

خل تحضر بنى غالب وعدنان
وتزف الولد زهوة الشبان
عايد بالله من نومت التريان
بعده شاب ليطب الميادين

خاف اينام بسموم الوطيه
ويصير العرس نوح وعزيه
الله يا زفاف الغاضريه
كله ناичه ودمعات وونين

لطمية

بيك افجعونا بيك افجعونا
ياولد يالعريس بيك افجعونا

بيك افجعونا يبنى يجسام
وصابوا دليلى واصوابك اسهام
ماراقبونا ماراقبونا
گوم العدى الظلام ما راقبونا

ماراقبونا گوم الملاعين
وداروا علينه بالحومه صوبين
ويطالبونا ويطلبونا

بدغت بدر وحنين ويطالبونا

بيك افجعونا ومردوا دليلى

يازهوة الشبان يا بدر ليلي

خابت اظنونه خابت اظنونه

والگلب يا جسام خابت اظنونه

يا نسل الامجاد يا بوالشهامه

شمعه لبو السجاد والكل عمامه

هـلت عيونه هـلت عيونه

عمك على بلواك هلت عيونه

يا نظر عيني يا ريع الاجنان

شكبرك ييمه وتخش الاكوان

ويحاربونه ويحاربونه

حتى الشباب يفوت ويحاربونه

اصرخ ييمه والگلب ملهوب

طايح عمادى والملجه يا صوب

بـعدك شـلونـه بـعدك شـلونـه
حـالـي يـنـور العـين بـعدك شـلونـه

لطمية

جـسـام يـولـيدـي گـوم بـعـجـل گـوم
عـوف العـمر عـوفـه و انـصـر المـظـلوم

هـالـيـوم يـا جـاسـم يـوم المـواسـات
مـتـشـوف عـدوانـك جـازات جـازات
وعمـك بـلا نـاصـر يـجـذب الحـسـرات
مـا بـيـن عـدوانـه حـاير ومـالوم

يـنـخـه و لـاحـامـي لـيـه نـصـرتـه گـام
و الغـيـره بـاعـوهـا و لا جـنـهم اسـلام
هـالـيـوم يـا يـمـه يـومـك يـجـسـام
و بـالزـود و الشـيـمه ثـور اعـلى هـالـگـوم

لاتبخل بروحك والعمر ضحيّه
عمك بهالحاله لازم توافيه
وشعلمك عودك يمّه لتنسيه
ملزوم بوصيته تعمل المرسوم

ناده يمهمضومه ليچ ارفع الراس
وانهض بصمصامى بالعزم والباس
واحنا بنى الهادى للدين حرّاس
نحمي عقايدنا برواح وادموم

بعزم الله وآياته ادحم الكفار
وبصولت ايميني تظهر الاخبار
وبالحومه تدريني فارس ومغوار
والمرتضى عودى حيدر المعلوم

نخواچ يالعوده عالراس والعين
يمّه ذخرتيني اصرع الطاغين
جسام وبيومى لازم تسمعين
وصوتى يظل باقى ما ينمحي دوم

لطمية

گوم یا جسام یبني یضرعام
یوم الحرب هالیوم یوم العزیه
یا یمّه یوم العزیه

یبني یجسام دسمع صده امك
ربیتك تصیر ناصر العمك
وبیوم الاكوان تفدیله دمك
دارت علی المظلوم گوم الدعیه
یا یمّه گوم الدعیه

عمك یمحروم لازم تطیعه
ومن الأمل جوز واحمی الشریعه
شمّر للاکوان والعمر بیعه
وبساحت الأیمان ضوگ المنیه
یا یمّه ضوگ المنیه

عاین یمدلول عمك بیاحال
لا ناصر وعون کلها علی ارمال

ومن الميامين ما باقى رجال
كلها على التربان هالضيغميه
يا يمّه الضيعميه


ياحضنى رباك گوم ارد احاچيك
يمّه للاكوان دينك يناديك
وبهذا المچان عودك اموصيك
وانت الذى مليون همّه وحميه
يا يمّه همه وحميه

ناداها للدين عمرى ارخصيته
وبدمى والعين يمّه اشتريته
والعودى اليوم احفظ وصيته
وصّانى افدى الروح بالغازبيه
يا يمّه بالغازبيه

أنا ابنچ وجيت ارفع لچ الراس
يا يمّه وبهاى خل تسمع الناس

ما نرخص الدين لحدوده حرّاس
وانحارب الكفار وجلوف اميه
يا يمّه وجلوف اميه

سنة المختار نحمى حماها
ونبيع الارواح للهادى طاها
هالسنه للناس دايم لواها
شيدّها بالانوار سيد البريه
يا يمّه سيد البريه



لطميات الوكفة

لطمية

عريس وغفت عينك يمدلولى — آيبنى يجسام
والناس بزفافك خل يشهدولى — آيبنى يجسام
مثل مصابه ماصار زفه بحومت النار
خليهم يشهدولى خليهم يشهدولى

بالعينك غفت والزفه ترويهها — آيا يبنى يجسام
وچفوفك يغالى الحنه تضويهها — آيبنى يجسام
وهوسات العرس بذنك نواديها — آيبنى يجسام
ميّت والعرس دار بين عيونك انظار
خليهم يشهدولى خليهم يشهدولى

تشهدلى الخلگ وتعاين امصابى
آنا اللى هويت بمصرع اشهابى
وسهام النوايب صرفت احسابى
وترادت الاقمار وعليه الدهر جار
خليهم يشهدولى خليهم يشهدولى

يا غصن الهوى وما غابت طيوفه
وظلت هايمه روى على شوفه
يمّه امرفرفه وماتگذر اتعوفه
وصبرى ويه الولد غار
ودموعى ويه الانهار
خليهم يشهدولى
خليهم يشهدولى

يوليدى المشه والصبأ برمشينه
وانوار الشباب ازهرت خدينه
والعهد الطفوله يضحك جبينه
بعده بُرعم ازهار
ليش اتبدد وسار
خليهم يشهدولى
خليهم يشهدولى

جسام ومثل يومك شعد يومه
هم صار الزفاف بعرضة الحومه
واخضاب الجفوف بفايض دمومه
هم مثله اكو امرار
هم اسمعتوا اخبار
خليهم يشهدولى
خليهم يشهدولى

زفتك يالولد بالحومه مجراها
وبجعب العوادي الهوسه مغناها
وسيوف الطواغي اتهلهل وياها
صار النبل نثار وتحوفك الاشرار
خليهم يشهدولى خليهم يشهدولى

يا يمه ولهب يومك يا ذينى
وبعدك لاتظن يغمض جفن عينى
يا تاج الجنة زاهر على جبينى
من بعدك يمغوار ظلمه وموحشه الدار
خليهم يشهدولى خليهم يشهدولى

لطمية

من غفت عيناك عيني ما غفت
والروح ويياك يمدل هوت

من غفت عيناك عيني ماتره
عميه ولاشوف لذات الورى

والظيم بعضاي يايمه سرى
فرگاك فرگاك لفادى يفت

من بعد عيناك عيني ما تجف
ومن جور دنياى دلالى نشف
يبنى يجسام يا نور السلف
نجواك نجواك بالمهجه ثبت

يبنى يمحروم من شم الهوه
وبنار فرگاك دلالى انچوه
ياريت وياك موتتنا سوه
وياك وياك دنياى سرت

جسام جسام ياريع الجبد
والليل وانهار الهج يالولد
والعمر بجفك ما ريده بعد
طرواك طرواك داعيني شتت

من قيد بلواى ماريد العمر
وجفون عيناى ذبّ لها السهر
ناديت رجواى ما جانى خبر
رجواك رجواك ويامّه مشت

روحي حزينه وحاله حالتى
وبنار جسام تسعر مهجتى
مدريت يّمّه بظيمى ومحنتى
واشجاك واشجاك عنى غربت

لطمية

جاسم يبدرى وعيدى عرسك حزن يوليدى

عرسك ينور عيونى
وبزفتك ايعازونى
ومن بعدك يسلبونى
وانحب واصك بأيدى
بكل الخلايق ما صار
والنبل صار ألها انثار
وأنا الغريبه بلادار
عرسك حزن يوليدى

أيبنى يالريتك وتأمليت ازفافك

ومن مهجتي غذيتك
بعز وفخر لا ليتك
وتالي اخفكت من أيدي
وشكد حناني حافك
وانظر واصد اوصافك
عرسك حزن يوليدى

يمّه يجاسم يبني
يمصابك الذوبني
جور الدهر صوبني
نوحى جره وتعديدي
حزنك ابد ما يبرى
من شفتك اعلى الغبرى
وطاعن دليلى بطبره
وعرسك حزن يوليدى

يبني التخضب چفه
يبني المبلل شفه
يبني وصحت ما يشفه
واسعر واشب بقيدى
من دم جبينه السارى
بماى الفرات الجارى
گلبى وتهود نارى
عرسك حزن يوليدى

لحزن زمانى بطوله
وروحى بسجن مغلوله
ولا اسمع الهلهوله
وصوت الحزن تغريرى
واكثر عليك الونه
ولا افرح او اتهنه
ولگدر اشوف الحنه
عرسك حزن يوليدى

الله يعرس الاكوان ذوب دليلى وسله
ظيم وهضيمه ونيران وبحالى بعد اشخله
جسام دون الشبان ما شاف حوفه وكله
لحزن واعوف اجديدى عرسك حزن يوليدى

لطمية

أنا أمك يجاسم واسمع ونينى
وابچيك بدمه لمن تجف عينى

نارك ما تهف لمن دليلى ينام
وبقيد المصيبه اقطع الايام
جرحك يا عزيزى لاتظن يلتام

انت سلوتى وروحي

وبعدك ما يفل نوحى

تدرى بشدة جروحي

يا طيب الحياة وناتج سنينى

ياعود الحميته بطويت ضلوعى

واغضيت الزمن بين الهنه ولوعى
واحسبتك يجاسم زينت ربوعى
وليام الكبر هيبه
والداى الغلب طيبه
وتاليها شجى وريبه
ومن عندك خلت يمدلل ايمينى

احسبك لىالى الفاتن بيا حال
ربيتك ييمه بروضة الدلال
واتحامه عليك من الهوه لومال
وعيونى عليك تحوم
ترعاك بحلات النوم
ماملت رباتك يوم
وانغام الصبا منك تهنينى

انغامك يجاسم خالده بكل حين
وطيوفك صور ما تخرج من العين
لوگالوا يرملة عليمن تونين
اخبرهم عن الونه

وعن ليل الأسهرنه
وافراگك شو صفنه
يالماكو عذب مثلك يرويني

ابعثلك سلام بحسره محميه
ودموعى دمه من عينى مجريه
يا جاسم تره مصابك وجريه
ودعتك يغصن البان
يالهاوى على التربان
انت وجملة الشبان
ولا واحد نهض منكم يباريني

اسمع ونتى يالنايم بهيمه
وگول امى نخت وانهض يبوالشيمه
وتدرى لاخدر بعدك ولاخيمه
وصارويه العده ممشاى
ما ظنك تهود بهاى
يايمه ويريع احشاى
يالحال الهجر ما بينك وبينى

لطمية

يبنى يا جسام خابت الظنه
ومن دمه الهامه ييمه صارت الحنه

رملة گومی بساع سوّدى الحوفه
مرمى عريسچ يويلى وغابت طيوفه
ومن دموم الراس حنت چفوفه
شوفى مدلولچ رمية بيا صفه وشوفه
عالفرض محمول روحه ملهوفه
والعطش غير جماله وغير وصوفه
زفت العريس ويّه اهل كوفه
والعساكر والهنادى گامت تحوفه
وصارت الحنه عاليّ متهنه
ومن دمه الهامه ييمه صارت الحنه

رملة بالصيوان گامت تنادى
والفواطم ساعدنها من گلب صادى
يمّه يا جسام وسفّه مترادى
وانت يا سلوة حياتى وبهجة افادى

لتترك الافراح والبس اسـوادی
گوض سعودی بغیابه وراحت اعیادی
حسبت وارجیت احظه بمرادی
تالی سینی العزیز وهدم اوتادی
میت الف ونه گلبی وجنه
ومن دمه الهامه ییمه صارت الحنه

یبنی یا جسام خابت ظنونی
وانت قندیل الحیاة وبعـدک شلونی
حسبت عریس بیه یهنونی
وما حسبت اعلی الوطیه تشوفک عیونی
برمیتک یا شاب یّمه صابونی
والاحبه اعلی المصیبه جوا یعازونی
بنوحی یا هالناس لاتلومونی
بعده هیهات الحیاة وتضحک سنونی
وین اشوفنه ووین اسمعنه
ومن دمه الهامه ییمه صارت الحنه

یبنی یالربیت واحسبت یومه

واسهرت ذيج الليالى بگعدته ونومه
حانیه بالروح وانظر ارسومه
روحي مشدوده اعلى مهده وعنده مرشومه
مادريت البين تنفذ سمومه
وافگد وليدى وعمامه وصحبته وگومه
تالى بالاچفان صارت هدومه
وصارت الزفه يويلى الساحت الحومه
وبزغر سنه كون افگدنه
ومن دمه الهامه ييمه صارت الحنه

بنفسى يا جسام زفه ووليمه
والعمام يهوسولك وانت بالخيمه
تالى بالاكوان وبثرى الهيمه
شفتك مصوب ييمه وسفه وهضيمه
والامل يا حيف نوه ترسيمه
لكن آهات الامانى ظلت مقيمه
واصبحت دنياى كل وكت غيمه
والعزيز الفارگيته وغارگه بضيمه
مشبعت منّه والولد جـنـه

ومن دمه الهامه ييمه صارت الحنه
يا أمل دنياى لنغضه بسرعه
وصارت ايامى ليالى وحالتى موزعه
عاهدت النوح والزمت شرعه
وانطويت اعلى مصابى وسلوتى الدمعه
ايحگلى ليل انهار اصرخ او انعه
واذكر وليدى وصفاته وسيرته وطبعه
لوله للاوطان صارت الرجعه
شنهو للعالم جوابى بجاسم وربعه
وشأگولنه وشأذكرنه
ومن دمه الهامه ييمه صارت الحنه

لطمية

يا بدر ليلى يجاسم نايم بحر الثرى
وانا من بعدك حياتى بالمصيبه موجره

يبنى بسموم المصيبه شلون اداوم واستقر
وانت يالچنت بزمانى دايم تلالى گمر

واحتسبتك وارتجيتك يمّه ليام الكبير
من ابو محمد يجاسم ردتك اليومى ذخر
تالى بنياب الدعايه شاهدت جسمك وذر
وبسهم چبدك يجاسم چبدتى متوذره

شلون عين امك تشوفك بالثرى دايم طريح
بين رميات المنايه والدمه منك يسيح
لو اظل يمك اعدد والعمر كله اصيح
ما اظن يبرد لهيبى يالى شاهدتك ذبيح
ثاكله بعدك يجاسم بالهضم امشى واطيح
لا دوه يبره مصابى ولا علاج ايدبره

ألهج ابأسمك وانا دى يالى احله من العسل
يالچنت زهرة حياتى وبهجة گلوب الأهل
غربت عنى وعفتنى واتركتنى ويه العلل
وانطوه يومى بجماله وانحنه ذاك الأمل
ولني ابساعه غريبه وموكب العزه ارتحل
وارجعت چفى خليه من ميامين الورى

يا أمل روحى يجاسم لسهرت ليلى برباك
وانت يا فخرى وسرورى لعقدت يومى برباك
لو صحت يمه شحلاها يشرح غليبى صداك
ما أمل نغمة جمالك روحى مشدوده وراك
يبنى كل ذره بحياتى چانت تبوح بهواك
وين ذاك اليوم يومه وبحماك مبختره

وين غصن آلى زرعته ومن سراينى ارتوه
ذابل بعينى نظرته واگع بذارى الهوه
واصرخت من هم دليلى ليش هالعود التوه
ليش من اول جماله بالحرب شب ودوه
وانطوت وياه روحى لمن حسابه انطوه
واعرفت امرى بغيابه وياه الاعادى ميسره

كربله منى خذيتى كل منايه والسعود
واترکت عندچ صبايا احله من شف الورد
اندفتن آمالى بترابچ واطلعت انعه واجود
بعد لاجاسم اشوفه ولا بعد خدرى يعود

كله هاذه راح منى ثاكله وشلون اهود
يا طفوف وهمى اصبح للصخور ايفطره

كربله واشصار گلبى بيچ من جور وبله
شاهدت گومى ورجالى بالتراب مجندله
ولنى من بعد المعزه بالطفوف مبهذله
شنهو بعد ايصير صبرى يا سهم يتحمله
وجرت گلبى النوايب وبعزىزى ثاكله
والمصاب اللى جرعته لبة افادى فره

●○●○●

●○●

عدة لطميات مربوعة وفزاعية

لطمية

عازوا رمله يا خلگ عازوها

راح جاسم خيمته فلشوها

فلشوا الخيمه وعمدها وگعوه

راح جاسم ياهله لاترتجوه

مرمى عالتربان گوموا شاهدوه

وشمعة العريس بالله اطفوها

طفوا شمعات المنصه بالعجل

وگلوا للاحاباب جسام ارتحل

ما يرد هيات واهلاله يهل

والغوالى بهاالخبر خبروها

شحال رمله والغوالى من درت

بالمعاره طاح مدلول الحسن

سمعن بموت العزيز وعولن
والمناحه بالخيم وجوها

صارت الونات والنايح عله
ودارن اعلى امه الحزنيه الثاكله
يساعدنها والمدامع هامله
يصيحن امّه بغصته سعدوها

وزينب تنادى يعمه يا شهم
وسفه تحت الخيل طولك ينعدم
ظلت امك بالكائبه والألم
شلون عمله اهل الردى عملوها

شلون گلبج يا حزينه اعلى الولد
من دريتى نصاب جاسم بالچبد
جيش ابن سفیان لفاده مرد
وچشته بخيولهم داسوها

لطمية

تلگن العريس يا عماته
وشوفن الدم فايض بوجناته

گومی يا زينب تلگی ابن الحسن
وانظري الجسام بالراس انطعن
آه يا عرس المصايب والمحن
عيب ما تبرد أبد حسراته

صاحت النسوان والمدمع يصب
ليش يا عريس يا ريع الغلب
زفتك بالكون وبيوم الحرب
والعرس يوم الحزن ميقاته

دارن اعليه الفواطم باللطم
هاذى تنعه وذيچ لعيونه تشم
وسفه يا جسام طولك ينعدم
يا شباب المابلغ مزاته

يا لچنت شمام لگلوب الأهل
ليش يا مدلول رايح بالعجل
مصرعك نيران بحشانه عمل
تلاهبث وسط الچبد جمراته

وانحنت رمله تشمه بوجنته
وتصرخ بحرگة گلب من شافته
يا غوالى بساع شدن طبرته
بلكى تبره وتسكن اجراحاته

بلچن الجاسم تشوفنله دوه
ليش غصن البان ذبّل والتوه
يبنى يالمحروم من شم الهوه
وساتظل ويّه العمر حسراته

لطمية

تصيح رمله والدمع همالى
گوم يا جسام وانظر حالى

شوف حالى من بعد ذاك السعد
ثاكلة واصرخ وانادى يالولد
ش حسب الأمى ييمه واشأعد
وصار ويّه اهل الردى ترحالى

گوم شوف امك ييمه بيا وضع
ذبلت الاجفان من صب الدمع
عليك ما يبرد دليلى المنصدع
يمّه نارك ما تهف للتالى

شفتك مگنظر على حر الثرى
ودمك الطاهر على الوجنه جرى
رسومك الحلوه ييمه معفره
وعاينت راسك على الميالى

يمّه حنّات العرس فيض الدمه
يمّه هوسات العرس بالملحمه
يمّه والمدمع على يومك همه
بساعه وحده تكورت آمالى

يَمّه شمعات العرس بالمعركه
يَمّه زفتك بالرماح الشابكه
وانا عد ربي ابوح المشتكه
للجرح گلبى بجنينى الغالى

شنهو حالى يصير من گد القهر
بالگلب چويات من جور الدهر
واجرعت غصه من الحنظل أمر
شـيبتنى و حـطّمت دلالى

لطمية

ميت والدمه حناه يـالعريس وامـصابه

معرس والدمه حناه كل الآه والويلاه
يا جسام يابلواه موته للگلب عابه

مثله ما يصير مصاب هاوى والدموم خضاب

ياسهم الولد لهّاب لوعه وظيم لحبابه

وجّـر بالـكـلب نيران وامه تصيح بالصيوان
يبنى شمعة الشبان ما تحمل اغيابه

نارك وجت الاضلاع يموسد بذارى الغاع
عريس ويموت بساع تـوه وانطفه شهابه

يبنى الما تهنه بيوم من شم الهوه محروم
موهساع وكت النوم نار البين لهابه

يا عريس يوم الطف للحومه صدق ينزف
واغرب الفنه رفر غرب وانغضه احسابه

لطيّة

طفوا شمعة العريس بالتربان راعيها

المن هالشمع معلوگ المن هالمنصه تلوگ
جاسم والضلع مطبوگ المن بعد ضاويها

طفوا شمعة المحروم راعيا بعد ميگوم
نايم بالشمس وسموم والونات خافيا

جاسم طايح بميدان عريس وعلى التربان
گوموا فلشوا الصيوان وسفه هاي تاليهه

وسفه بالثرى مطروح وطور الشباب تفوح
جاسم يا عزيز الروح الامك شيطفيا

ما تنهض يبعد امك ليش مخضب بدمك
ياريت اندفن يمك والعيشه شلي بيهه

شلي بعيشتي بلياك ما اگرد على فرگاك
لوموت وحيه وياك روحى البين چاويها

لطمية

ليش معقر الخدين يا جسام يوليدى

يا جسام يا الغالى
انهض وارحم احوالى
فگدك صاب دلالى
وانظر محنتى وقيدى

ليش تنام فوگ اتراب
ودموم المنايه خضاب
والذارى يصير ثياب
يا نار الغلب زيدى

يوليدى يبو الغيره
ضاع اليوم تدبيره
تدرى عمك بحيره
شبيدى المحنته شبيدى

اصرخ والغلب مالوم
ترجعلى بعد يا يوم
ياريع الغلب جوم
وافرح والبس جديدى

هيها الفرح هيها
وسعودى تعده وفات
بعدك يا نجيب الذات
ولا يرجع بعد عيدى

عمرى بالمناحه يفوت
وانعه من گلب مفتوت
واتمنه واريد الموت
دوم عليك تعديدى

لطمية

يبني ما شاف العرس والحوفه

منهو باركله وحنه چفوفه

عادت العريس تحضر صحبته

تبارك افراحه وتعدل حوفته

وابنى ويّه الگوم صارت زفته

ويّه نشاب العده وسيوفه

منهو باركله وسواله حفل

منهو رتبله وليمه بالعدل

ولا اجت يمه اخوته والأهل

ولاتهانی للولد مزفوفه

جاسم الماشاف حنه ولاخضاب

ولا بلغ زفه ومزات الشباب

تالی یا مدلول شفتك بالتراب

ويمك خيول العده محفوفه

شفت ذاك الطول دامى اعلى الثرى
وجثتك يا نور عيني موذره
وظلت الحسره ييمه موجره
وجرح دلالي مضه وشيروفه

يا عزيز الروح يبنى وسلوتي
من بعد عيناك شلي بدنيتي
حسرت العريس وجت مهجتي
هاى زفه للابد موصوفه

چنت يا مدلول لفادى ونس
يبنى يالمحروم من يوم العرس
وتالى تحت الخيل شفتك مندرس
صدگ بالتربان عيني تشوفه

لطمية

آيا شباب المهته

يـمـخـضـوب بـدمـومـه

مدلول نام اعلى الثرى

ورمله تنوح موجره

ظلت غريبه محيره

بعدك يجاسم تاكله ومهضومه

آيا شباب المهته

محروم من يوم المنى

چاليش رايح للفته

عريس يشعب يومه

يشباب بعدك ما شفت

زفه وعمامك هوست

بـتـراب ليش تعفرت

والهامه بسيوف العده مهشومه

آيا مصايب كربله
آلام وامحان وبله
عريس نايم بالفله
والخيل تاڤى رسمومه

يا شاب محروم الهوه
ومنين لجروحك دوه
بسهم دلالى انچوه
والله مصايب كربله ميشومه

لطمية

عريس للاكوان ميزفونه
زفوك عالميدان يا ولد يا عطشان
جاسم يبن عدنان «وين اهله اليوم يحضرونه»

يبن الحسن مهضوم چتلك ليش الگوم
وتحير المظلوم «احوه يا الشاب وحسراته»

مـحزون يـزفـافه ليش العـرس عـافه
والفرح ما شافه «ومن دمه الگوم مروينه»

عريس يا جسام ومـصويـنه سـهام
ليش العرس مادام «والحور العين ايزفونه»

طـايـح بـميدانـه خـالى اـجـه اـحصانـه
ياالشاب واحزانه «وامك بغياك محزونه»

عـمـه اـجـه شـاله شـافـه بـياحـاله
وانـمرد دلاله «يا عمى تظفر دلالي»

لطمية

هم صار وجرى عريس
من فيض الدمه محنه

هم صار بجميع الناس
الحنه من نزيف الراس

وبالخيال الجسم ينداس

حـوه يـالـراح مـتـهـنـه

مـنّ ادموم حناته

يـالمـحروم لذاته

صاحن حيل عماته

راحت بـالـكـلب ونه

يا حيف والف وسفه

ما شاف الولد زفه

وهيهات الكلب يشفه

ومشبعنه ابد منه

يا عريس يا مهضوم

وحناتك يويلي دموم

انهض بسك من النوم

يوم اجفاك دوهنه

احـوه يالشباب الراح
خـله بالدليل اجـراح
وماعدنه هـنه وافـراح
يـجاسم نـگـطع الظـنه

لطمية

هـذا الولد مـصـيوب طـفوا شـمـوعه

طـفوا الشـمع طـفوه عـريسـكم چـتلوه
هـالشاب مـارحـمـوه راعى العرس مـضروب

طـفوا الشـمع هـالساع عـريسـكم بـالـگـاع
ومـهـشم الاضـلاع وسـووالعـزـيه النوب

نـوحوا عـلى الـغالى والدمـع هـمالى
مـطروح بـرمالى ومن هـامته مـخضوب

نـور الولد غـايب ومـوسد اـترايب

ومنه الرجـه خايـب جـّـام يـالمـحـبـوب

ليش الولد بـتـراب وبراـسه صار صواب
مـطـروح ليش الشـاب ولجله الـكـلب مـلهـوب

جـّـام يـاشـمـعه مـوت الولد فـجـعه
ظـلت تـون ربـعه واميـه عليـه تـلوب

لطمية

بالعريس وسفه خابت ظنوني

يا جسام يمه يا ضوه عيوني

يا ويلى العزيز شلون فارگته

ومن بين الصبايا ليش ضيعته

وهو نظر عيني چان واخسرته

ومن بعد الولد ما تضحك سنوني

ما عندى فرح بعد الولد هيهات

بس النوح شغلى واجذب الحسرات

لو دومي اعدد ما يعود الفات

لاكن يار فاغه لاتلوموني

جاسم يا شباب الراح متهنه

يا سلوة گليبي المشبعت منه

يا محروم ظلت بالكلب ونه

حسبت احساب واحسابي طلع دوني

حسابي صار يا وسفه سراب وغاب

وظني من وجودك يا عزيزي خاب

اتلفت وسايل وين نوه الشاب

وتأمل چنت بسمك يهنوني

تأمل زفافك يبني يا جسام

يا وسفه الوكت يمدللي مادام

ما ظنيت تالي تغدر الايام

وامدال العرس يمه يعازوني

يعازوني على العريس يا حسره
بمكان المنصه نومت الغيره
وامدال الهلاهل اسكب العبره
يا احباب لمصابه دعينوني

لطمية

عريسكم ميعود يا عماته
عريسكم مچتول ميعود ذاك الطول
وامغرب المدلول والله فراغه چود

نوحوا يعماته ماشاف مزاته
يوم العرس فاته والحزن لجله ايزود

بنفسي يزفونه واهله يهنونه
وعرسه يسوونه وتهوس اهل الزود

يبني يبعد الروح منى الغلب مجروح
للگضى العمر بالنوح والله الغلب ممرود

وسفه على اشبابه صار الدمه خضابه
يالولد وامصابه واعلى الثرى ممدود

لطمية

مطروح على التربان جسام يمدلولى

نسيم ينور العين ومعفر الخدين
يبن الحسن لاوين من يرفع احمولى

يبن الحسن يبنى ترضه تسيبنى
جمر الهجر شبنى وظل دمعى مهمولى

جاسم ضوه عينى ومنهو اليبارينى
ومنهو اليديلينى لو جالت خيولى

يىم الولد ثكله وراح الضمد واهله
والعيشه ما تحله وبعده شيگلولى

لمصابه ملهوبه
وبفراغه مصيوبه
وبحزنه منكوبه
العالم يشهدولى

لطمية

يا حنة العريس من دمومه

من دموم حناته المحروم دنياته
ويوم العرس فاته حوه يالصبي ويومه

يا حسرة ازفاه والعرس ماشافه
وكل الهنه عافه لاينام هالنومه

رمله تنادى بصوت ليه ييمه الموت
عليك الكلب مفتوت والروح مالمومه

جسام يعيونى يالبيك فجعونى
اسم الله تعازونى اعلى الشاب مسمومه

بفيض الدمه محنه
وظلت الف ونه
وللمگبره تعنه
بالگلب مرشومه

لطمية

طلعت بدهشه ام الحزن
يعريس حاجيني

طلعت كئيبه محيره
گالوا الهامه مطبره
عريسنه فوگ الثرى
يامن أله يوديني

دلونى ابجسم الولد
يا نور عيني والسعد
طايح يعمه يا ضمد
هيهات تغمض عيني

عريس من دمه انخضب
فرگاك يمدلل صعب
رايح من الدنيه غصب
وسط الگلب چاوينى

طلعت بدهشه ام الحزن
شمعة نزلنا منطعن
وتصيح يا بزر الحسن
والله لزيد ونيني

ورمله تنادى مألّمه
والهامه منه مهشمه
عريس مخضوب بدمه
عگبه من ايبارينى

لطمية

يا هامة العريس ليش مـ صوبه

عريسنا مصيوب ومن الدمه مخضوب
والمهر گام يلوب والسرج مـ گلوبه

ليش العرس عافه والفرح ما شافه
وبكـربله زفـافه والوجنه مخضوبه

زفـوك للـحومه يـالبين وسمومه
وامك المـهـضومه بالروح مـصيوبه

وانت يغصن البان يا شمعة الشبان
نايم على التربان بالكون وحرابه

امّه تنادى شلون منها الغلب مطعون
ما بگت عندي عيون والروح مـلهوبه

لطمية

يا ريع غلبى بالولد يمحروم دنياته


محروم من شم الهوه وعليك دلالي نچوه
ومنين لجروحك دوه آيا لصبي وحسراته

عريس مبلغت المنى ولا شفت لذه ولاهنا
يا حيف المحتم دنه ووسط الجبد وناته

محروم يبني من العرس محمول شفتك عالفرس
وارجعت مقطوع النفس ودم النحر حناته

آيا الشباب ويومه وامّه عليه مالومه
يالي جميله رسومه ومثل البدر وجناته

قطع غلبنا ونينه يا حيف سلهم عينه
مصيوب راجع لينه ومنه خفت وناته



نواعى موشح

وين فتیان الهواشم وين حلوين الرسوم
خل تزف جسام خلیها تگوم

خل توج شمع السرور بحوفته
وتنشر الرايه وتبارك زفته
وعلى العاده خل تهوس صحبته
عرس جاسم ليش ما بين الدموم

واگف ومحتار بفكاره يدیر
وسمت المعرس يخلوله وزیر
عرس جاسم ماله بالعالم نظیر
ملحمه وطیر الفنا یمه يحوم

يا هواشم هوسوا الزفت الغریب
حایر المدلول ما عنده مجیب
لیش بس النوح واصوات النحیب
وخیمت یمه المشاكل والهموم

صارت سهام العده يمه شموع
وما لگه غير التعازى والدموع
وجاله بوالسجاد محني الظلوع
ولبسه ثيابه ودمع عينه سجوم

فصل ثيابه على شكل الجفن
وبسهام البين دلالة انطعن
هذا المقدر يمعزوز الحسن
نعتنى ليه كربله وبيها ندوم

نواعى فايزي

عريس يبنى وما شفت زفه ولاخضاب
عرسك ييمه ماجره وامصابك مصاب

صاحت من هموم الغلب رمله الغريبه
واعلى ولدها حنت ضلوع المصيبه
عريس بيام الحرب والله عجيبه
ما صار بالعالم عرس شوباشه نشاب

يا فرحة ايامى المصت واهلال دنياى
تمنيت اشوفك يم عروس قبال عيناي
كلشى حسبه يالعزيز وما گلت هاى
والغاضريه ما اجت ابدأ بالحساب

وسط الدليل انصبلك الحوفه يمدلول
وامسح جبينك من دمع ناظرى المهمول
انت الذى بالروح دايم تظل محمول
وانت نسايم دنيتى وانت هوه الهاب

ما شاهدت شمعه ولاحتت الچفين
لچن شموعك ظلت بگلب المحبين
تسعر يمحروم الهوه ايام وسنين
ومصابك الما ينطفى كل وكت لهاب

ما ينطفى جمرك لمن ترمينى الايام
ليل ونهار اصرخ واصيح عليك جسام

يا من جنت عند الاهل كل وكت شمام
وچانت حياتى زاهره بسمك يَلِشهاب

نواعى فايزي

گومن يعمات الولد مسحن صوابه
عريس جاسم والدمه صاير خضابه

جاب الولد عمه وگصد خيمة النسوان
وناده دصدن للعزیز بدمه غرگان
واثياب عرسه يا حسافه صارت اچفان
وبساع شمام الحسن گوض شبابه

صاحن فرد صيحه الفواطم وسط الخدور
عايد شبابك يالولد من نوم الگبور
هذا الدهانا من مصايب يوم عاشور
الله يمصرع كربله وهمه وعذابه

گلها یزینب جرح البراسه دشديّه
وبلکی یصیر علاج لصوابه ویشافیّه
گالت فلا یحصل دوه الجرحه واداویّه
والبین تسعر جمرتّه وعلگم شرابه

ورمله هوت فوگ الجسم گامت تشمه
وصبغت ذوايها الحزینه بفیض دمه
ومن لبة احشاها تون وتصیح یمّه
جسام ما اتحمل افراگه وغيابه

یبنی حملتک واحسبت احصد الاثمار
ما حسبت تعب التعبته یصیر طشار
ساعه اعلى رملة كربلايه توزع وغار
هذا الهضم مامر على بالی کتابه

نعی مجرد

یجاسم یمه توزم وگوم وانصر غریب الدار هالیوم
شوفه ینادی وما من رحوم

هاليوم يوم الحرب والكون خلصت انصاره ومابگه عون
هذا طريح وذاک مطعون

هاليوم اريدک يبو النوماس بيک اقر عيني وارفع الراس
وخلی بجهادک تشهد الناس

جدام عمک تقر عيني وحگ الرضاعه توفيني
جاسم يشمامة جنيني

گلها ييمه يا حنينه هاليوم باسي تشوفينه
اي وحگ سلطان المدينه

لدحم على ساحة الميدان واطعن عساكر آل سفيان
والسيف يروه بدمه العدوان

بعون الله نكسر آل اميه هاليوم يوم الغاضريه
يا يمّه منسيت الوصيه

منسيت من عودك وصيته ولجل الشرع دمي مهيته
وكل مسلم تبين حميته

تغله ييمه العمر بيعه عوف الهنه واحمي الشريعه
جسام يا حلو الطبيعه

نعي مجرد

علگوا الشمع واعجنوا الحنه عريس وبعرسه مهنه
هالشاب بعده زغير سنه

لجل الولد رتبوا الحوفه وخلي بنى هاشم تحوفه
والجاسم تخضب چفوفه

رشوا العطر عدلوا الصيوان ويمه خل تهوس الشبان
عرس المبارك يا غصن بان

عرس المبارك يا ولدنا بالكون كل عزنا وسعدنا
هاذا من البارى وعدنا

كل الزلم فوگ الوطيه شلون العرس ويّه المنيه
احوه يعرس الغاضريه

جسام يا شمعة نزلنا يا طيب من عطور اهلنا
شبان يالبيكم أملنا

محروس ومهنة يمدلول يحلو المعانى ولايگ الطول
خاف العزيز تدوسه الخيول

محروس بالبارى شبابه جسام يا سلوة احبابه
بعده وكت هسه غيابه

نعي مجرد

يبني السهت عليك ليلي وضميتك بوسطت دليلى
واحسبت بالشده كفيلى

يبني الربيتك بترتاب واخشه عليك من الهوه الهاب
تالى صرت مرمه للنشاب

ما حسبت جسام يبني للفاضريه تسوگ ظعنى
وبين الغرب خافن تذبنى

تمنيت اشوفك بين اهاليك عريس والعزه حواليك
ما حسبت للكون تاليك

يعريس حسراتك چوتنى وجمرة مصابك ذوبتنى
يومك يبعد الروح فتنى

جاسم يبرزى الكبريته وللشيب والشده ارتجيته
تاليها للصارم مهيته

ارخصتك يغالى خاطر الدين وهى الشهاده فخر صوبين
ويه الغريب الحاير حسين

شوف الصوارم حوطت بيه وماله محامى ينغر عليه
اليوم العمرى يا ولد ضحيه

نعي مجرد

عريس يا حلو المعانى فرگاك يا يمة چوانى
ولا عشت من بعدك عسانى

جسام يالعرسك حرايب والام واحزان ومصايب
خليتنى بناب النوايب

يّمّه يبعد امك يا بنى عرسك چوه گلبى ومردنى
ويومك يمدلولى ضهدنى

هاليوم يوم الكدر وامحان ويوم المناحه ويوم الاكوان
عمك وحيد وماله اعوان

ارخصتك يجاسم وانت عيناي وهاليوم اريدك ترفع الواي
عمك وحيد وماله حماي

عمك دبيع الروح دونه حيران متوحد بكونه
واهل الردى مايرحمونه

وين الذى عنده حميه ينصر غريب الغاضريه
يشبان گوموا بالسويه

واصل العسكر ليه خيمنا وبالمعركه نامت زلمنا
الله ياشدة المنا

حاطتنا گوم ايزيد كثره وعمك وحيد و حار بمره
وين الذى ينهض ينصره

نعي مجرد

ناده غريب الغاضريه عدلى المنصه يازچيه
لبن الحسن يا هاشميه

لبن الحسن ولمى ثيابه و خل يهتنى بساعة شبابه
وهو غصن فاحت اطيابه

وجي شموع العرس هاليوم جاسم يخويه شاب محروم
والشمع لجل العرس مرسوم

هاذى وصيه والوعد حان من ابو محمد على شان
الجاسم دعدليله الصيوان

گالت يخويه ونور العيون چيف العرس والگلب محزون
وكل الحياده بساحت الكون

سمت العرس بيام الفراح مو بالمصيبه ويوم الجراح
والدمع بالعينين سفاح

وين الصبايه اليزفونه ووين الحياده اليهنونه
وكل واحد موذر بكونه

جسام يا گرة العينين عرسك يعمه بالميادين
ويمك تجول الخيل صوبين

عرسك يعمه حزن والآم ياسلوة العيله يجسام
ضاع الرجھ وغابت الاحلام

وين العرس واهلى بالوهاد ومطرّحه جملة الويلاد
وبالمشرعه نايم الوراد

نعي مجرد

طفوا الشمع عريسكم مات وقيم عزه يا هاشميات
جاسم غضه وما يرد هيهات

نصبن بالمخيم مناخه وابچن على الزاهى صباحه
ماله دوه اليضمدا اجراحه

بالله الخيمه فلشوها وشموع عرسه دطفوها
وامه بفگده دعزوها

عريسكم واگع بتربان واثياب عرسه صارت اچفان
هالشاب حاطته العدوان

الله يمصابك يجسوم عرسك مناخه وحزن وهموم
وچفك تحنه بفيض الدموم

صاحن بحرگه وعلن الصوت اسم الله على جاسم من الموت
اعليك الغلب يا ولد مفتوت

عريس وبچفك الحنه آيا شباب الماتهنه
طول العمر نجهر الونه

حزنك چوه گلب الاحبه وغصتك يساهى العين صعبه
وامك عفتها بدار غربه

نعي مجرد

صاح الغريب ويهمل العين بالله دگومن ياخواتين
جبت العزيز مسلهم العين

جاب الولد للخيم مطروح سلهمت عينه وغابت الروح
والجسم منه فاضت اجروح

ناده دطلعن يافواطم بالله دشوفن حال جاسم
هالبدر ضمته الغمايم

سَلِّمَتْ عَيْنَهُ وَنَفْسَ مَا بِيَهُ وَدَمَ الْوَجْنِ مَتَفَايِضَ اعْلِيهِ
وَنَادَهُ يَزِينُ بْ گُومِي شُوفِيهِ

دَارِنَ عَلَى الْعَرِيسِ كَلْهِنَ وَالْدَمْعَ يَجْرِي مِنْ جَفْنِهَا
مُوتَ الْوَلَدِ ذَوْبَ جَبْدِهَا

وَعَمَاتِهِ صَاحِنَ صَوْتِ يَمِّهِ عَرِيسَ وَمَخْضَبِ بَدْمِهِ
بَعِيدِ الْبَلْهِ جَسَامِ عَمِهِ

نَايِمَ يَعْمَهُ وَمَالِكَ جَنَّانَ عَرِيسَ يَا لِحَنِّكَ غَصْنَ بَانَ
بَدَالَ الْعَرْسِ نَوْمَتِ التَّرْبَانَ

زَفَّتْكَ الْجَيْمَانَ لِلْكَوْنِ وَگُومَ الْعَدَةَ يَمُكُ يَهُوسُونَ
وَتَالِي صَدْغَ بِالْجَبْدِ مَطْعُونَ يَبْنَ الْحَسْنَ يَا نُورَ الْعَيُونَ

يَشْبَابَ مِنْ دُونَ الْبَرَايَةِ عَرَسَكَ جَرَّهُ بِيَوْمِ الْمَنَاهِ
وَاسْتَحْرَمْتَ لَذَّةَ الصَّبَايَةِ

نعي مجرد

رمله انهضت مدهوشة الراى وتصيح يمه ولبة احشاي

يا تاج راسي ونور عيناى

عريس يا حلو المعانى سهمك بدلالى چوانى

والله اشعمل بيه زمانى

ياريت گبلک متت ياريت والکربلايه عسن لاجيت

بنارك ييمه اليوم شببت

وکل النسہ صاحت وياها ونوح وبچه ويّه بچاها

ويلاه ياشدة بلاها

الهن بچه وصياح وعويل والله نعاهن يهدم الحيل

ويلاه يانار المداليل

نادت يجاسم ياکسرتى وطول العمر تسعر جمرتى

موت الولد گطع مهجتى

لو عودت لرض المدينه وسألونى عن جسام وينه
اگلهم عزيزى غفت عينه

عايد من التربان يبنى يومك شعب گلبى ومردنى
والبين بسهامه گصدنى

جسام يابدر الثريه اشوفاك گبل عينى رميه
حطمت حالى الغاضريه

والسهم نابت بچبدك يا حسافه يا الحبيب
جرحك بدلالى أثير لاتظن يبره ويطيب
«وأيامي بحزنك لگضيها»

مرّت ايامى سعيده وانت بحضانى طفل
يالچنت زهرة حياتي وچنت اعيش بهاأمل
لاچن بساعة مصيبة كلشي گوض وارتحل
«ومن بعدك شلى بدنياتى»

وگلت يا جاسم وجودك للكبر ليه سناد
واحسبت زرع الزرعته منه اربح بالحصاد
راح كل تعب التعبته وما حضيت بهالمراد
«يمدلل خيبت ظنوني»

راحت أمالى ييمه وياك راحت ماتعود
وافگدت عين الوسيعه وافگدت حمر الخدود
انت يا شمام روى چنت كلشي بهالوجود
«يا يمه خلافاك مهضومه»

وگام من لهبة ضميره ايناشده
يا ولد عالويش چتلوك العده
«وصوابك صوب دلالي»

التمت عليه الفواطم بالعويل
هاذي تنعه وذيچ مدمعها يسيل
ورمله نادت ما بگالي بعد حيل
«يا يمه ويا نور عيوني»

بنفسي يا مدلول احضر زفتك
واعجن الحنه واحني يمنتك
ريت عيني بالعمه ولا شافتك
«متعقر من دم الهامه»

رملة نادت والگلب من عدها ذاب
وصاحت وياها الفواطم يا شباب
وساعدنها اعلى الفجيعة والمصاب
«ميت والحنه بچفينه»

شفته اعلى الوطيه والدموم تسيل
شفتك يا مدلل عد مواطي الخيل
يا بزر الاماره ونبعة التهليل
«يمدلل هديت احوالى»

وگف عمه ويهل دموع هماله
ماله حيل وبضعف الغلب شاله
جابه للخيم واهنا غدت حاله
«للعريس اشصارت حنه وظلت تندب عماته»

يندبنه الفواطم يا محسر گوم
انهض افتح عيونك وخلي النوم
شاب اربعطعش من الهوه محروم
«يا جاسم انهض حاجينه»

عينك سلهمت يا نبعة الريحان
نبحيلك يجاسم من گلب ولهان
هذا يومنا يوم الكدر واحزان
«يا يوم الطف ونيرانه»



الفصل التاسع

اليوم التاسع من محرم

في ما يخص مصيبة علي الأكبر



لطمية

للسمهرية والمرعنه قدمت بدر التام للمرعنه

للسمهرية وضرب السيوف

قدمت بدرى المر الحتوف

نصبح ضحاياه يوم الطفوف

يوم المعارك يوم الفنا

قدمت بدرى الطعن الرماح

لجل العدالة ولجل الصلاح

وبالغاضريه يوم الكفاح

نترك املنا وكل الهنا

مهجة فؤادى يبن الكمال

بين الهناى وبين النبال

وتالى رميه فوگ الرمال

يا ويل عيني من تعايته

يا بدر ليلي وزين الشباب
سهمك يغالى زاد العذاب
ذوب دليلى عظم المصاب
وعنك يالاكبر مالى غنا

يا نـظـر عـيـنى يـبـن الكـرام
ودعتك الله ومنى السلام
بـايـع حـيـاتـك بـاشـرف و سـام
ودمك فديته ونلت المننا

لطمية

محروس بعيون البار يا شبه النبي المختار
خوض الغوم يا معلوم
ياجدك علي الكرار

أيبن الشرف والزود خوض المعركة بيمنك
عزمك ما يريد شهود يا شبل الصميدة ذاك
سيفك للعداله يگود والحق والشرع وياك

للمظلوم للمهضوم

ميدانك يا لاكبر دار

ميدان العلم والنور
للعالم هدايه وسور
هذا ابن النبي مذخور
بيها يحوم
للحق شرعت دروبه
واضح شنهو مطلوبه
والعز شيمته وثوبه
راعى السوم

ويوج بجمعها النار

من اجل رساله يخوض
حامى والحمه مفروض
زوده بجبهته معروض
خله سموم
وجنود الشرك زمها
وارگبته مها بدمها
واعلام الكفر لمها
بهل الشوم

وارداها بسگم وامرار

جال بحومة الميدان
ميسور بالظا الميدان
يجاهد والگلب لهفان
حامى اليوم
وعيون الولى تشوفه
بين سهامه وسيوفه
والحر غير وصوفه
يهمى دموم

وشرار العطش وجار

ليهب العطرش حماى
وينادى يبويه الماي
گله يا نظر عيناى
والمقسوم
رد للخيمه يتروه
بلكى شويه اتگوه
حالك للغلب چوه
يجرى اليوم
وعلینه دهرنا جار

يوليدى وشيطيح اليوم
اصبر عالذى مقسوم
مثلك ضامرى مجسوم
مملی هموم
بيدى والشرب ممنوع
عالهم والهضم والروع
وبسهم الهجر مفجوع
مملی ضيوم
يوليدى وأنا المحتار

لطمية

يالگاصد العرس الولد
لازفه ووليمه
لاکبر زفاهه بکربله تمت مراسيمه
تمت مراسيمه

تمت مراسيم العرس والتتمت احبابه
واشعار غنته السلاح بصوات خلابه
والخيل لعبت منطرد واتعنت اطنابه
يومك يالكبر بالقدر قسّم تقاسيمه
قسّم تقاسيمه

عريس يالاكبر علي والكلل يهوسوله
واصبح زفاهه وحفلته الميدان وخيوله
والزان شوباش العرس والعسكر الجوله
والكون ديوان لجمع والمعرکه الخيمه
والمعرکه الخيمه

من عادت المعرس تجي گومه ورياجيله
وتحضر عمامه وكل هله بعمرسه تهنيهله
وتبارك افراحه وتشارك بالعمر ليله
وتعود الطوله وتنادى الخالقه ايديمه
الخالگه يديمه

يشباب محروم الهوى ومخلى دنياهه

ما شاف لذه ولا فرح يوم العرس فاته
ونام العزيز اعلى الثرى ومن دمه حناته
بعد المرافه والسعد يتوسد الهيمه

يتوسد الهيمه

لكبر شرى طف كربله وباع العمر باعه
ما راد دنياه وجنته مشريها بذراعاه
لجل الرسول وامته امر العلي طاعه
وذيچ الصبايا الباسله المرفوعه الشيمه

مرفوعه الشيمه

باعوا عمرهم واشتروا جنه وثمان غالى
ورفرف علمهم بالافق وسط السما ايلالي
حاموا على دين النبى وصار الأسم غالى
لسلامهم ساروا على نهجه وتعاليمه

نهجه وتعاليمه

لطمية

لكبر من بده صاحت العدوان

هالفارس منو الحيرّ الفرسان

هالفارس منو الهزّ الدعيه

وحمّلات الحملها حيدريه

هذا ابن النبي سيد البريه

وجده المرتضى قايد الميدان

شبل حسين للعسكر لواها

وبالهامات تتعثر دعاها

صار دموم يتقاطر سماها

فارس من بني هاشم وعدنان

فرسان الوغا فرت من ايده

وسيفه اعلى العده يرهب رعيده

ذكرهم علي جده الصميده

وراواهم عذاب الموت الوان

لَمَّنْ بِالْمَعَارِهِ كِبَرُ الْوَيْدِ
صَاحِ ابْنِ سَعْدٍ وَيْنِ الصَّنَائِدِ
خَلِيهَا تَكُومُ وَتَرْفَعُ الْأَيْدِ
لِبْنِ حُسَيْنٍ خَلَّ تَبْرَزُ الشُّجْعَانِ

وَصَاحِ مِنَ الْغَضْبِ بَكْرِ ابْنِ غَانِمِ
وَآتَقْدِمُ عَلَى شَيْبَلِ الْهُوَاشِمِ
يَكُولُ الْعَارَ مَا بَيْنَ الضِّيَاغِمِ
وَأَنَّهُ الْيَعْرَفُونَهُ أَهْلَ الْإِكْوَانِ

لَكِنْ صَارِمِ ابْنِ حُسَيْنِ طَرِهِ
وَرَأْسِهِ فَرَّتِ الدُّوَلَابُ فَرِهِ
تَحْمَالِهِ وَسُكَّاهِ جَاسَاتِ مَرِهِ
وَكَامِ أَغْبَارِ چِنِّهِ لَهَبِ نِيرَانِ

لَطْمِيَّة

شَمْعَةٌ نَزَلْنَا خَافِنَ تَشْنَانَا
أِيحْفِظُهُ إِلَهٌ مِنَ الْبَلْبَةِ وَيَعُودُ النَّانَا

يا شمعة البيت للبيت ضويت
چه الغمر هليت يوم اللى طلعت
تشبه الجدك حيدرہ قايد علمنا

من برج عدنان شع اعلى الاكوان
حير العدووان شمعة الشبان
خله الجموع امطره ومحد تدنه

من طلع لاكبر ذكرنا حيدر
هاليوم تفخر كربله وتزهر
شيمه وحميه ومرجله تمتاز اهلنا

ايحفظك المعبود وتعود اردود
يا صاحب الزود والكرم والجود
ترجع عليه يا علي ويلتم شملنا

خوفى ودموعى تنظفى اشموعى
وبالگلب روعى وحانيه ضلوعى
خافن تروح وما تجى يا ابو المحنه

خوفى يضرغام فوگ الثرى تنام
ياجور الايام صابتنا بسهام
ومن بعد عينك يالولد خايب املنا

لطمية

شوفى للكرار تشبه حملته
العلى الكبر عوذى يا عمته

عوذيله يا زچيه للولد
مئيد ومحروس بعيون الصمد
هاذ فخرى وهاذ ليامى ضمد
وشيمت العز والهواشم شيمته

شوفى طوله ووجنته مثل البدر
هالغصن ليفوح من عنده العطر
خاف يتالوه گوم اهل الغدر
ومن دماه تصير خافن حنته

عوذيله هالشباب اللّى طلع
من برج عدنان وانواره سطح
وبالكلب حسرات لهّابه زرع
طول عمرى ما ابطل ونته

يّمّه يالمحروم يالاكبر علي
يا بعد گومى واخوتى وكل هلى
خاف لن اتروح ما ترجع الى
وروحى يامدلول تبگه مفتفته

اسمع امك يا سرورى بدنيتى
يا على بالروح ظلت عبرتى
وما تهود عليك ابدأ حسرتى
سهام بالدلال بعدك نابته

لطمية

يـمـحـرـوم يـمـحـرـوم هـوـه الـدـنـيـه يـمـحـرـوم
يـمـهـضـوم يـمـهـضـوم الـك حـسـرـه يـمـهـضـوم

الـك حـسـرـات و جـارـه
يـعـطـر الـبـيـت وازـهـارـه
غـصـن مـلـيـان بـثـمـارـه
يـمـعـلـوم يـمـعـلـوم ألك شـيـمـه يـمـعـلـوم

طـلـع مـثـل الـبـدـر ضـاوي
و جـمـره بـالـكـلـب داوي
اـخـافـن هـالـنـجـم هـاوي
تـجـي غـيـوم تـجـي غـيـوم عـلـى اسـمـانـا تـجـي غـيـوم

شـعـت زـهـرة خـدودـه
حـيـد و زـا كـيـه جـدودـه
عـسـه رـب الـسـمـا يـعـودـه
عـلـى ايدوم عـلـى ايدوم بـعـد ظـنـه عـلـى يـدوم

شـلـون نـجـوم بـالمـيدان
مـن هـاشـم و مـن عـدنان
مـحـرو سـين بـالـرحـمان
يـالـنـجـوم يـالـنـجـوم بـنـي هـاشـم يـالـنـجـوم

خـوفـي اعـلى صـبا يـانا
والـلـه الـروح خـلصـنا
وبـينا حـاطـت اعدانـا
يـهـالـگـوم يـهـالـگـوم و لـيتـونا يـهـالـگـوم

يـالـمـحـروم يـالـغـالى يـومـك فـطر دـلالـي

بعـده سـايـبه احوـالى

بـالـهـموم بـالـهـموم تـظـل رـوحـي بـالـهـموم

الـهـج و الـگـلب دـامـي
و صـواب الـولد حـامـي
دـهـري عـالـجـبـد رـامـي
أله سموم أله سموم يفرغها أله سموم

لطمية

زينب هللتله والدمع فجر
للميدان رايح يا علي الاكبر

صول اليوم يا شبه النبي الهادي
دسمع دويت العدوان بالوادي
يا عمه عليكم ذايب افادي
وانظر عودك المظلوم واتحسر

تعوذله وتصب دموع هماله
وتعαιν جماله وتنظر اهلاله
للاكبر يوسفه غربت آجاله
هذا الكاتبه المعبود ومقدر

تهلهل وبصدرها مكسره العبره
بعدك يبن اخوى بگلبك الحسره
انت يا شباب الما بلغ عمره
جمرك يا عزيزى بالگلب يسعر

رايح يا شباب البعده متهنه
گومن يا خواته سريع ودعنه
خافن من بعد ساعه تفگدنه
وعليه بالمعاره تندب العسكر

دارن عالعزيز ونوحن يمه
هذي تصيح يمه وذيجه يا عمه
وليله شبگت المدلول وتشمه
لا تطلع ييمه گلبى اتفزر

امه نادته لتروح يولیدی
يا بهجة حياتی وسلوتی وعیدی
اخافن للمدينه ارجع او حیدی
بیش اهجع يماى العين واتصبر

لطمية

يا بوى ذابت مهجتى والعطش حامى
هالساع عاين حالتى وانظر الامى

جيتك يبويه اشتكى
الميدان وسموم الفضا
وحمل السلاح بيمنتي
مقدر اداوم صولتي
من گلب صادى
يبس افادى
وجمرة الوادى
والگلب ظامى

ملهوب گلبى من الظما
شربة اميه بارده
حتى اصول اعلى العدى
لازم اضحى رگبتى
بويه روينى
يسكن جنينى
واحمى عن دينى
وانصر اسلامى

ناده بوليمه والدمع
گلبى مثل قلبك دوه
وكل المسالك يا علي
وانظر احبابى وصحبتى
يهى من عينه
والشرب وينه
ضاگت عليه
تهوه جدامى

شوفتك يبويه بهالوضع
ياريع گلبى يا على
اصبر على سهام القضا
زيدت نارى
وبهجة انظارى
والأمر جارى

وجمرتك وجّت جمرتي وشبّبت سهامى

صوّل يبويه بهمتك واشعل الغاره
يامن شبّيه المصطفى بجوده وانواره
والزود من حيدر على وانت تذكاره
حققت بويه غايته وارفعت هامى

بزودك يبويه تذكرت حيدر ويومه
حملات من ذاك البطل فارس الحومه
خليت كلمن جابلك فاضت ادمومه
وسيرك الدين وسيرتى والههدف سامى

لطمية

عطشان عطشان والوج من الظما
ولاهب المييدان دليلى هدمه

عطشان وافادى انبره حاويلاه
والحر دليلى فطره حاويلاه

ما بگت عندى مقدره حاويلاه
وانظر العداوان عليه مخيمه

يا بوى ذابت مهجتى
والكون غير حالتى
بالروح تسعر جمرتى
وجهت شكواى لعدرب السما

جاوبه وعبارته هلى
ويمن الورد يمدلى
يسگيك جدك يا على
صاحب الكوثر على حامى الحمه

اصبر يبويه اعلى القضا
يامن شبيه المرضى
ضاگت الوسعه والفضا
واعلى الشريعه العساكر حايمه

چبدي مثل چبدك صفه
ولبة افادى ناشفه
بالگوم ماكو عاطفه
كلها ملاعين ولاكو مرحمه

يا بوى غصبونا غصب
ولزموا اعلينه كل درب
وليا قضيه ويا سبب
عالویش عالویش يسفكون الدما

لطمية

صار الموادع ييمه
وادرى من بعد المعاره
گومى ودعيني
ما تشوفيني

تركى حسرات الملامه
وخلي آهات الكائبه
حانت الفرگه يليله
آنا ابنيچ كلميني
وگومى لوداعى
واسمعى الداعى
وصوت الناعى
واشفي اجنيني

فزت من الغيبه ليله
واحضنت ثمرة چبدها
يا علي همك رماني
يا هوه الدنيه الأشمه
وگامت تحاجيه
والدمع تجريه
والگلب چاويه
وثمره جنيني

گلها يا يمه دحزبي
يعينچ الله اعلى المصيبه
والجبين تشاهدينه
فوضى للبارى امرچ
عالمرار اليوم
من ارد مصدوم
بالعمد مجسوم
من تفقديني

تسلّحي بثوب العزيمه
والصمود اعلى النوايب
وحن المقدر ييمه
والعمر لازم ابيعه
والصبر ينراد
شيمه الامجاد
وساعت الميعاد
من اجل ديني

احنا انصار الديانه
واحنا طلاب الشهاده
والكلام الله ونبيه
وعالمنايه نفوت
ولانهاب الموت
رافعين الصوت

واحملى تاج المعزه ياالذخرتينى

گالت مودع ييمه والنصر يبراك
وهاذى روحى وياك اخذها بالوغا ترعاك
تحمل سيوف المنايه والسهم وياك
ولا اصد جسمك رميه وتنظرك عينى

لطمية

شلون الغريب اليوم وشحاله

ودع الغالى وذاب دلاله

ودع وليده ولدمع هالى

يكبر يبدر البسما يلالى

وسفه يبيويه توسد ارمالى

وينشال راسك فوگ عساله

شحال الغريب الساع وشلونه

للكون قدم قرة عيونه

واگبال عينه الگوم يرمونه
وهو عزيزه وغايت آماله

ناده يبويه ولبه افادى
گلبى وگلبك يالولد صادى
واسهام هجرك هدت اعمادى
وحننت ضلوعه والدمع لاله

هدت احواله شوفت الاكبر
واعلى عزيزه دارت العسكر
والكون حامى والعطش والحر
والبين صوبه قدم ارحاله

جاله ينادى بويه روينى
والعطش ذوب لبه اجنينى
ولازم احامى اليوم عن دينى
وبيدى احطم گوم الانذاله

گله يبدري وبهجة انظاري
عالكون بويه يعينك الباري
ويسگيك جدك كوثر الجارى
وهناك تروه وتشرب ازلاله

لطمية

ليه تنادى هله بسمك هله
يبن الهواشم يراعى المرجله

شيمة هواشم عزيزى شيمته
وعرگ الشجاعه يلوح بقصته
والجده حيدر تشابه حملته
والدرع والسيف على متنه حله

تشبه الجده علي حامى الحمه
لو گابل الغوم وخاض الملحمه
وكلمن يلاگيه جبينه هشمه
وتبگه الملاعين من ايده مبهذله

نادته ليله هله بريع الغلب
سهمك رمانى وعطب گلبى عطب
روحي حزينه ودمع عينى يصب
ما تهجع الروح عليك موجله

شبيدى ييمه ولاعندى صبر
روحي سعيره ولگدر استقر
وادرى توذرك سيوف اهل الغدر
لاهب امصابك ييمه شيحملة

يكبر تگله يروحي ومهجتي
ردتك يمدلول تشيل اجنازتى
وبعدك ييمه عذابى وحيرتى
واشبع هضمه وعذاب بكريله

گله ييمه دصبرى اعلى القضا
ولا بد تشوفين جهاتى مرضضه

وسهم الدعايه على جبينى مضه
حسبى مصابيح على بارى المله

لطمية

صاح بصوت لاکبر ما تسمعینى
يايمه يليله گومى ودعینى

جيت من الحرب عطشان هالساعه
حیى ابنچ ييمه وگومى لوداعه
ادرى يا حنينه الفقدى مرتاعه

وحل يوم المقدر بينچ وبینى

صاحت من المها بصوت يايمه
وفزت من الغيبه وگامت تشمه
وحضنته بگلب متفايض بدمه

ريت عليك يمه لابتجت عينى


گلله ييمه صبرى عالجارى
هذا اللى عليه قدره البارى

واخذى للمدينه وياچ تذكارى
من ترحين للديره وتخلينى

ذكرينى صريع بساحة الحومه
وبطف كربلايه صارت النومه
الله يصبرّ گليچ يمهمومه
وأنا القدمت دمی الأجل دينى

ذكرينى شباب وصارمى بيدى
لتگولين يالمحروم يوليدى
تدرين الحرايب فرحتى وعيدى
واحمى حرمة الاسلام بيمنى

نادته مودع يا ضوه عيونى
عالفركه الطويله يا علي شلونى
من دنياى كلها خابت ظنونى
حسبتك تظل يمی وتواسينى



لطميات الوگفه

لطمية

ياكبر يا نظر عيناى أنا بعدك شلي بدنياى
على الدنيا العفا بلياك صحت يبنى رمانى جفاك
ياكبر يا نظر عيناى

على الدنيا العفه ولاريد حياة وانت موبياها
حزينه وغابره بلياك ثرى مصابك يغطيها
تظل روحى عليك تحوم ولا مـبسم يسـلياها
يمن لذتك شبيه الماى غليل المهجه يروياها
مثل شم الهوه طرواك يرد روحى ويصحيحها
مثل نور البصر ملگاك يسـرعينى ويـضويها
علاج الكل هموم اعضاى عبيرك علتى يشفيها
چنت نجمه بسما دنياى جمالك فايض عليها
صدگ تالى بسموم الگاع يالكبر وبذراريها
صدگ شبه النبى المختار هدف يصفه المرامياها
صريع بحومة الميدان يشمعة هاشم وعدنان
يبويه ولا حسبت بهاى يالكبر يا نظر عيناى

يمن صدر العلى رضعته
طريق الواحد ابصرته
وزمام الواقع امسكته
ولا هول وخطر هبته
جناح الباطل اكسرتة
ولا عيش الردى وذلتة
نموت وسيفك اشهرته
لجل دين النبي وعزته
ومنال الدنيه طلگته
تلوح اعلى الثرى چشته
اشوفك عالثرى ممدود
يالاكبر يا نظر عيناي

ينبغة هاشم وعدنان
بثبات ومعرفه وايمان
على نور البصيره مشيت
دحمت اعلى الوغا وضخيت
بحسام السنه والقرآن
وگلت موت بمعزه نريد
وگلت يا والدى اعلى الحق
مهيت بكل منى دنياك
وشريت الآخره بدماك
ياؤل هاشمى بالطف
يذخرى ويا حليف الزود
وتراده بمصرعك منواى

نحيل وئاگله جدامى
يبهجة روحى وايامى
يشوفك عالارض دامى
غيابك هدم اعضامى
رمه گلبى بسهم حامى

اجيتك والگلب خالصان
لگيتك هاوى عالتربان
عزيز اعلى ابوك حسين
يالكبر يا ضوه الشبان
وعمود الصوّب عيونك

وهو بجرف النهر طامى
 مشيت بگلبك الظامى
 واشوفه تهاوه جدامى
 علي امكاثره سهامى
 ويخف من لوعة الامى
 يشبه المصطفى المختار
 يالكبريا نظر عيناى

رحت يبني بحسرة الماي
 مشيت معفعر الخدين
 يغصن اللى تلوه وذاب
 اصد الياجهه ويا صوب
 لچن ليهون الحسرات
 انا بعدك اعوف الدار
 يظامى الما شربت الماي

يالكبريا ضوه عيونى
 يهل كوفه غدريتونى
 على يا معنى جبتونى
 على الظالم تنصرونى
 وصدگ تالى اغدريتونى
 وعهدكم خاين ودونى
 وعن المئوى ابعديتونى
 ولاچنكم تعرفونى
 ولبن هند ارخصيتونى
 تصدون وتهجرونى
 بگيت محير ومظلوم

لزم ظهره الغريب وصاح
 وهتف من ضامره الملهوب
 على يا مگصد وعنوان
 يمن گلتوا برسايكم
 واجيت بكل هلي لهنا
 صفيتوا لا شرف لادين
 وتركتونى غريب الدار
 سحگتوا الغيره والوجدان
 انا ابن المصطفى المختار
 اسف من بعد الف ميثاق
 وانادى ولامعين اليوم

اعالج يا جرح ياداي يالاكبر يا نظر عيناى

حمل بدر الدجى بيمناه
يناديهن يمحجوبات
جبت ريع الغلب مجتول
غمض عينه العزيز وفات
هون من سمعن بهالحال
جرت عند الحرم صيحات
ينادن آيا يغصن البان
واجت ليله بگلب مسعور
على جسمه انحنت وتصيح
هلالى باؤل ايامه
لؤن واغضى العمر حسرات
رحت وانت الجنت سلواى

ولعند العايله تعنه
علي الاكبر تلگنه
ومن فيض الدمه محنه
ولايجهر بعد ونه
وغدت وسط الخيم حنه
صميم الصم يصد عنه
حسافه عودك اثثنه
تنادى شلون افگدنه
اريد الساع اشمنه
ولا عيني اشبعت منه
واناديلك يطيب الذات
يالاكبر يا نظر عيناى

يالكبر ما ابطل النوح
بعد مالي رمتق بيه روح
نقطع هرش الدليل وطاح
بگه گلبى يهل ادموم

اوّن طول العمر كله
مصابك عذبه وسله
ولا تتلايم العله
مثل ما دمك اتهله

ولا يـجـدى دوه وطبّاب
چـبـيره طـبـرته وبلواه
يـيـمه وـيـن اـرـوـحـن وـيـن
يـرـيـت وـيـاـك اـخـذـنـى المـوت
بـعـد ذـاـك الحـمـه وـالـزـود
حـرم بـيـت النـبـى المـخـتـار
يـيـمه وـالمـسـيـر شـلـون
يـسـيـره وـلاـزـلم وـيـاـى
ولا خـيـط الـذـى ايشـلـه
مـتـرهم وـاسـعـه الخـلـه
يـيـمه بـيـمـن اـتـسـلـه
ولا بـعـد الفـخـر ذلـه
اـخـاف اـنـرـافـگ خـولـه
وـعـلـيـنـه الطـاـغـى يـتـولـه
اـعـوفـك بـالـثـرى مـطـعـون
يـالـكـبـر يـا نـظـر عـيـناى

لطمية

انـهـض يـنـور العـيـن وـانـغـر عـلـيه
أنا امك بيا حال ما تدرى بيه

حالى بعد عيناك ما تدرى يا حال
ما ليه مهجه وروح لاعندى دلال
كلها سرت وياك واندفت آمال
ويّه جفاك اليوم غابت بالرمال

وانت الذي بحماك مضروبه الامثال
يا ثمرة الكرار حامى الحميه

يكبر يبدر التام اسمع ونينى
يالى حسبت وياك اكمل سنينى

بعدك يضي العين ما تغفه عينى
وبسهمك المالوم ذايب جنينى

يمّه بعد هيهات يبطل حنينى
والحسره والونات صبح ومسيه

راح اقطع الايام بالحسره والنوح
وابجى نهار وليل عالشفته مذبوح

صوبه نظر عيناي كل وكته مفتوح
عالغاضريه يحوم ابدأ فلا يروح

يالائمي لتلوم دلالي مجروح
وانا العفت بالكاع نجم الثريه

ماتدرى يا مدلول حالى شد عيته
بين الهضم والجور غلبى رميته

يبني الذي للضيغ زوده ارتجيته
وما حسبت هالساع توصل منيته
لو ينشري بالروح چنت اشتريته
ولا يبگه عالتربان جسمه رميه

هاك الدرع والسيف وتوزم وگوم
واحمى بنى المختار من هجمة الگوم
بعذك ييمه شاب مايرهم النوم
وامخضبه الوجنات من فيض الدموم
لاتقبل العدوان تسبينه هاليوم
ومخدرات حسين بيد الدعيه

بين الغرب ممشاي ترضه يمغوار
ريتك حضرت اويای من شبوا النار
وشفت الغوالى سيوب ما بين الاشرار
صارت خواتك ليش بالهيمه طشار
ما عدها والى يگوم لاعدها نغار
واهل الشيم بالكون فوگ الوطيه

لطمية

شفت بدرى على التربان مرد حالى مرد حالى
صرير وغايب الوجدان جسد خالى جسد خالى
يغصن البان على التربان
مرد حالى مرد حالى

يغصن اللى تهاوه وذاب واصده اعلى الثرى موذّر
رميه شمعة الشبان ومن فيض الدمه معفر
دحزبوا يا بنى عدنان على مصرع علي الاكبر
نجم وانهار حسافه غار
ياكبر خابت آمالى يا امالى

صحت مالي قوه واجنان ولا أيد الذى تشيله
اطلبت صبرى وجفه صبرى وتعذرنتى ونفذ حيله
انتخيت بشيمة الشبان تسندله وتتحيله
برفق حملوه ولاتاذوه
وهم شالوه بدمع هالى دمع هالى

على الدنيا العفاناديت ولا ريد العمر يبني

يمرّ بعدك زمانى شلون واصـاـوـيـبـك تـعـذـبـنـى
بهضيمه ونايبه وامحان يـصـدـلـيـه وـيـلـاـحـگـنـى
يـضـي العـيـن رمانى البين
يروحى وسلوه دلالى يدلالى

شبيهه المصطفى بنوره وشجاعت حيدر المعلوم
بشاشة وجهك الوضّاح تطفى حسرة المهضوم
مشيت انت وبگيت انا بعذاب ونايحه وهموم
دلىلى ذاب على الاحباب
وأنا الغاب وخفه اهلالى خفه هلالى

زمانى الغادر الميشوم رمانى بالگلب طعنات
گصدنى بصارمه وگوسه وعليه انهالت الصدمات
شفت بدر الدجى مطروح گبل عيني ترده وفات
عزيزى طاح جفانى وراح
اسف عنى مشه الغالى مشه الغالى

مصابك يا عزيز الروح شعد يومه وشو صفنه
فجر عند الحرم صيحات صميم الصم يصد عنه

وغدت حنه على العريس مثلها ما غدت حنه
على المحروم على المهضوم
على المحبوب لطم عالي لطم عالي

لطمية

اجه وصاح الولي بعالي نواحيها
سهم اجفاك روحى بنار چاويها
يبنى الما شربت الماى يبنى الحاربوك اعداى
سهم جفاك دولبنى

صاح بصوت ثاير والدمع هالى
اگعد شوف حالى يا بعد حالى
اشوفك وين يالغالى واعز غالى
يبنى الذوبيت احشای يبنى ويا نظر عينای
مُر فرگاكَ عذبنى

يصرخ والدمع هامل على الوجنات

خلّالي مصابك بالكلب چویات
دوهنی زمانی ولا یعود الفات
یبنی وما بگالی رای یبنی وضیعت ادوای
یالعریس دسمعنی


دولبنی المصاب وزاید الهیبه
آنا اللّی بجفاک توذّر گلیبه
آنا الما یجد بعدک آله طیبه
یبنی وقطّعت چلای یبنی والدمع مروای
صوت الجور ذوبنی

آنا اللّی بفجیعه شاهد ولیده
آنا الحایر الیصفگ علی ایده
منهوب الفؤاد وشابچ بقیده
یبنی وضاعفت بلوای وتعرّ علیه اشفای
والمقدور حاربنی

یبنی المات صابر والعمر عافه

واشعار الشرف باسم على اشفاهه
وبدور المراجل تابع اسلافه
يبنى بالهرب غنّاي واسلاح المعارك ناي
يالگال العرك فنّي

يبنى المات والعز يضحك بسنّه
وفنون الملاحم والهرب فنه
راخص للحياة ومشترى جنه
يبنى وارتفعت ابهاى واسماك اعتله واسماى
وييوم الوغا تغنى



عدة لطميات مربوعة وفزاعية

لطمية مربوعة

المصرعك يبنى صحت ودوني
يا على الاكبر ينور عيوني

من لهب گلبى اصرخت يبنى واصيح
روعتنى النايبه وانهض واطيح
ريت من هالدنيه اخلص واستريح
بيك يا يمه العده فجعوني

يبنى يا مدلول يا صوب اوگعت
ريتنى ميته ولابيك اسمعت
بين گوم ايزيد وسفه اتگنطرت
وآنا من بعدك اظل اشلونى

شلون حالى من بعد عين الولد
حسبت للموت يبالغالى ضمدم

يا على طرواك احله من الشهد
ما بعد تضحك وراك اسنوني

مصرع المدلول گولوا بيا طرف
مثل دمه دموم دلالي نرف
يبني يا طود المكارم والشرف
يا رفاگه بغصته عازوني

ساعدوني بهالمصاب اللی جره
ناری باعماق الدليل موجره
عندی نجم سهيل هاوی عالثری
وخاب من كل المنى مظنوني

ارد اروحن یم عزیزى وبهجتى
وارد اگله وياك راحت سلوتى
شیجبر جروحي ويهون لوعتى
محنتى كبرى وعظيمه شجونى

لطمية

شمعة الشبان طاح بكونه
يساعد الله عمته المحزون

گومی یا زینب دحزبی اعلی القهر
ایعینچ الله اعلی المصایب والکدر
چم شباب تشاهدینه اعلی العفر
وجثته بخیل الکفر مطعونه

طاح الکبر بالخلي یا عمته
وخیل ابن سفیان رضت چثته
ومن دموم الهام صارت حنته
وسفه بدر التام وتفگدونه

شلون حال ام طاهر بوگعة علي
نايم العريس بتراب الخلي
یا مدامع هلي لمصابه هلي
سلوة البيت وتغيب عيونه

بساع نجم سهيل من برجه خفه
طاح بالميدان شبه المصطفى
شلون حال حسين من بعده صفه
والأحبه للأبد ينعونه

من هوه ذاك العزيز بمصرعه
شلون صارت عالهاشم فاجعه
وصاح ابوالسجاد وألهم روعه
وين فتية هاشم يشيلونه

ما گدر يحمل عزيزه من الثرى
شافه والوجنات منه مطبره
صاح يوم اجفاك دلالى بره
ومهجتى بظيم الدهر مشحونه

جابه للخيمه ودمع عينه يهل
ومدده بين الفواطم والأهل
مصرع المدلول بالعيله شعمل
وصارت الخيمه بالطم مرجونه

لطمية

جبت الكبر سابح من دمومه

يا شباب الماتهنه بيومه

يا علي يبنى يسباح الغلب

من أثر بلواك ما شوف الدرب

واتركت دنياك يا بويه غصب

بعده مو وكت السفر والنومه

غوّض اهللك يشبه المصطفى

وانت نور البيت وابساع انطفه

شلون حالي اليوم من بعدك صفة

تگابل اعليه الدهر بسمومه

هاذ الكبر سابح بفيض الدمه

وهامته بسيف الدعيه مهشمه

تعلم بهالحال يا رب السمه

اشسوّت ويانه العده الميشومه

گومی یالیله دشوفی مدلیچ

من الحرب مذبوح رديته الچ

عالمصیبه های الله یصبرچ

شلون هجران الولد وهمومه

ضجّت النسوان والنايح عله

وليله تندب والمدامع هامله

آلهه يا حرة مصاب الثاكلة

تصیح یبنی یا حلات رسومه

شبیّب الماشاف لذّات الصبه

یا حلیف الزود یا روح الأبّه

هلال عمرك يا عزيزی شغرّبه

وخیم علینه الكدر بغيومه

لطمیة

لكبر طاح بالميدان گومی ابساع یالیله

گومی حزبی عالونه عالی راح متهنه

مشبعتي نظر منه هاوى شمعة العيله

ابنچ طاح ما تدرين حاطته العده صوبين
مرمى قرة العينين وين اللّي يجي يشيله

گومی ضمّدى جروحه بلكى تهودله روحه
عينه اعليچ مشبوحه يوّن اونته ثجيله

طايح والچبد ممرود بسموم الثرى ممدود
هيهاث العزيز يعود قطعى ارجاج وانعيله

عمرچ بالحزن والنوح من شفتى الولد مذبوح
وبسافى الثرى مطروح دومچ ظلّي انحيله

بالحومه هوه الاكبر سمعى دويت العسكر
وجيش ابن الدعى يفتتر والبر فاضت بخيله

لطمية

يا شبه النبي العدنان نايـم ليش بالحومه

ليش تنام عالتربان وانت شمعة الشبان
وانت نبعة الريحان بعده مو وكت نومه

بعدك يا عزيز حسين بعدك لاتغمض العين
ناوى يا شهم لاوين وانت الشاعت علومه

وانت بالوفه موصوف ما ترتاب يوم الخوف
لو صفت عليك صفوف متهاب الوغه ويومه

يالاكبر يبدر التام ليش اعلى الوطيه تنام
صوبنا جفاك سهام يا ساعت الميشومه

رايح والچبد مطعون من حر العطش والكون
نارك يالولد متهون وامك تظل مهضومه

امك ظلت اموجره دوم عليك بالحسره
يوم اجفاك شيجبره آبالبين وسمومه

لطمية

ليه واگفه وتصيح عالمدلول عازوني

عازوني على مصابي اليوم اليوم يحبابي
وانا الفاگده شهابي وبعد الغايب شلوني

من عندي مضمه المدلول يا گلبى بعد شتگول
ليه شبه النبي المرسول الفگده لذهب عيوني

نايم عالثرى يا شاب مظنوني بالكبر خاب
ليامك حسبت حساب تاليها طلع دونى

يالأكبر ينور العين ليش معفر الخدين
ليك اشما انوح سنين ماتتهاون اشجونى

لو طول الدهر انعه ما تبرد ألي دمه
ولا عندي بعد هجعه وأنا الخابت ظنوني

شلون اهجع وأنا الولها وكل اسعود ما ألهها
وانا اللى وگع ظلها يا خلان سمعوني

لطمية

ويّه يشباب المحسر منذبح فوگ الوطيه

ويّه يوليدى يالكبر عالثرى نايم مطبر
جمرتك بالگلب تسعر رحمت محروم الميه

يا شبيب ماهو يومك عالثرى ما يحله نومك
غارت الحلوه رسومك كدّرت دهري عليه

كدرت يا ولد دهري خلص يا مدلول صبرى
عليك دوم الدمع يجرى يا ذبيح الغاضريه

يا على غصتك عمتنى يا عزيزى دوهنتى
ليش مهضومه عفتنى بگيت ما بين الدعيه

شلى بالدنيه ييمه من بعد عيناك ظلمه
والگلب غارگ بهمه حايره واصفگ بديه

بعذك افادى شيصبره غصتى يا هالناس كبرى
والگلب حيران بمره من بعد حلو السجيه

لطمية

مصيوب بالهامه علي وبـوجنته رامينه

مصيوب راسه بالعمد يا ريع غلبي يالولد
بـجفاك ماليه سعد وين الحنين عليه

روعت غلبي يا علي مطروح شفتك بالخلي
يا حيف راح مدللي والله مردني ونينه

شفته يوّن اعلى الثرى والهامه منه مطبره
غلبي بعد شيصبره المدلول غابت عينه

يمّه هويت من المهر ودارت عليك اهل الغدر
مطروح نايم بالعفر يوم الولد چاوينه

ياريتني گبلك متت ولا هالمصايب شاهدت
بـتراب يبني تعفرت ومصبتك تاذينه

يا شباب بسك لاتون بـجفاك دلالي انطعن
وظلت احبابك بالمحن واهل الغدر ساينه

لطمية

عايد من التربان يا مدلولي

عايد من الرمله ومحروس بسم الله
خلى الترب خله يا شمعة الشبان

اسم الله على ارسومه بعده وكت يومه
لينام هالنومه رايح بلا ميحان

شفت الولد مطروح منه الدمه مسفوح
وهو عزيز الروح يا خلفت الشجعان

ريع الغلب يبني فرگاك دولبني
والهجر عذبني مني الغلب خلصان

ناديت ياغالي گوم انظر احوالي
وانفطر دلالي من شفتك بتربان

مذبوح يولیدی خلّ اصفگ بأيدي
ويا حسرتی زيدي لمصيبة الشبان

لطمية

نصاب العزيز بهامته وگلب حسين شيصبره

الله ايساعد بوعلي ماجور ماجور الولي
شافه على رمل الخلى والهامة منه مطبره

شيصير گلبك يا ضمد من حين شاهدت الولد
مصيوب راسه بالعمد والسهم جسمه وذره

مطروح يا بدر الدجى ومگطوع من عنده الرجھ
نارك يغالى موهجه طول الحلو بالمگبره

شيصير گلبه وعايته مالوم وعليه انحنه
ناده يسعدى والهنا رسوم الجميله معقره

نايم يشبه المصطفه وقنديلنا ليش انطفه
بعذك على الدنيه العفا روحى عليك موجره

تتسافح ادماياته ومخضبه وجناته
ضجّن عليه عماته يومه گلبهن فطره

لطمية

يَمِّه عليك الروح دوم مَحْسَره

ريع الغلب يبني فرگاک دولبني
والدهر حاربني عندي چثيره جروح

أتحسّر او انعه ومصيبتك فجعه
ليّه چنت شمعه والنور منها يفوح

متحسره دومي ومحرمه نومي
ومكدره يومي وارفگ حمام الدوح

يا علي يوليدى يالّي چنت عيدي
يا حسرتي زيدي لوليدى الممدوح

لكبر يبدر التام عند الأهل شمام
لگضي العمر بالأم والغلب ظل مجروح

لبچی عليك سنين لمن تغمض العين
يا زاهر الخدين فوگ الثرى مطروح

لطمية

على الدنيه العفا يبني ياالفرگاك دولبني

صاح بصوت يوليدي لكبر فات من أيدي
يحسرات الغلب زيدي يوم جفاك عذبني

يبني بالغلب خلّيت ونيران وجمر وجيت
يبني يا سراج البيت على افراگك شيصبرني

حال حسين يا حاله لمّن عاينه وشاله
والهمّ فجر دلّاله يضلوع الوفه حنّي

على ذاك الرسم والطول لبچی والجسم منحول
يوم اجفاك يا مدلول تدري شكثر عذبني

ما ريدين فرح وسرور وكل ايامنا عاشور
انت البدر انت النور بعدك ما ضحك سني

على الدنيه العفه بعده الراح ومـا اله رده

يوم اجفأك شيسده لدوم اويه العمر ونى

شحال حسين من شافه دامى ويابسه شفافه
من بعده العمر عافه واينادى انقطع ظنى

لطمية

نايم على التريان شبه المصطفى

ليله تنادى شلون ومنها الغلب مطعون
لكبر وگع بالكون يا شمعة الشبان

طول الحلو ممدود ليه بعد متعود
فرگاك يمه چود خله الغلب دوهان

لعميونك الحلوه يمه العمر فدوه
ما دمت يا سلوه يمه يغصن البان

يمه الكبر ليه يا باجى عليه

ما طاح بيديه وبنيه زمانى خان

وانت الچنت لى هلال وانت السعد والمال
واشوفك بهالحال متوسّد التهربان

يمّه يبو الشيمه خليتنى بهيمه
لا خدر لاخيمه وارفج ويه العدوان

لطمية

ليله تصرخ والدموع مناتره
ليش يا مدلول نايم بالثرى

ليش يا مدلول نايم بالترب
يبنى يا الحرموك من ماى العذب
يا علي معطوب دلالي عطب
ما انام الليل بعدك ساهره

من بعد عيناك ظلمه دنيتي
صبت غلبي يالعزيز ومهجتى
رحت يايمه يبدرى وسلوتى
وظلت النيران بعدك واجره

صبت غلبي يا علي واذيته
وبالسهام الحاده طعنيته
هاذ يا يمه الربّه تاليت
ليش ظليت بجفاك محيره

شفت بزرى معفر بفيض الدمه
وهامته بسيف الاعادى مهشمه
صحت من حرة افادى مالمه
چويت غلبي والچبد متفطره

يا على من هوه الدنيه مشبعت
لا عرس لادار لازفه شفت
وتالى بالتربان يمه تعفرت
وظلت أمك للابد متحسره

ظلت امك يا عزيزى مدوهنه
وچنت سلوتها يغالى والمنى
ومن بعد عيناك ما عدها هنه
وتنظر الديران وحشه مكدره

لطمية

وسفه عزيز الروح سلهم عينه

وسفه ينور العين متعفر الخدين
وانت عزيز حسين واعلى الثرى مطروح

جسم الترف يا ويل داست عليه الخيل
ومنه الدموم تسيل وانت غصن وتفوح

يشباب يغالى نايم على ارمالى
گوم انظر الحالى منى الغلب مجروح

نـايـم يـغـالـينـه رايـح مـخـلـينـه
فـرگـاـك مـاـذـينـه يـا زـين يـا مـمـدوـح

يـا حـيـف يـا لـا كـبـر بـا لـمـعـرـكـة مـوـذـر
اـعـلـى اـجـفـاـك مـا گـدـر و لـيـك النـظـر مـشـبـوـح

لطمية

اـسـم اللـه يـا عـزـيـز الرـوـح مـفـقـود يـغـالـينـه

اـسـم اللـه يـا عـلـي اـسـم اللـه بـعـدك بـانـت الخـلـه
و اـلـيـهـواك شـنـگـلـه مـات الـجـان زـاهـينـه

اـسـم اللـه اـعـلـى التـراب تـنـام يـا لـا كـبـر يـبـدـر التـام
و انـت لـلـا هـل شـمـام لـا تـمـشـي و تـخـلـينـه

نـايـم يـا عـلـى اـعـلـى اـتـراب و بـا لـهـامـه يـصـير اـصـواب
و بـعـيـد البـلـه يـا شـاب و لا گـولـن غـفـت عـينـه

نايم والدمه يجرى غايب ليش يا بدرى
قصر بالولد دهري بلوه وحلت عليه

غالى يا عزيز الروح ليش مدد ومطروح
لمصابه نزيد النوح والفرگاه ما بينه

والله شيحمل افراغه نار الزين حراغه
وابيا يوم نتلاغه يامدلول حاجينه

لطمية

راح الولد راح يا هاشميه
لكبر طريح اعلى الثرى شفته رميه

شفت الولد طاح والنظر صده
وسيف العدو لاح يمه وتبده
يكبر يسباح جرحك شيسده
يانور عيني بالولد وياك فگديت السعد

يابو الحميه

والد وصدليك	وصط المعاره
شفت العدو عليك	شنتله غاره
وكون الحوالمك	يلهب شراره
لمن طحت غلبى هوه	جمر الحزن شب ودوه

وروحى شجيه

لصفگ براحى	والولد غايب
سعدى وفلاحى	فوك الترايب
راحت افراحى	وييه الاطايب
الله يفجعة كربله	الأم وهموم وبله

ونوح وعزیه

عنى الولد شال	زينب ينادى
واتبدد الحال	وانهد عمادى
سال الدمه سال	واعطب فؤادى
هاليوم يوم الملحمه	والكون يقطر من دمه


وجورا اواذيه

دمك على الغاع شففته تحدر
يا حلوا الاطباع والوجن يزهر
حنيت الاضلاع يبني يالاكبر
نايم يشبه المصطفى واهلاك الزاهر خفه

ورحت من ايديه

شفتك على تراب بالغبره مرمى
ومن دمك خضاب عالوجن يهمي
جمرك اللهب بالكلب يحمي
مطروح يابدر الدجه والروح ليك موهجه

ونارى سريه



نواعي فايزي

يبن النبي وشبه النبي يزهر جبينه
هذا علي وجده علي سبع العرينه

گومی یزینب عوذیله ونشری رایه
لكبر شباب وما بلغ يوم الصبايه
محروس من كيد العده وناب المنايه
وللخامس وعشرين ما وصلت سنينه

خَلِّي الصبايه تغيب لكبر لو دناها
عَفّه وشهامه ومرجله والاصل طاها
كل المواهب والرتب خصها وحوها
ومن يا سليل ويا شرف نابع معينه

شاب ويطقى حسرة الموت بوجوده
دايم شبيه المصطفى دايم سعوده
صول على الميدان واتعنه بجهوده
والسيف برگاب العده تسمع رنينه

بايع حياته واعتنه الحومة الميدان
ما يرهب الموت ولوه رايت العدوان
صاحت الغوم منين هالحير الفرسان
غالوا علي بن حسين والزود بيمينه

نواعي فايزي

ناده يليله والدمع بالعين دفاگ
گومی ييمه ودعيني حان الفراگ

جيتچ من الحومه اصيح بگلب مجروح
سمعی جوابی يالعزيزه گبل ما روح
والعطش ذؤب مهجتي وترادت الروح
الله ياليهوب العطش للچبد حراگ

جاها يودعها لگاها بحال وجعان
مغمي عليها وذابت بجمرة الشبان
ناداها يمه والغلب فايض بالاحزان
والله فجعتيني وحالج للغلب عاگ

سمعت كلامه وگامت بدهشه تحاجيه
نادت هله بجيت العزيز ومرحبت بيه
فرگاك يا ذينى ييمه ومگدر عليه
تگضي حياتى والدليل يصيح مشتاك

ناديت من جمرة مصابى بگلب ملهوب
يا راد يوسف من غيابه لعد يعگوب
رجع وليدى يالذى بالضح مندوب
يا خالق الاكوان من عندى البصر ضاگ

يمّه يتاج الراس يا ضيّ البعيني
وزهر الربيع بدنيتى وخاتم يميني
هسه المنيه تحول ما بينك وبينى
واشجابنى يمّه واجيت الارض العراگ

نواعى فايزي

سَلِّمْتِ بَدْرَ التَّامِ لِسَهَامِ المَنِيه
وَانظُرِ جَمَالَهُ مَوْذَّرَ بَحْرِ الوَطِيه

دَارُوا عَلٰى بَدْرِ الدَّجٰى بِسَهَامِ وَسِيُوفِ
وَبِعَرَصَةِ المِيدَانِ غَاصِ وَعَيْنِي تَشُوفِ
غَلْبِي مِثْلَ جَمْرِ القَضَا وَالدَّمَعِ مَذْرُوفِ
وَاللّٰهُ مَصَابِكُ يَالوُلْدِ يَصْعَبُ عَلَيْهِ

شَفْتِكَ طَرِيحِ اعْلٰى الثَّرٰى وَالرَّاسِ مَخْضُوبِ
هَآوِي تَلُوجِ مِنَ الظَّمَا وَبِجَرْحِكَ تَلُوبِ
رَايِحِ يَا يَابَهُ وَجَمْرَتِكَ ظَلْتِ بِالْغُلُوبِ
وَرَثْتِ اِحْزَانَ وَهَضْمِ لَهْلِ الحَمِيهِ

بِنَفْسِي اَشِيْلِكَ لِلخِيْمِ يَمَّ الخَوَاتِيْنِ
وَانصَبِ عِزَاكَ وَمَأْتَمِكَ وَسَطِ الصَّوَآوِيْنِ
خَلِي يَشُوفُنكَ خَوَاتِكَ يَا ضُوهُ العَيْنِ
غَايِبِ وَجُودِكَ يَا لِحَنَّتِ نَجْمِ الثَّرِيهِ

سأهت عينك يا سراج الجنة وضاح
وانت سرورى وانگضت وياك الافراح
ناديت غار بكريله وانطفه المصباح
وامست ديار اهل الوفه ظلمه وخليه

طلعى يزینب من خباچ وشوفى اشصار
مذبوح خويه مدللج بسيوف الاشرار
خلى تنوح اعلى العزيز زغار واكبار
وامّنه الحزينه خبروها بهالقضيه

نواعى فايزي

ضجّن على جسم العزيز الفاطميات
هاذى تنادى وذيچ تصرخ يالولد مات

گبرّ عزه ونياح يم جسم المدلل
يا حيف ظعنك يالعزيز بساع حمل
چنه هلالك ما بده وعالأهل ماهر
وچنه حلم عمرك يغالى غرّب وفات

هاذي تشمه وذيچ وگفته تحاجيه
وهاذي من الصدمه هوت من عاينت ليه
وهو غريچ بفيض دمه ونفس ما بيه
وسفه على طولك يزاكي النسب والذات

يم جسم الكبر نوحن حتى الصخر ذاب
وصاحن على بدر الدجى من گلب لهّاب
حنه مثلها ما سدت حنه على شاب
والله غيابك يالولد للگلب چويات

وجن بجمرات الهجر والهجر نيران
والفاجداته ما يجد مثله بالاوطان
فقدن علي الاكبر وهو شمعة الشبان
ما تطفه جمرة غصته هيهات هيهات

ظلمه المنازل من بعد عينك يمحوب
ويوم السعاده تمايل بساعات الغروب
شيطفى حسرات الحزن وتهيد الغلوب
وگلوبهن شبتها نار الغاضريات

نعي مجرد

يا زهرة الدنيا يمدلول حلو المعاني ولايگ الطول
خافن اشوفك تحت الخيول

انت نسيم الغلب يكبر يا غصن كل وكته معطر
ويهلل يا زاهر المنظر

انحب واهلن دمة العين وبالروح تسعر جمرة البين
ولاهودت روى من الونين

من جيت ما هوّد ونيني حزينه ولاكف دمع عيني
خوفى عاللى امحايطيني

شبان تزهى بهالثنيه يصولون والصوله سويه
وحلوه الشمايل هاشميه

شبان يالچنهم قناديل وانجوم تضوى بظلمة الليل
والله فقدهم يهدم الحيل

وأنه ألي وياهم شهاب بين الصبايه نوره لهّاب
وبين العرب يا فخر هالشاب

لكبر علي همه وحميه مغوار يا عالي السجيه
وراعى الشجاعة الحيدريه

راعى الفخر والزود زوده والهادى والمرضى جدوده
يا ربى ياديان عوده

ريته يعود وتفرح الروح ويطيب قلبى وتبره الجروح
هالضيغى بالثيم ممدوح

نعى مجرد

ليله تنادى والغلب ذاب يهلال يومك للچبد عاب
بعده ييمه وكت الغياب

يآلي اكبرت ما بين الضلوع واهواك ووسط الغلب مطبوع
لتخلى حالى اليوم مفجوع

برباك يا مدلول سهرت و اعلى المهد دلالي شديد
وانظر جمالك يا ضوه البيت

چان النظر دايم يباريك و مساهره ليلي و اراعيك
ما حسبت للبين تاليك

متأمله افرح يغالى وراسى ييمه بيك عالى
وهالضيم ما چان اعلى بالى

يا بهجة الدلال يبنى فرگاك يا يمه شعبنى
ووداعك الساعه لهبنى

گالها ومنه الغلب ذايب حزبى ييمه اعلى المصايب
وتوزمى اليوم النوايب

صبرى ييمه اعلى المصيبه والبين والامه ولهيبه
وبكربله صرتى غريبه

هاذ المقدّر يا حنينه من خالق الاكوان لينه
وبالظيم والبلوه رضينه

نعي مجرد

شبه النبي صول على الغوم وخله الطواغى حايره تحوم
وروى ثرى الميدان بدموم

مغوار والحومه عطبها واليسرى عاليمنه گلبها
وگلوب عدوانه رعبها

حياك يا فارس يمغوار يالى شبه جدك المختار
وحملات من حيدر الكرار

من حمل حملات الرهيبه وخله العده صارت بريبه
وللكون متوجر لهيبه

من صولته هجّت العدوان وگالوا حمل فارس الفرسان
لكن دليله شكثر لهفان

نار العطش والعطش حراگ هاليوم يوم احزان وافراگ
والدمع بالعينين دفاک

وحسين بالحومه يشوفه ومن العطش ذبلت وصوفه
والگوم ما عدهم مروفه

ناده يبويه عود ليه بلكى افيلک شويه
وان چان ما عندى ميه

ارويک بويه بدمعت العين واحميك تحت الضلع يا زين
يكبر علي يا مهجة حسين

رد للخيم والگلب ظامى والشمس والميدان حامى
واعلى الاحبه الگلب دامى

نعى مجرد

لكبر علي شدا على مهره محروس والبارى ينصره
ريت العزيز يطول عمره

بالله دعوذيله يعمته شوفى الولد تزهر جبهته
فارس وشد اعلى مهرته

نادت يعمه وسلوة الروح يهلال بعنان السما تلوح
يكبر نسيم وعطرك يفوح

بعيد البله وترجع يمدلول ولا يظل دمع العين مهمول
حالى يعمه اليوم منحول

اتمايز الطولك يغالى يا طود يا نسل المعالى
والله يعمه ذاب حالى

نادت يخويه شلون يحسين للكون نهدي قرة العين
والگوم كلهم كفر طاغين

شلون العزيز يقدمونه الگوم الدعيه ابحاربونه
وبالخيلى جسمه يرضونه

اسم الله يماى العين عمه يهلالنا وروح ابواليمه
عليك الغلب كثران همه

لكبر مشه وصول للحروب وظلت وراه مرتابه الغلوب
ترجع عسن لينه يمحجوب

نعي مجرد

شبل حسين للحومه تعنه فارس والطواغى تلوذمنه
هاذ الهاشمى والكون فنه

كفوين وهله بشبول هاشم واحدهم على الميدان حاكم
اهل الزود واصحاب العزايم

آل المرتضى سبع العرينه حتى البالمهد سيفه بيمينه
ميهابون ودماهم رهينه

شهاالفارس طلع والسيف بيده وخله الغوم ماجت من رعيده
هاذ الهاشمى وابن الصميده

من هزّت يمينه هتزت الغاع وخله عسكر ابن زياد مرتاع
صاحوا وين نمشى والبصر ضاع

لكن يا اسف منه القدر حان چان افنا عساكر آل سفيان
ولتعفر جبينه بشرى الميدان

وظلت عين ابوالسجاد ترعاه وين يروح يسرى الغلب وياه
لكبر نظر عينه ومهجة احشاه

هاذ آلى جرح غلب الخواتين هاذ عليه ذابت مهجة حسين
هاذ اريع غلبه وقره العين

نعى مجرد

سلهمت عينك يا ضوه العين وجسمك موسد بالميادين
بين الفخر يا مهجة حسين

شيلوا الولد بالله للخيام خالتشوفه عماته والعمام
جسمه جريح منشب سهام

سهم الجبد خل يطلعونه وجرح البغلبه يداونه
بلكى الولد يفتح عيونه

للخيمه من جابوه الشبان طلعت تلگته النسوان
بروعه اجن والگلب دوهان

انهض يبدر التام لينه واسمع نواعينه وبچينه
ليش الولد سلهمت عينه

كل الفواطم دارن عليه وهو طريح ونفس ما بيه
هاذى تشمه وذيچ تنعيه

هاذى تنادى بصوت يمه وذيچه تصيح انهض يعمه
وهو غريچ بفيض دمه

ليه تنادى بگلب ملهوب ليش الولد بالراس مضروب
والوجن من ادماه مخضوب

يَمّه چوتنى نار الفراگ وتدرى سعيّر الهجر حراگ
فرفرت روحى والخلگ ضاگ واشجانبني لرض العراگ

نعى مجرد

يا علي بويه يا غصن بان جيت ولگيتك على التربان
يا حيف يا شمعة الشبان

صوتك سمعته وجيت يا شاب شفتك رميه بحر التراب
ناديت بويه صوابك صواب

انفض الشارب من ثرى البين وانهض يغالى من الميادين
وشلون اشيلك للصواوين

سهمك ووسط گلبى رمانى وبطيحتك طاحت اركانى
والحيل متهدم ترانى

ياالولد يالهديت صبرى وبعذك ابد ما ريد عمرى
اشوف الدمه من اعضاك يجرى

ناديت گوموا يا هواشم بدر الدجى بالكاع نايم
دخدوه الصيوان الفواطم

شالوا علي وغمضت عيناه وحسيت گلبى تقطع وياه
سهمه جمر للجد دواه

للخيمه من وصلوا بجسمه وگفت الحوره تصيح عمه
ليش الولد غارگ بدمه

وصارت الحنه بالصواوين واشحالت امه والخواتين
لاوين شايلى يا ضوه العين

نعى مجرد

يمّه يماى العين يبنى موتك يمدلولى فجعنى
والجمر بفادى لهبنى

يكبر يروحي وبدر ليلى وعليك ما يبطل عويلى
عوف الترب واغفه بدليلى

عوف الترب يبني وخليه واسكن بدلالى ورؤيه
بلكى مسج عطرك يداويه

حسبت عريس ويزفوك وبساعة افراحك يهنوك
ما حسبت للغبر شيعوك

شفتك طريح اعلى الوطيه يا شاب يا حلو السجيه
بعدك فلا ريد الدنيه

أنا بيسر وانت اعلى تربان اعوفك واروحن ويه عدوان
وأنا غريبه ومالى اوطان

وجيت وشيضمد جروحي هيهات يطفه عليك نوحى
ياللى خذيت وياك روحى

وجرت روحى واسعرتها وبنار هجرانك عفتها
والوالده شلون تركتها

تدريني ما اقدر على جفاك والدنيه ما تسوه بلياك
ضاعت سنين البيهن ارباك

ضاع التعب يبني التعبته وكلشي بهالدنيه خسرته
وگلبى يمدلولى شعبته

هـ ————— وسات

فجّرت غلب الموالى عليك يا أوّل قتيل
يالّي مصباحك يطفّي لهب حسرات العليل
شاب ثغرك باسم وعودك اصيل
«من بيت المرفوعه اركانه»

يا شبّيه المصطفى يكبر علي
عيب بعدك هالمصايب تنجلي
وانت يا نجم الثريه موذّر بحر الخلي
«وحسين الهديت اركانه»

سمع رجّه صوّبت غلبه بسهم
لنه بدر التام بالهامه نصدّم
ويّه هدم الولد دلالة انهدم
«يصواب الصوّب دلالة»

بعد وين الحيل والغالى طريح
شافه واصبح من لظا غلبه يصيح
ريت بعدك يبني اخلص واستريح
«يوليدى وگطعه من افادى»

وگف عد راسه يون ماله قوی
وین حيله والجسم منه دوه
البزر بزره ولبت افاده چوه
«والمرمر ذاب الحسراته»

ناده شبان الهواشم دحملوه
گال للخيمه هالمحسر اخذوه
هذا معزوزى الغطع مهجة ابوه
«بمحسر وجيت افادى»

مالى يمنه تشيل جسمك يا حبيب
وانظر اجبينك على الغبره خضيب
وصط دلالى صفه نار ولهيب
«بمدلل هديت احوالى»

للخيم حملوا الاكبر هالشباب
وطلعت الخدر تنادى للمصاب
بصوت وآهات ومناحه وبعذاب
«بهبلال اسمعنا وحاجينه»

على الدنيه العفا وما ريد بعدك روح
وشلذة حياتى بالوجه والنوح
«والدنيه خلافاك محزونه»

شلي بالحياة وانت مويها
وحسرات البغلبى من يطفها
وايامى بغيابك من يزهاها
«يهلال الراح من ايدينه»

ياالكبر صوبتنى وما يطيب الداى
جرحك مضه بگلبى وجرح لب حشاى
راح السعد منى يا نظر عيناي
«شيطيب جرحى وطبراتى»

وزينب نادته عمه ينور العين
ذوبنى مصابك يا عزيز حسين
ما مثلك بدر ضاوى على الصوبين
«يمدلل مو وكت النومه»

مو وكت الممات او انت ضيى الدار

يعينج الله بفاجعة لكبر علي
شفتى بدرج نايم برمل الخلي
وجمرته ظلت أبد ما تنجلي
«وبفقد وليدج ماجوره»

ونى لمصابه يليله هالعزير آلي مضه
شفتى بالتربان جثته بالعوادى مرضرضه
هاذا شبه النبي الهادى وشبه جده المرتضى
«يمهذب يومك بجاها»

حسرتك ظلت على طول الزمان
مثل جمره موجره ووسط الجنان
بگلب كل شيعى أله ودّ وحنان
«وامصابك ما ننسه ايامه»

القسم الخاص بعبدالله الرضيع

لطمية

بالخيم سمعوا الرباب تنادى
يبنى عبدالله ويريع افادى

ثاكلة وتصيح يا ريع الجبد
ياخذيت وياك ساعات السعد
ليش يمه اليوم خلوان المهد
والنحر ليش بسهم مترادى

عالمهد لاليت ودموعى تصب
يبنى بالحرموك من ماى العذب
ونحرك المنحور يولىدى غصب
ظل مصابك بانگلب وگادى

بالچنت سلواى وهلالى الشبع
فطرت عيناي من صب الدمع

يا جنيني عليك محنيّ الضلع
يبنى يومك عالٍ بشر ما سادى

لو چنت ادرى يوافيك الأجل
جان رويتك من دموعى التهل
ولا شفت نحرك يفظمونه بنبل
غربت يبنى ودليلك صادى

تصرخ ومنها الدموع منائره
وعالمهد ظلت كئيبه وساهره
والصخر من غد ألمها تظفره
ودوم هالصوت الحزين ينادى

سمعوا ونتها يون منها الصخر
يبنى عبدالله يمحزوز النحر
ورنت بچاها بگت ویه الدهر
والحزن ویه الزمن متمادى

لطمية

بيا جريره هالطفل رامينه
وبيد ابوالسجاد غمضت عينه

سلهم عيونه وخفه نور الوجن
والنحر بسهام عدوانه انطعن
وظل ابوالسجاد لمصابه يون
يساعده رب الخلگ ويعينه

طلعه للگوم يترجه الورد
مالگه راحم ولا جابه احد
ولنه بالنشاب مذبوح الولد
مات ظامى وما تروّه جبينه

صاح للبارى اوجه شكوتى
واعرض همومى وعذابى ومحنتى
تدرى يا ربى بمرارى وغربتى
وانت اعلم بالي صار عليه

يا آلہ الكون عاين هالفعل
بيا جریمه وسوچ ينصاب الطفل
وبمدال المای يرمونه بنبل
والفرات بخيلهم يحمونه

شحال ابوالسجاد لمن شاهده
منخره مذبوح بسهام العده
جابه للخيمه بيمينه ومدده
وناده هاذ مدلج يحنيه

طلعى هالساعه دشوفى يارباب
ما دريتى شصار عندچ من مصاب
مات عبدالله ولاضاگ الشراب
والاعادى بالدمه مروينه

لطمية

من يمي المهد زموه ما اگرد اشوفنه

زموه من گبل عيني لا شوفه ويأذيني

مهد الولد چاوينى گبالى واجهر الونه

مهدك يا عزيز الروح خلالى عزه واجروح
ما هدد البچه والنوح وعمرى بظيم اگزرنه

عبدالله ينور العين وين الگاك يبنى وين
ونوحى ما يهود سنين وليلى ما انامته

بعدك ما انام الليل وعيونى عليك تسيل
مهضومه واصيح الويل يبنى المشبعت منه

بعدك يا هضم حالى وانظر مهدك اگبالى
بشوفه نصاب دلالى گلبى شلون اصبرته

يبنى الما شربت الماى نيرانك توج حشاي
يوليدى وثمر دنياى چانت شوفتك جنه

لطمية

عليمن هالطفل مذبوح والمنحر مصوبينه

عالویش الرضيع يموت من عنده الچبد مفتوت
بيد حسين خافى الصوت وسفه غمضت عينه

جابه حسين لخيمه نحره سابح بدمه
الله يعين ابو اليمه لمن شاهد اجنينه

بيده عاين وليده لمن حزوا وريده
والله غصته مچيده طفل زغير رامينه

جابه الخيمة النسوان ناده من گلب خلصان
شنهى ساية الرضعان تذبجهم اعادينه

تلگنه يمحجوبات ياخويه رضيعى مات
بالله زيدن الحسرات موته يصعب عليه

نوحى يا رباب اليوم شوفى منحر المظلوم
رامينه بسهم ميشوم عبدالله خفه ونينه

لطمية

ليش الطفل ياگوم مترحمونه
شوفوا عذابه شلون ومن العطش مطعون
ياگوم متهابون للواحد القيوم

صوته خفه هالحين ومغمض العينين
ياگوم وين الدين ناداهم المظلوم

اگبل على الميدان ويخاطب العدوان
ليش الطفل عطشان ومن الورد محروم

ويصيح بالكفار خافوا من الجبار
واحنا بنى المختار والويل ذاك اليوم

ماكو مرّد جواب بس رمية النشاب
ولن الرضيع انصاب جاله سهم ميشوم

عبدالله يا مذبح حاله يهد الروح
يالمنحره مجروح ومنه تسيل دموم

لطمية

ليش الطفل مذبوح
والمُنحر المذبوح
رَجَعته لخيامه
ومأثـره سهامه

جاب الطفل مصيوب
واشحات المظلوم
يسترجع مصابه
ظامي عزيز الروح
والنـبله بوريده
من شاهد وليده
ودم النحر بيده
وبضربته فطامه

جابه ويهل العين
يا ربى انت تشوف
الله يبوالسجاد
چم جثه يمه تلوح
والمهجه متفطره
واشعملت الكفره
شنهو حبل صبره
من ولده واعمامه

رد الطفل مصيوب
لاظل كهل لاشاب
ومن مجمع الفرسان
من دامى ومطروح
وهاذ البگه تالى
كلها على ارمالى
تمّ النزل خالى
ومهشمه الهامه

جاب الطفل ويصيح يا زينب تلغيه
ما شربوه الماي من منحره مرويه
امّه وگلبها ذاب ما قدرت تصدليه
شافت دماه مسفوح ومگوضه ايامه

يبني الرضيع الراح بسهام عدوانه
مات بظماه ملهوب ما بلل الساناه
سهمك يبعد امك بالمهجه چوانه
دائى البچه والنوح ملهوبه بالآمه

صار العزه والنوح والخيمه مرجونه
وظلت تسكتهم زينب المحزونه
دارن على المعزوز لمسلمهم عيونه
وعطر الزغير يفوح والوجنه بسّامه

لطمية

آيبنى يعبدالله وبسهام العدى مفطوم

حويا لظمته النبيله وريگه من دمه هله

ومن الماي ما بلّه بس جاله سهم ميشوم

أيالطفل ومصابه يالفطمته النشابه
تسعر نار لهابه للرضعان دايم دوم

يبنى يا عزيز حسين ليش مغرب العينين
ومجسوم النحر نصين ومن ماي العذب محروم

يلوج وغارت عيونه يبجي ومايرحمونه
وقطره مايشربونه ما عدهه حميه الگوم

شحال حسين من شافه ظامي ويابسه شفاه
شلون مغيره اوصافه ومن كثر اللهب يحوم

أيأ يحسين يا حاله من شاف السهم جاله
بسهمه نصاب دلالة ويقطر عالرضيع دموم

لطمية

نشاب مصيوب الطفل جابه حسين لخيامه

جابه الزغير للخيم ويصيح طلعي يا حرم
هالگوم ماعدها رحم جبت الولد بسهامه

مذبوح عبدالله الطفل يا والده گومي بعجل
گامت وماخذها الوجل ومدوهنه ومحتامه

شافت النبلة بمنحره والدم على جسمه جره
زغير وروحه مفرفره يا غصته وآلامه

صاحت ينارك يا الولد رديت مفطور الچبد
چتلوك گوم ابن سعد وانت الچنت شمامه

شنهو الزغير وسايته والله عظيمه غصته
وكل الفواطم حاطته وصار اللطم عالهامه

نواعى فايزي

راجع بطفله حسين والنبله بوريده
غابت عيونه والحشه منه مجيده

وده الطفل للغوم وهو مضيع الراي
كلهم أله يومين ظامى وما شرب ماى
مقدر اصدته يون اقبال عيناي
هذا الرضيع اعلى العطش بالله اشيهيده

ياگوم لوجان بضميركم علي تار
گولو شنو ساي ت مرضيعي يكفار
اطفال ما يدرون بالدنيه اشسده وصار
وكل القضايا عن مسامعهم بعيده

ماكو من العدوان چلمه ولاكو اجواب
ولنه على نحر الولد نابت النشاب
ونبلة الصابت منحره بيها الولي نصاب
الله يغصه هالطفل صعبه وشديده

ظل يمسح الدم بيمينه ويشتكى الهمّ
وناده يربى بهالقضايه انت اعلم
عينك تشوف شلون فايض منجره دم
وانظر يربى شعملت الأمه العنيده

رد للخيم والطفل راجع بيده مذبوح
سلهمت عينه والنحر بالسهم مفتوح
يا جرح عبدالله فتح للوالد جروح
وشلون مالت رغبته وهو اعلى أيده

نعي مجرد

دهجع يماى العين يبنى ونك چوه گلبى ومردنى
واسهام بفادى لهبنى

مالي لبن يرويك يوليد بيمن ييمه روحك تهيد
ونارك توج كلساع وتزيد

يمه الغلب زياد لهيبه والمای ليك منين اجيبه
حتى الصدر ناشف حليبه

وزينب بچت وتصيح يحسين هالطفل شوفه يدير بالعين
ما شرب ماى اليوم يومين

شبحت لعند الموت عينه ومن العطش زايد ونينه
هالطفل ليش محاربينه

دخذه يخويه الساحت الكون بلكى على حاله يحنون
شوف الزغير تغير اللون

بلكى يجد عداهم حميه يحنون لحواله شويه
والطفل يسگونه اميه

يومين أله ما شارب الماى صابه العطش والعطش حماى
مقدر اشوفه قبل عيناي

شاله الغريب وراح للگوم وناداهم بگلبه المالوم
يا گوم ماكو بيكم رحوم

لن السهم بالنحر منشوب وخله الرضيع مفرفر يلوب
ظامى غضه والجبذ معطوب

وظلت تون امه بعزاها وللموت ما بطل بچاها
عبدالله يا ثمرة حشاها

نعي مجرد

احوه يطفل المات عطشان وافطامه ويّه النبيل والزان
ويلاه يا جمرة الرضعان

عبدالله ليش بنبل فطموه ومن منحره العدوان روّه
عطشان ومن الماي حرموه

وشحال ابوالسجاد شافه مذبوح ومغيره اوصافه
مات الطفل والله حسافه

شاف الطفل مذبوح بيده منحور والنبيله بوريده
الله شها الغصه المچيده

ويلاه يا ذبح المطافيل يدمى الغلب وينزل الحيل
ويل العده من هالفعل ويل

الله يعين الشاكلة امه من شافته سابح بدمه
اهوت على صدره تشمه

غرّبت عينه ونفس ما بيه وتغيرت الحلوه معانيه
والگوم بالمنحر مصوبيه

تنوح الرباب اعلى ولدها ذبح الطفل والله ضهدها
وهاذا من البارى وعدها

تنادى ييمه خافى الصوت وشفتك تعالج سكرة الموت
وچبدك بكثر العطش مفتوت

شفتك رميه گبل عيناى يا ثمر چبدى ولبة احشای
گوضت يمه بحسرة المای

نعي مجرد

جاء الطفل والنحر مذبوح سلهمت عينه وغايبه الروح
ومالت ركبته والدمه يفوح

يا ابو علي الله يعينك طفلك رميه على ايمينك
بنحره السهم وتشوفه عينك

جيبته للمخيم بيا حال مصيوب نحره والدمه سال
ومن الظما يابس الدلال

جيبته وصحت طلعت ينسوان هذا الرضيع بدمه غرگان
رؤته من دمه العدوان

طلعت وشافن نحره مصيوب وامه بعزاها گامت تلوب
طاحت ومنها الكلب ملهوب

وكل الفواطم ساعدنها ظلن يونن مثل ونها
موت الولد والله طعنها

نادت ييمه وثمر چبدي مذبوح اشوفنك بحدى
وظل الحزن وياى يحدى

حزنك يظل وياى مذخور ابچى وون والدمع منثور
آيا مصيبة يوم عاشور

بعذك ييمه شلون بيه مسيت ديرانى خليه
ميت ييمه ارجعت ليه



الفصل العاشر

القسم الاول

في ما يخص الليلة العاشرة من محرم

القسم الثاني

في ما يخص اليوم العاشر من محرم



لطمية

الليله خيام حسين بيها عزيه
وداع وصرىخ اطفال للفاطميه

الليله خيام حسين بيها مناخه
والعسكر الغدار اعلن كفاحه
يا عاشر بعاشور اكشر صباحه
ليلة هضم واحزان ومحيره النسوان
وباچر تظل سيوب بالغازيه

ضجّن بنات حسين من ودعنه
صاحن يبويه دخيل لاثمسي عنه
ننطي وجهنه وين وانت ضمدنا
گلهن عزيز الذات صبرن يمهضومات
صبرن على المقسوم واعلى البليه

اليه الاهل خطر عند الفواطم
هذى تهل العين ذيجه تسالم
والخيمه تسطع نور بهل العزايم

بالاكبر وعباس واهل الشرف والباس
وبالمة الاطهار تزهى السريه

ليله على المدلول ذاب جبدها
ورمله تحن وتنوح تنعه الولدها
وام الحزن ونّات تجرى الضمدها
تغله يخويه شلون باچر تطب الكون
وتبگه ديار النور منكم خليه

اگبل عليها حسين لمن سمعها
وعينه تهل دموع ويّه دمعه
يگلها الحرم يا خوى بارى جمعها
حفظى وصيتى اليوم انتى وعلي المالموم
انتى وعلي السجاد اهل الرزيه

وبنظرة الاحزان صد العليله
انت الوصي يابوى وهي الكفيله
وحمل اليظل مطروح لازم تشيله
يا حجة الرحمان تشبع غصص وامحان
ومقيد اعلى النوك ويّه السريه

لطمية

الليله شلون ليله يالتنشدونى

خطار اخوتى عندى ويودعونى

ليلة حزن ليلة كدر هاليه

والفرغة وليها تصرخ العيله

باچر هالغوالى تصبح ذليله

الله يادهرها خاين ودونى

الليله شلون ليله نحلّت حيلى

اعلى افراگ الاحبه ذايب دليلى

سهرانه وانوح ومائمت ليلى

شلون بهالمصيبه تغمض عيونى

شلون تنام عينى والاهل خطار

وباچر ما يظل منهم فرد نغار

والعدوان بالخيمه توج النار

وللشامات مسبيه يودونى

ما تغمض عيوني ولا اشوف النوم
واعلى خيامنا گوم الاعادى تحوم
كلها دايره اعلى ذبحت المظلوم
وادرى هالعدى بهلى يفجعونى

نادته يخويه يا بعد عيني
لو صارت الفرگه بينك وبينى
منهو يعدل حمولى وىبارينى
وكل اهلى يروحون ويخلونى

ايگللها يخويه صبرى يحنيه
ولازم يىم طهر عزچ تفقدينه
والمقسوم يا زينب تشوفينه
الله يعين گلبچ من يذبحونى

لطمية

زينب حايره ومنها البصر ضاع
الليله يا حياده ليلة وداع

الليله يا حياده كلکم وياى
والخيمه زهيه بلمة اعضای
وباچر سانظل من غير حماى
وانتوا يا نشامه برملة الغاع

جاها ابن النبی یمسح دمعها
وحنّ الضيمها لمن سمعها
ويدرى هالحرب لخته فجعها
لگلوب الاحبه شكث رواع

یگلها يا حنينه اليوم صبرى
ولازم هالمصاب علیچ یجرى
تشوفین الفجیعه وقطع نحرى
موعوده یخويه بهای الاوضاع

غصة كربله ما من مثلها
یا عملة بنى ميه وفعلاها
باچر هالغوالى یطیح ظلها
وما یبگه من الانصار فزاع

ليلة عاشر بعاشور حنه
بخدور الغوالي شلون رنه
حسرات ودمع لهل المحنه
كل وحده گلبها شلون مرتاع

های تصیح یا جاسم ییمه
وذيچه للابو گامت تشمه
وهای تصیح یالاكبر یعمه
یهل المرجله وحلوین الاطباع

لطمية

الليله بكربله زينب والعيال يا حامي الحميه
ريت تشوف حالتهم بيا حال يا حامي الحميه

انهض يا علي طر اللحد گوم
شوف ابنك المظلوم

الليله بكربله متجمعه الگوم
واعلى المشرعه تحوم
وانت المرتضى الفارس المعلوم
لش تغيب هاليوم
هم سيفك البسال
يا حامى الحميه
طشرگوم الانذال
يا حامى الحميه
حطم هالصفوف الاعوجيه
يا حامى الحميه

الليله بكربلايه دموع والام
يا حيدر الضرغام
وابنك حاطته زمرة الظلام
بين سيوف واسهام
ذوله اهل الخديعه ماهم اسلام
كلها منشره اعلام
الليله جيوش تنهال
يا حامى الحميه
من ايمن واشمال
يا حامى الحميه
فاضت كل اراضى الغاضريه
يا حامى الحميه

الليله شحالت بينك يبو حسين
وشحال الخواتين
ضجّه ونايحه ووسط الصواوين
لفراگ الميامين
ودموع الحزن تهمل من العين
ومفيضه الخدين
عندك حرم واطفال يا حامى الحميه
منها الدمع همال يا حامى الحميه
تصبرهم وتبجى الهاشميه يا حامى الحميه

زينب يا علي الليله مريبه
وبجور المصيبه
وجمر الظيم ما يسكن لهيبه
ولا يوجد طبيبه
خافنها تظل حرمه وغريبه
هالعدره النجيبه
بعد الخدر وادلال يا حامى الحميه
تمشى ويّه جمال يا حامى الحميه
وانت صاحب الرايه العليه يا حامى الحميه

باچر كل بنينك تبگه طشار
وتعید هـ الاشرار
وجسوم الاحبه فوگ الوعار
لاحامی ولاستار
تخلص كل بين هاشم والانصار
حتى اجهاال الازغار
والغالی علی ارمال
وراسه علی الميال
اهوه وجمله انصاره سويه
یا حامی الحمیه
یا حامی الحمیه
یا حامی الحمیه

لیلة عاشر بعاشور نیران
لوعه وهضم واشجان
وگلوب الفواطم تشجر احزان
لمفارگ الولیان
تدری باچر یطبون میدان
من شیب وشبان
اللیله خابت آمال
من سبعین رجال
بس یبگه علی وحاله رديه
یا حامی الحمیه
یا حامی الحمیه
یا حامی الحمیه

لطمية

ليلة موادع الليله والمناحه بكربله
وزينب تنادى يخويه لاتعوف العايله

عندك اطفال وغوالى لاتخليها وتروح
خوفى تتركها غرايب والهضم بيها يلوح
خويه من همّ كربلايه ما بگت للميله روح
حگها لو گامت تنادى حگها لوگامت تنوح
چم جرح لازم تحمله وانت اعظم هالجروح
والمصاب اليسدى باچر يا گلب يتحمّله

گلها صبرى يا زچيه والصبر صار الناثوب
واحننا من اول عمرنا بالرزايا والخطوب
وادرى من حرة مصابج صخرة المرمر تذوب
فوضى للبارى امرچ وهو علام الغيوب
وانتى يا زينب كفيله والذى عنى تنوب
بيدچ عيالى امانه يالعقيه الكامله

يم طهر سكتى بناتى وصبريهن لو بچن
وعاينى جملة حريمى وساعديهم عالمحن
خاف للشامات خويه بيكم ايسچ الظعن
وتوصل عيالى سبايه بيد طاغوت الزمن
تگله خويه ذوبتنى والگلب منى انطعن
ريت وياكم مامتى ولا اواجّه هالبه

وضجّت النسوان كلها والمدامع ساكبه
هاذى محنيه اعلى ابنها وذيچ اخوها طالبه
وتدرى باچر من فجرها هالرجال مغزبه
والفواطم خاف تبگه بالطفوف مسييه
ليلة احزان ومشقه والمصايب لاهبه
ونار الموادع سعيره وبالذليل امشعله

وسكنه نادت يا ولينه لاتخلينه وتفوت
بويه ردنه للمدينه من گبل هجم البيوت
گلها هيهات الرجوع ولازم اهتانه نموت
كربله صارت مقرنا وبأراضيها الثبوت

وسمعت العيله جوابه وارتفع من عدها صوت
ونادن بحركه يوالى لاتذبننا بهالفله

الليله اطناب الهواشم زاهيه بجمع الرجال
واگفه تحوف الفواطم بالمعزه والجلال
وباچر تصبّح ضحايه موسده فوگ الرمال
شلون حاله بيوم عاشر ما مثلها يصير حال
ويحرمون حسين واهله حتى من شرب الزلال
واگف ينادى معينه ولا أحد ينغرأله

الليله خطار الزجيه وباچر المحمل يسير
ياخذ جسوم الحياهه وحتى عبدالله الزغير
باچر ابن زياد جيشه صوب المخيم يغير
باچر المظلوم يبغيه لامعين ولا نصير
ما چن المرسل جده والوصى عوده الأمير
شلون ابن سيد البريه والعباد تقاتله

لطمية مربوعة

شلون ليله بكربله هالليله

وداع ابوالسجاد ويّه العيله

شلون هالليله الفواطم بالخيم

نايحه وافراگ ودموع او ألم

باچر يخلصون كل اهل الشيم

والحمل منهو اليگوم يشيله

بالخيم حنه ودموع مناثره

هالله هالله شلون ليله مكدره

هاى تنعه وذيچ مدمعها جره

وهاى من گد المصاب نحيله

گام ابواليمه ينشّف هالدمع

وذوب افاده يويلى هالوضع

اعلى الغوالى شلون مطبوگ الضلع

والدمع مثل السحاب يسيله

نادته سكنه يذخرى وهيبتي
شلون من بعدك يوالد عيشتي
انت بالميدان وأنا بغربتي
ومن بعد عينك اعيش اذليله

شبتگته وگامت تشمه بمنحره
لاتخيلنه سبايه بهالعرى
خوفى تنامون بسموم الثرى
ويهجم اعلينه اللعين بخيله

صاح ابوالسجاد ودموعه تصب
من شفت هالحال دلالي انعطب
موادع الاحباب يابويه صعب
لله امرى والهضم اشچيله

لطمية مربوعة

تلوج روحى وما تهود احزانى
ضيوف هالليله اشوف اخوانى

شلون روحى تهود واترك وئتي
وانظر بنيني وعمامى واخوتى
اهما سورى وكل مُناى بدنيتى
خاف بحبابى يخون ازمانى

الليله خيمتنه بحمامم زاهره
وبوجود اهل الشيم متعطره
بالهضم يا عين ظلي مساهره
وباچر الفرگه ويه كل وليانى

انظر الجسام والعون وعلي
وانظر العباس والمدمع هلى
شلون افارگ هالضياغم من هلى
وما يظل وحيد من اعوانى

جاها عباس واعمامه وكل هله
وگابلوها والمدامع هامله
زينب انتي يالعقيه الكامله
وانتى ادره بهالزمان الفانى

نادت ادري لكن شلون الصبر
من اشوفنكم ضحايه اعلى العفر
وابگه بين اعداى ما عندى نصر
حايه ومالى ضمدم يحمانى

كلکم تروحون يحابى سوه
وادرى تفنيكم اراضى نينوا
من سمعت بهاي دلالي انجوه
وهالمصيبه الغيرت الوانى

لطمية

صاحن كل بنات حسين
لتروح وتخليه

عدمن يا حمانا نصير
بـعدك لو رحت يامير
للخيمه الاعادى تـغير
والعدوان تـاذينه

صارت ضغبره وحنه

وابسچاهن يرفعنه

صدهن واجهر الونه

واعليهن بچت عينه

صد ألهن بيا حاله

وليهن ذاب دلالة

گامن لزمان ذیاله

بـعدك وين يالعينه

سانبگه بلا وليان

وانت السيد الريسان

وتالی بس نظل نسوان

وبالحومه اهالينه

نادن والگلب محزون

موهاذا عليه بهون

بين اهل الردى تسيبون

واعليكم شبيدينه

نعوف اطفاله بهيمه

بنياب العده هضمه

لا غيره ولا شميمه

والله يصعب عليه

لطمية

سكنه تنتحب وتصيح بعدك وين منوانه

بعدك من يحامينه يا عزنا ويا والينه

العسكر يهجم عليه بويه عليك دوهانه

شمته وتهل العين يا بويه ينور العين

حاطتنه العده صوبين گوم يزيد كثرانه

مانى عزيزتك يا ياب خاف تعوفنى ويه اجناب

وامصابك اشد امصاب مدري وين مسرانا

لو هجمت عليه الخيل لو خيم ظلام الليل
يا بويه و خدرنا يميل وما يبغه ولي ويانه

شوف امي الرباب تلوب من عدها الكلب ملهوب
بعدك وين نمشى النوب ياعزنا ويملفانه

گلها من گلب دامی اعتابچ زيد الامی
وانتی زهرة ایامی شگد الروح حزنانه

لطمية

هالليله يا اسلام شنهو بكربله

سمعوا دوى الجيمان ومخاطف العدوان
ومترسه الوديان راياتها واعلام

جيمان ملتمة وتريد ابواليمه
ومطالبه بدمه سبط النبي العلام

نـيران سـعـاره وگـلوب مـحـتاره
وبـكـربله الغـاره بسـيـوفها واسـهام

وشـلون هـالـليه ومـروءه العـيله
والمـدمع تـسـيله كـلّه هـضم وآلام

اللـيله صـريخ اطفـال اللـيله نـحـيب اعيـال
ومـكـدره الاحـوال ما بـين هـالـظلام

وابـن النـبى مـحـتار بـيه حـاطت الاشـرار
اللـيله يـدير افـكار مـنه الـگـلب مـحـتام

لطمية

هذا الوداع يخوتى هالليله
يحسين يا ضي عيني بعدك منو يباريني
وگوم العده تسبيني

اللـيله الـاهل خطارى آلهـه يـحـره نـارى
ومـوجـره بـفـكارى

وشلون حاله حالتي بالروح تسع جمرتي
والحيره والله حيرتي

تدوى اراضى كربله چنها تموج بزلزله
الجيمان كلها معاجله

الليله النواظر ساهره ودارت عليه الدايره
وارواحنا متكدره

لزموا عليه المشرعه جيمان كلها مدرّعه
وگلوبنا متروعه

الليله سمانا مظلمه لبس الرسول وفاطمه
تهمى المدامع من دمه

شحچي واعد احسابي ساتروح كل احبابي
يا حيرتي وامصابي

لطمية

هالحرم يا مظلوم من يحميها

لو راحت الفرسان تتسلب النسوان
لاخدر لاصيوان وجيش اللعين يحوم

خويه يبوالشيمه سانبات بالهيمه
لو حركوا الخيمه ماعدنا والى يگوم

خويه نطل ضياع وارجالنا بالگاع
وافادنا مرتاع من جور اهالى الشوم

تتصارخ الاطفال من شدة الاهوال
واسنادها برمال ومسبّحه بدموم

گلها يضي عيني هالعتب ياذيني
يم طهر عذريني لورافگيتي الگوم

غصبن مخليكم والگوم تاذيكم
واشبيدي عليكم منى الگلب مالوم

لطمية

ضيوف اخوتى الضيغمية

عدنه بس هـاى المسيه

نشبع وداع ويه اهلنا

راحلين اهل المحنه

بـاچر يشيلون عنه

وتبگه ديرانى خليه

ضيوف هـالليله الحيايه

كاتبين اعلى الشهاده

وأهـم الميدان عاده

مايهابون المنيه

مايهابون الحريه

واهما فرسان الكتيه

خاف سفرتهم جريه

ومايجونه هـاى هـيه

شلون بينه يا غوالى
نسيب من بعد المعالى
خاف نبگه بغير والى
ونصفه بيدين الدعيه

صاحت النسوان كلها
هالغوالى بان ذلها
منهو ايبارى حملها
لو وگعتوا اعلى الوطيه

الليله مجموعه الهواشم
حايفه خدور الفواطم
بيدهم تزهى الصوارم
الليله خيمته زهيه

لطمية

باچر نطل سيوب يا والينه

الليله زهيه الدار بالأهل والانصار

وباجر نطل طشار مدرى نهج يا صوب

ما ندرى وين نروح وتلوج منه الروح
والگلب كلّه جروح واطفال عدنا تلوب

عدنا جمع رضعان وشلون يا وليان
لاخدر لاصيوان لو صار وكت غروب

باجر بياحاله وتهجم الخياله
وبن سعد ورجاله يهجم عليه النوب

جيمن مالمومه وگلوب ميشومه
يا عاشر ويومه كلّه ألم وحرّوب

وملزوم حتى الماي وشلون يا ولياي
يا غصتي وبلواي منى الغلب ملهوب

لطمية

يا هلى وياكم اخذونه ليش خويه تضيعونه

نطلب الموته وياكم لا تـخلونا وراكم
خويه ما نحمل جفاكم واليموت اليوم عونه

خويه منريد الدنيه بدونكم يل الحميه
والعمر بالمهضميه وآل اميه يعذبونه

نشبع مرار ومذله من بعد هالزود كلّه
باچر نرافگ خوله ولبن هند يوصلونه

آه يا ضيمى ومرارى والشماته تزيد نارى
ألـمـن اتصبّه وادارى وحالنا يصبح شلونه

شلون يا مظلوم بينه من تغير الخيل لينه
منهو ايحامى عليه غصب عنكم ياخذونه

لا تـخلونه سبايه وسايودونا هدايه
ليه يزيد ابن الدعايه ريت لاقرت عيونه

لطمية

خطار خوانى وبس هالليله

هالليله بس عندى كل هيبتي وسعدى
واهما امل چبدي وعليهم انجيله

الليله الزلم خطار خوانى والانصار
وباچر توج النار والمدمع انسيله

هالليله ليل وداع وباچر نمسي ضياع
وكل الزلم بالكاع ومسيبه العيله

ياريت يبگه الليل خوڤي الزمان ايميل
يا ويل حالى ويل لو مالت الميله

ما احمل اجفاهم يا نار فرگاهم
يا ريتنى وياهم وانثيل هالشيله

الليله ألم واحزان والنوح بالصيوان
ياحالة العطشان تصرخ مطافيله

لطمية خاصة في ليلة العاشره لطمية

يوم العاشر بعاشور حين الغام ابواليمه
غام اعلى الظلم والجور واتفانه وهدر دمه

شاهد گوم ابن سفيان صابت ضامر الأمه
واعلى دولة الاسلام سيف الظالم توله
صاح بصوت ابد هيات ما نصبر على الذله

واحنا حجة الرحمان

ولينه اتنزل القرآن

ما نخضع لبن سفيان

چيف انتابع الاشرار واحنا قادة الأمه

قدم نحره للاشفار وبغالى الثمن وافه
رايد عزة الاحرار والحق ناتج اهدافه
ثار بهمة الايمان ضد الطاغى واسلافه

ما رايد مذله تصير

واحسابه العدل والخير

ماعنده جفه وتحوير

عاهد امّة المختار عالايثار والرحمه

هالأمّه الفداها حسين وبدم النحر ضحّه
راد الها حياة النور ومن الواهمه تصحه
لاكنها جفت وياه وخلت بالدهر جرحه

وظل حزنه مدى الايام
طاعن مهجة الاسلام
يلهب كل سنة وكل عام
بالعالم شعل كانون كل يوم اليمر يحمّه

مانسه وگوف حسين يوم العاشر بعاشور
صامد عالهم والظيم ما مثله وگف مكسور
يتلگه سهام الگوم وبصفه تفيض انحور

ينظر جملة الانصار
مطروحه بسموم الحار
لاحامى ولانغار

مفرد واجه العدوان واصفوف الكفر لّمه

توسط حومة الميدان واعليهم بده ينادى
أنا حسين ياكوفه ليش اخلفتوا ميعادى
من ذيج المنازل جيت تارك گومى وبلادى

جيت بكل هلى ليكم
ظنيت الأمل بيكم
خدعتنى دواعيكم

تاليها صفتوا شلون لاغيره ولاذمه

من عندي اشبدي ياگوم وعليمن غدرتوني
ياسايه وذنوب سويت انشدكم دجيونى
ياگوم انسبونى منين أنا ولا تجهلونى

موجدى النبى المختار

والوالد على الكرار

وامى عودة الاطهار

غالوله الحقد يحسين ثابت بالحشه سهمه

من شاف الوعظ ميفيد قدّم ناطق الصمصام
شمّر للحرب يمناه واتعنه يصيد الهام
ناس الماتعرف الدين وياها شتفيد احكام

ما فاد الوعظ ما فاد

لامنطق ولا ارشاد

ممليه حقد واعناد

مگصدها ترید ادماه ولا راعت أله حرمة



نواعي فايزي

اليه حريم المصطفى يودعن الوليان
وباچر بمصباح الفجر يصبح الميدان

التمن حريم حسين بالخيمة على النوح
هاذي تنادي وذبيح تنعه بگلب مجروح
وزينب تگله يا حمانا عدمن انروح
لو هجمت العسكر على خدور الخواتين

حنن فرد حنه وصاحن يا حمانا
لتروح يا عز الفواطم يا ضرانا
يا ضيمنه من بعد عينك يا بلانا
المن نعاين والبوادي تموج عدوان

هالليله بوجود الأهل تزهي خيمنا
وعباس بحدود النزل رافع علمنا
وتحوف شبان الهواشم كلها يمنا
حرّاس بيديها السلاح تحرس هالمجان

خطار هالليله الزلم عند الخواتين
وزينب عزيزه بسايت العباس وحسين
وكل النشامه تحوف خيمتها مسلحين
واهى كئيبه والغلب من عدها خلصان

وليله على الاكبر تون والدمع مدرار
ورمله على جاسم يويلى مضيعه الافكار
واما الرباب تصيح يا سيّد يمغوار
خافن تخلينه غرب ما بين جيمان

وگام الغريب يسكت العيله الغريه
اگبل عليهن والغلب شاجر لهيبه
حالت اعياله زودت نار المصيبه
وهلت ادموعه ويّه دمع اليهل غدران

نواعى فايزي

إسمع الضجّه من نواحي كربله تلوح
هالليله آلام ودمع واحزان وجروح

دويت العسكر من سما غاضر تجينه
واصوات من وسط الخيم كلها حزينه
واللّي يودع عيلته تسمع حنينه
واتعاین احوال الحرم واللطم والنوح

الليله اراضي كربله فاضت بالخيل
وارماح بيها منشّره والسهم مسلول
كلها اعلى حرب ابن النبي ومهجة المرسول
وباچر من ايصير الفجر تتولّم السوح

الليله استعدت كربله الساحات الحراب
وباچر على حر الثرى من شيب وشاب
الله يساعد زينب تعاین هالمصاب
ومن گد مصايبها وبلاها ما بگت روح

الليله يوصيها الولي والگلب محتام
حفظي بناتي يا حزينه وبارى الايتام
وادرى يودونچ يسيره الديرة الشام
وراسي تشوفينه گبل عيناچ مشبوح

گالت يخويه شملك بعينى اباريه
وبضلعي المجمهور للضايح اغطيه
احني عليه امن العده خافن تاذيه
وحملك اشيله ولا اخلي حمل مطروح

نعي مجرد

الليله الولى يودع العيله گربان وموزم رحيله
وناده ام طهر انتى الكفيله

خويه بناتى دباريها واطفال عندى سكتيها
بالسفر حطي البال ليها

لو سافريتى الديرت الشام وسار الظعن ما بين ظلام
بارى عليلى وبارى الايتام

وباچر يخويه من تشوفين جسدى موذر بالميادين
قي عليه ولا تونين

لوشفتى جسمى بشمس مطروح والگلب ضامى وغايه الروح
فَيَّي عليه وداوى الجروح

صاحت يخويه ونظر عيني جلده واسمعك توصيني
وشلون ما يكثر ونيني

يحسين يا مهجة الهادى ووصيتك شعبت افادى
عسه لاجيت الهالبوادى

شيصير حالى وافتكر ليك واگع يخويه بين اعاديك
واهل الشيم كلها حواليك

نعى مجرد

الليله صريخ بوسط الخيام الليله دموع وحزن وآلام
وباچر فقد ساده وعلام

الليله مناخه وساعت اوداع ويه الحياده حلوه الاطباع
وباچر ضحاياه تصير عالگاع

هاذى تودع ليه ولدها وذيجه تعين ليه ضمدها
وهاذى الحزن مرّد جبدها

اليه مزهره خيام الحسين ومعطره بالمّة الطيبين
حرّاس وتحوف الصواوين

عباس واخوانه النشامه وجسام يا بهجة عمامه
ولكبر علي محله كلامه

اليه اراضي كربله تموج تدوى وكلساعه يجى فوج
وحتى الفضا هالليله مرجوج

الليله بغاذر فازه الغوم كلها عساكر گامت تحوم
ومحزّمه الحربك يظلوم

جت الكفر جازات جازات وخيّمتم كلها بشاطي الفرات
ماكو حميه ولا مروّات

نعي مجرد

الليله يزيب ليله وداع وباچراهلنا برملة الغاع
الليله الكلب حاير ومرتاع

يزيب يخيه شلون ليله والههدم ما اگدر اشيله
من كثر ما روحى نحيله

انظر لخوتى الجنهم بدور وعينى تهل والدمع مسعور
ياليلة العاشر بعاشور

ادگلهادصبرى يم چلثوم واحتسبى عالواحد القيوم
گلبى مثل گلبج المالموم

ضاع البصر چلثوم خيه وجتتى نار الغاضريه
واعلى اخوتى شيصح بديه

ابچى واهل العين عبرى والنار بالدلال وجره
يختى الكلب مگدر اصبره

شصبر واشوف الاهل خطار و باچر ضحايه بحر الوعار
وتالى شملنا يصير طشار

فعى مجرد

سكنه تنادى يا ولىنه يا بوى عدمن تخلىنه
لو رحت منهو اليبارينه

لزمتم اذىاله وصاحت ادخيل لتروح يالعندك مطافيل
يا بوى تدرى مابگه حيل

حنت اضلوعه من سمعها وبىمته يمسح دمعها
هالغاليه الزاچى طبعها

صد ألله وادموعه جريه يا بوى شنهو يصح بديه
واحوالكم تصعب عليه

ويمه الرباب اتنادى وتنوح وامساهره والگلب مجروح
تگله يوالى عنه لتروح

لتروح يا خيمه العلينه يا ابو علي عزننا ووليئه
لو رحت بالله شلون بينه

يا تاج راسى والتجيه يبن النبي سيد البريه
دخليك يوالي حن عليه

أنا الرباب الدللتنى عشت بمعزه واكرمتنى
والسا الفرگه دوهنتنى

عشت بسعد وياك يحسين سلطان ومنتب الجدين
وعودك علي طود الميادين

بسمك عزيزه ورافعه الراس يا هيبتى والفخر والباس
خافن تذبني بين الارجاس

نعى مجرد

زينب تون والعين عبرى وتصيح دلالي شيصبره
وباچر اخوتى على الغبرى

مُرّ الصبر يالى توصفون وامصاب واحد بلكت يهون
لكن هلى كلهم يخلصون وباچر ضحايه بساحت الكون

باچر هلى كلهم ضحايه نومه اعلى رملة كربلايه
واحنه يساره ويه الدعايه

شيصبر المجروح ياناس وابن امى سوري وشيلة الراس
باچر يظل للخييل مرداس

الليله الخيم تزهر بالولاد وكلمن تشوفه ايسر الفاد
وباچر ضحايه بحر الوهاد

شبان حلوين السجايا يزيحون من الغلب دايه
اسم الله يضوگون المنايه

اسم الله على حلوين الرسوم اسم الله على العريس جسموم
اسم الله على لكبر المحروم

انذب يگلبى اهجع اوهود لكن شيصبره والهجر چود
واهوہ من الاعماق ممرود

هـوسات

زينب ساهره الليله وياه الخوان
وتنظر للاحبه والگلب حزنان
باچر كل اهلها بحومة الميدان
«خطار اخوتها بهالليله»

اجاها حسين عالفركه يسليها
ودموعه تهل والونه يجريهه
يخويه الدنيه تدرين بدواهيها
«يا زينب حالج بچانى»

گلتله يخويه شبیدی عالمقسوم
روحي مدوهنه والگلب مملی هموم
باصرنى بمصابى خويه يا مظلوم
«ومن بعدك ياهو ايحامينه»

گللها دصبرى والصبر محمود
انتى ام العلم وام الفخر والزود
واحتسبى مصابچ خويه عالمعبود
«واعيالى الظلت باريها»

وباچر هالحياده كلها فوگ الگاع
نادت زينب ومنها الگلب مرتاع
«عدمين يحسين اتخلينه»

زينب تنتحب وتصيح يالوليان
باچر لوگضيتوا بساحة الميدان
مالي عين اشوفنكم على التربان
«ياخويه وياكم دخذوني»

واجت سکنه لبوها وگامت تشمه
تگله يا سنادى عليك متعلمه
يابويه الگلب متفايض بهمه
«مهضومه شلون تخلينى»

ناداها ودليله من الحزن ملهوب
انتى الغاليه وروحي عليچ تلوب
لاكن يا عزيزه هالأمر مكتوب
«والضيم اخلافي تشوفينه»

وليله مدوهنه لمصيبة الاكبر
تغله شلون بعدك يبني يمحسّر
ما أصبر على فرگاك ما اصبر
«يالاكبر يانور ايامي»

ورمله اتعنت الجسام وتنادى
شلون تغيب وانت لبة افادى
وعيني تعايك بالكون مترادى
«يا جاسم حنيت اضلوعى»

هالليله الرباب مساهره وتلوب
وعبدالله بحضنها من العطش ملهوب
نوبه يجهر الونه ويصرخ نوب
«يتلوه ويشگف بيمينه»

بالله تيسروا هاذا سواد الليل
صوب ادياركم بالله دسرجوا الخيل
گالوله ابد وياك دمنه يسيل
«وموت العز وياك انريده»

صاحوا فرد صيحه جملة الاصحاب
ياعزنا وحمانا يبن داحى الباب
ما عفناك لمن نهوى فوگ اتراب
«هيها انعوفك يالوالى»



القسم الثاني من الفصل العاشر في ما يخص اليوم العاشر من شهر محرم

لطمية

من هوى روح الزجيه اعلى الصعيد بكربله
ارتجّت السبع العليه والمدامع هامله

من دمه هلت سماها والارض گامت تميد
واظلمت جوها وفضاها يوم طاح اعلى الصعيد
حلّت الاكوان رجّه وارتهب عسكر يزيد
وظل ثلث ساعات مرمى جسم ابواليمه الشهيد
والسيوف تحوم يمه طالبه حزّ الوريد
ماگدر احد يدحمه والزُعب بيهم عله

آه يا حزت وريده صوّبت گلب الرسول
واصبح الاسلام ناعى لجل ابن فحل الفحول
وباچر الأمه العنيده عند ابو حسين شتگول
من تشوف اهنالك جده وتنظر الزهره البتول

اتكول يا زهره اعلى صدره خيلنا گامت تجول
والسهام اعلى عزيزچ يا زچيه امعاجله

هاذ ابن سيد البريه بالعري هاوى طريح
واعلى رمح الكوم راسه والدمه منه يسيح
وراح للخيمه جواده يسهل بصوته ويصيح
يگول يا زينب دسمعى والخبر جبته صحيح
راح ابوالسجاد ظامى والنحر منه ذبيح
وكل اهل بيته ضحايه بالطفوف مجدله

وطلعت بدهشه العقيله تصرخ بحرگه گلب
شافت الميمون خالى والسرج منه انگلب
صاحت اعلى الحرم گومن راح وآليچن غصب
هذا ميمونه اجانا والدمع منه يصب
عمه ظليتن يتامه واليتم مُرّ وصعب
لاكفيل ولامحامى وطاح سد العايله


توجهت صوب المعاره والغلب يگطر دمه
وراحت اعلى التل تنادى وين طايح ياحمه

يا غريب الدار خويه يا فريد الملحمة
يا هو حزّ منك وريدك يا هو صدرك هشمة
والله من فعل الاعادى اهتزت اركان السمه
يوم مامثله تصوّر ما سدى بكل المله

يوم عاشر يا مصابه ماجره مثله مصاب
جملة انصار الامامه تصرّعت فوگ التراب
بين ما هو امبضعينه وبين مسلوب الثياب
وبين مادم المناحر صار لچفوفه خضاب
كلها بسموم الوطيه من كهول ومن شباب
وحتى عبدالله الزغیر ميّت بسم حرمله

من بعد ذیچ الفجیعه غاروا اعلى الطاهرات
روعوا گلب الیتامه والشمل خلوه شتات
هاذی طفله تصیح یابه وذیچه فرت بالفلات
والعدو یطرد وراها لاله رحمه ولاله ذات
والخیم بالنار شبّت وین تتخفه وتبات
وین جاسم وین الاکبر وین اهالی المرجله

وين ابوفاضل حماها غالوا اعلى المشرعه
راسه بالعامود مرمى والچفوف مگطعه
ناده كل الفواطم خل يجينه نودعه
ليش ماگام الخواته ليش ظل ابمصرعه
خله ينظر للغوالى خايفه ومروعه
من بعد ذيچ المعزه بالطفوف مبهدله



عدة لطميات مربوعة وفزاعية

لطمية

بالعرك نسمع ونينه

وين طايح يا ولينه

گومی یم چلثوم خيه

نشوف والينه الشفيه

طاح عز الهاشميه

راح في اللّي عليه

بالعرك نسمع الصايح

يا حمانا وين طايح

خلي انقيم النوايح

هاى هيه وما يجينه

سمعي بالميدان حنه

وبوعلي يجهر الونه

خل نزم السهم عنه
يا لله گومی يا حنينه

گومی نـفـزـع للمعاره
والولي نـعـرف اخباره
والله ظـلـينه حيارى
والاعـادى مـحـياطينه

بـوعلى طـايـح بـكونه
گومی انـغمض عـيونـه
خـاف صـدره يـرضونه
انـشـيل سـهم اللّـي بعينه

بـلكى نـطـلع سـهم گـلبه
بـلكي امـيّه نـشـربه
غـصّته يـانـاس صـعبه
خـاف صـدره راضينه

لطمية

ثار الغبار الساع واظلمت اسمانه
وسبط النبي عالگاع واگع بميدانه

شو ضجّت الكونين هاوى عميد الدين
واگع بالميادين والدنيه حزنانه

وشهالالعجاج الثار وتكدت الانوار
وهلت سماها غبار من جور عدوانه

يا مهجة الزهرة واگع على الغبرى
وضلوعه متكسره وبنحره نيشانه

لمن هوه المظلوم مطرت سماها دموم
ودين النبي مهدوم وانهدت اركانه

لمصاب ابوالسجاد متهدمه الاوتاد
وياهجمة ابن زياد زلزلت دنـيانه

وعياله بالصيوان تصرخ على الوليان
ماعدتها بس وجعان وبالهيمه حيرانه

تصرخ على المذبوح ملهوبه منها الروح
كبر عويل ونوح والعيله خالصانه

لطمية

اسمع سهيل الخيل طاح ابو علي

بالكون صار صياح چنه ولينه طاح
سور الغوالي راح يا ويلنه يا ويل

بالكون حس رنه واتعالت الحنه
راح الولي منه شوفى الروايه تميل

بالمعركه شصاير واغبارها ثاير
شوفى العدو غاير يا خيه باد الحيل

ضجه وخيول تصيح واغبار ويه الريح

وارجاله مذابيح ويّانه بس اعليل

طاح الولي بكونه خالانغمض عيونه
ماندرى شلونه خافن دماه يسيل

نايم على التربان يبن النبي العدنان
مذبوح يا عطشان قطروله ماى دخيل

لطمية

بالكون حنه وزلزله على حسين مرجونه

سمعوا حنين اهل السما مذبوح مهجة فاطمه
والدنيه صارت مظلمه لمن تراده بكونه

گبر الصايح والهضل من طاح ابن سيد الرسل
مهجة الزهره منچتل واعليه بگت محزونه

نايم على حر الثرى والچببد منه موذره
والروح منه موجره بنار العطش مطعونه

اظلم سماها والفضا
بسيوف عدوانه غضه
لمصاب شبل المرتضى
عزيز النبي يذبحونه

يحسين يا دامى النحر
هاليوم يبجيله الصخر
يحسين مرضوض الصدر
واهل السما ينعونه

لطمية

امشي يخيه انروح
صوب المعركة

خالنروح يحنيه
خله يحاجينه
نشوف الولى وينه
نغصد عزيز الروح

امشي يمهمومه
خل نمسح دمومه
هالساع للحومه
وعليه نزيد النوح

فريت مرعوبه
يالبين وحرابه
والروح مـلهوبه
خله الغلب مجروح

وين العزيز يلوب وين اتجّه يا صوب
ومضيعه الدروب وين الولي مطروح

مالي جلد مالي ومدوهنه احوالي
يا غصة الوالي منه النحر مذبوح

خل نوصل العطشان وانشاهد الحيران
شو ثايره التربان وبالمعركه شيلوح

لطمية

طلعت فازه النسوان وين انروح يابونه

فرّن والعقل طاير شنهو بالعرك صاير
ضجّه والترب ثاير الوالي نامت عيونه

طلعت فازه العيله للمظلوم تشكيلاه
وين انروح هلليله والعدوان حاطونه

بويه حسين وين انروح حاجينه يبعد الروح
نايم عالرمل مطروح جرحك يالابو شلوننه

يابويه بگينه ضياع وكل ارجالنا بالگاع
منكم ما نهض فزاع يهل الزود دحمونه

هسه تهجم العدوان كلها تغير عالصيوان
وعدنا بس علي وجعان واهما ما يرحمونه

لطمية

زينب على التل اوگفت طايح وين يالوالى

طايح وين يالهييه وحلت عليه السيه
وتدرى يخويه اغريه واعلى التراب ارجالى

وگفت حزينه مالمه ماعدها والى ولاحمه
وتندب يمهجة فاطمه انهض وشوف احوالى

ياخوى بعدك حايره
وارجالنه فوگ الثرى
ومن المصاب موجره
وين الخدر وادلالى

فرّت مريبه اتنادى
ونك مرد لفادى
طايح يروح الهادى
يالنايم اعلى ارمالى

طايح يبعد عيونى
ياگوم متخلونى
بيك العدى فجعونى
اگصد اخي الغالى

ياخوى گلي بحالك
وشنهو البصر بطفالك
وشلون سير اعياك
مهدوم سور العالى

لطمية

گوم ياسور الغوالى
هجمت العسكر عليه

هجمت العسكر يظامى
بالفضا هجت ايتامى
مالنه بالگوم حامى
والعزیز مضيعينه

گوم خويه وانغر انه
منهو ايبارى حملنه
گوم خويه لم شملنه
والاعادى محايطينه

هجمت العسكر الحدنه واحنه بالهيمه وحدنه
وين طايح يا ضمده بعد عينك يا سبينه

اتطشرينه بهالبرارى مدوهنه وتاهت افكارى
خويه ما تدرى اشجارى بيد عدوان انولينه

سا يودونه هدايه اخلافكم خويه سبايه
وين حلوين السجايه خل تگوم الساع لينه

گوموا يا اهل الحميه هجمت اعلينه الدعيه
نايمين اعلى الوطيه ومادريتوا اشصار بينه

لطمية

اشرب يخويه حسين ماى عيونى

انطيك ماى العين يا هيبتى يحسين
خويه اشوفك وين الصابوك صابونى

يحسين يا مظلوم ومن الورد محروم
ذبحوك خويه الگوم وانصابت اعيونى

عطشان يبن امي يا روحى ودمي
ما ينوصف همي يا ناس عازوني

يا خوي يا عطشان مطروح بالميدان
واشعملت العدوان بحسين فجعوني

سهمك جرح لحشاي يالما شربت الماي
وانت نظر عيناى ومن بعدك اشلوني

امشي يخيه نروح يمه نزيد النوح
وين الولي مطروح يا ناس دلونى

لطمية

وين نمشي يا ضمده وياكتر منوانه

ليش بويه سيبتنه وبيد من چا سلمتنه
اليا حنين ودعتنه وانگطع رجوانه

وين نمشى يا ابونه دخيل وياكم اخذونه

بهاالبرارى تضيعونه ومـنـهـو الويـانـه

هجمت العسكر يوالى رد جودك ليش خالى
وينكم يهل المعالى ولا ولى يـحـمـانـه

وينكم يهل المرّوه لا تـخـلـونـه بشـلـوه
والدهر بينه اشسوه وبـالـثـرى وـليـانـه

بالعرك جملة الساده بس عليل المرض چاده
آه ياچويت افاده وـحـيرـته وـامـحـانـه

آه يا شدة احواله آه يا غصة ارجاله
آه يالوعة اطفاله وـالـحـرم دوهـانـه

لطمية

رد جواد حسين خالى والعزیز مصوبينه

راجع الميمون يصهل والدموع ثلون تهمل
يصيح خيالى تجندل وـالـاعـادى محايطينه

جاينه يصرخ بهمه وين خياله يعمه
صارت الدنيه مظلمه وبالعرك طايح ولينه

راجع الميمون خالى وين متگنظر الوالى
طاح سور الجان على وما نغر واحد عليه

بالله طلعت يا فواطم شوفن الميمون جادم
والولي بالكون نايم يا عزانه ويا سبينه

جاى للخيمه جواده وبالظليمه اليوم ناده
يصيح راعيه تراده والحرم ظلت حزينه

اشصوبك يا ماى عيني عليك ما يبطل ونيني
اويه العمرنوحى وحنيني والله بمصابك دوينه

لطمية مربوعة

صاحت النسوان يا والينه
بيد من يا بوعلى مخلينه

ودعته بيد من يا بو علي
لا خدر لادار لاعدنه ولي
وكل اهلنه مطشره بحر الخلي
وياهو وصيته الذي يحمينه

ياهو وصيته يوالى بالحرم
اتحيرت النسوان ما بين الزلم
بس عليل يلوج وبجبداه الألم
والعده كلسا تغير عليه

بويه ظلينه يتامه بلا اهل
هم رُعب هم خوف هم شدة وجل
ولاكو وليان التشيل انه الحمل
وخيل ابن سفيان گبلت لينه

تدرى ظلينه حريم بهالفله
وبالزلم والخيل غاصت كربله
وين ابوفاضل كفيل العايله
خله يسمع صوتنه ونادينه

بويه نسوانك تره عدمن صفت
انخبرك العدوان عالخيمه اهجمت
واليتامه والحريم اتروعت
والحنين اتكطعت چفينه

وين واگع يا ولينه بياكتر
اسمع ابناك يبويه وانتغر
خاف بالميدان مرضوض الصدر
خاف چبدك بالسهم رامينه

لطمية مربوعة

طلعت بدهشه العقيله اتنادى
وين واگع يا عزيز افادى

سمعت الضجّه الحزينه وعوّلت
من درت بحسين مرعوبه هوت

يا عضيدى وين يا صوب اوگعت

صوّبت روحى يروح الهادى

طلعت ومنها الجوارح ناحله

ومن عظيم مصابها متبهذله

بيا وضع طلعت كئيبه وذاهله

والعزيز اعلى الثرى مترادى

وگفت اعلى التل لخواها اتحشمه

ومن لهيب الظيم مدمعها دمه

اتگله يا سلطان وامك فاطمه

ليش مطروح بسوموم الوادى

يالأخو ونى على ونك جره

أنا خيتك واعلى ضيمك واجره

حملى يا مظلوم شنهو يدبره

لو مشينه ورافگينه الحادى

كَلَّفْتَنِي بِالْيَتَامَةِ يَا وَلِيَّ
وَأَنْدَبْتَ يَخْتِي دَحْفَظِيْلِي هَلِي
لَا جَنِّ بِيَا نَوْعٍ يَمْشِي مَحْمَلِي
لَا إِخْوَتِي وَلَا أَهْلِي وَوَيْلَادِي

أَحْفَظْ أَيَّتَامَكَ يَخْوِيَهُ بِجِدَّتِي
وَلَا أَوْنَ مِنْ الْمَسِيرِ وَغَرَبْتِي
حَتَّى لَوْ جَانَتْ هَزِيلُهُ نَاغَتِي
وَبِيدِ عَدْوَانِي يَصِيرُ أَقْيَادِي

لَطْمِيَّةٌ مَرْبُوعَةٌ

وَيَنْكُمُ يَهْلُ الشِّيمِ سَمْعُونَهُ
لَيْشَ مَسْتَكْوَمُونَ وَتَحَامُونَهُ

سَمِعُوا نَخْوَانَا يَهَالِي الْمَرْجَلَهُ
مَنْ كَلَّبَ دَامِي تَصِيحَ الْعَايِلَهُ
وَاللَّهُ مَا صَارَتْ فَجِيْعَةٌ كَرْبَلَهُ
خَلَّتْ أَرْكَانَ الْأَرْضِ مَرْجُونَهُ

وين شيمتكم يهالينه نصيح
ومن مصابنا تره نمشى ونطيح
وانتوا بالميدان مجروح وذبيح
واحنه اطفال وحرم تدرونه

حاموا اطفال وحریم الضايعة
يالوگعتوا اعلى العفر والمشرعه
ياحنين الهاليتامه انفزعه
من گبل ماللدعى يودونه

شوفوا حالتنه الصخر منها يذوب
من كثر همنه وهضايمنه نلوب
اليانويه نروح لوصار الغروب
والاعادى بكل جهه يطلبونه

تهجم العدوان للخيمه اسف
وانتوا اصحاب العزيمه والشرف

يا نشامه عيالكم صارت هدف
وانتوا كل واحد طريح بكونه

وين الكبر وين عباس وعلي
كلها بالميدان وبرمل الخلي
ظلت النسوان ماعدها ولي
بس عليل من المصيبه شلونه

لطمية مربوعة

گوم يبن امي الخيم حرگوها
واليتامه والحرم سلبوها

شبووا النيران بخيمنه العده
والشمل طشار بالبيده غده
خويه وثياب الكرامه مفرهده
وعدكم ايتام وحررم عفتوها

يا عضيدي گوم لصياح الحرم
بالخيم نسوان ماعدها زلم
تحشم الوليان واصحاب الشيم
وخاف هالساعه العده يمشوها

درعم الظالم على خيمة علي
ماكفاه ادموم خلانى وهلي
ما بگه خيال يبرى محملى
حتى للرضعان ما رحموها

صاحوا الفرهود لمن غربت
وبسبى النسوان ريتك مسمعت
يا عزيز الروح بس عينك غفت
والعده غاراتهم شنوها

شنوا الغاره على كل الأهل
خويه ما رحموا يتيم ولا طفل
اهتزت الاكوان من هذا الفعل
والشريع به العمل نكروها

روعونه وطشرونه بهالعرى
واطلعت سكنه العزيزه مفرفره
روعوا كل غاليه وامخدره
وحرمة المختار ماراعوها

لطمية

گومن يا بنات حسين طايح وين والينه

گومن شوفن الميمون يصهل من گلب محزون
وعيونه تهل شلون عنده اخبار ينطينه

يخبرنه عن الوالى وبظهره السرج خالى
طايح وين يالغالى ياعمه اشجره اعليه

والينه وگع يا صوب خليه نصيح النوب
نبجي من گلب ملهوب وين انروح تالينه

گامن کلهن بهمه وين انروح يا عمه
وجيوش الكفر لّمه نگرَب ما تخلينه

صاحت وهى مرعوبه روحى بنار ملهوبه
آيا البين وحرابه ماكو ارجال تحمينه

خله يسمع ابچانه بلگى ايگوم يحمانه
يدرى محد او يانه والوالى غفت عينه

لطمية

على حسين الفضا مرجون والديران حزنانه

صارت ضغبره وحنه وبسابع سمه رنه
لجل حسين هالونه وشوفوا مظلم اسمانه

خليها تهل ادموم والأملاك لجله تحوم
آيا يحسين يا مظلوم يالواگع بميدانه

بالحومه غدت لّمه
لمن طاح ابواليمه
والاكوان مظلّمه
آيا مصاب مولانه

يبن المصطفه العدنان
وصدرك داسته العدوان
طايح ليش علتربان
آيا جور عدوانه

صدرك يا حسافه انداس
بيك اشسوت الارجاس
يا عالي يبوالنوماس
امست كلها خوّانه

يومك يا غريب الدار
صبرك حير الافكار
ابدأ ماجره ولا صار
يالذبّحوا رضعانه

لطمية مربعة

تصيح زينب والدمع همالي
صواب چبدك صابني بدلاي

الصوبك يا خوى صوب چبدتي
بسهمك المالوم حالت دنيتي
وين ربعي وين گومي وصحبتي
كلها مطروحه بشمس وارمالي

اسمع الونه يخويه وافتجع
يا عضيدى عليك محنيه الضلع
راح والي ونظر عيني الشع
وييه ذبحك گوؤضت آمالي

خويه ظليت بمهانه ويه الغرب
واگضى عمري عليك مكسورة گلب
عاین احوالى ودمع عيني الیصب
ما حسبت اتعوفنى يالوالی

چن لسان الحال جاوبها بقهر
يصعب اعليه ونينچ يم طهر
سامحيني لوبگيتي ويه الكفر
هذا ذبحي من اليسر اشوالي

مو عليّ بالهون يختي ميسره
وادري مامثلچ هضم شبعث مره
يختي عالوادم مصابچ ماجره
بالمثل حالچ يخويه وحالي

انتي بيد الغوم وآنى بكربله
وراسى يمشي وياچ ويه الغافله
وجسمى ظل بالكون محد غسله
آنه واخوانى وجميع ارجالى

لطمية

اسمع بالمعاره ونين خويه حسين حاجيني

اسمع بالمعاره ونين يا ظامى الحشا يحسين

ياخويه ينور العين ابچثتك من يدليني

طايح وين يبن امي ونك زوده الهـمى
وانت بعيد من يمى يخويه لكـثر ونيني

ياخويه طحت يا صوب خويه بياكتر مضروب
اصرخ والغلب ملهوب يصوابك المآذيني

خويه وين طبراتك خويه بگلبى وناتك
يغالى ذلن اخواتك غريبه لاتـخلينى

ونك گـطع افادى يالمطروح بالوادى
خويه تسمع النادى يندبك يا بعد عيني

صوتك ما اسمعنه وجهك وين اشوفنه
خويه خافى الونه وسط الغلب چاوينى

لطمية

يا كرار گوم الساع شوف حسين وانصاره

شوف حسين واحواله محد غسله وشاله
ويمه مطرحه ارجاله عليهم شنوا الغاره

ليش تغيب يا ابو حسين وانت فارس الكونين
انهض دفن الطيبين وانت يالحمه جاره

شوف حسين بالهيمه وانظر حالت احريمه
حتى حرگوا الخيمه والنيران وجاره

تدرى حرگوا الصيوان وتدرى بحالت النسوان
تدرى ما بگت وليان وام الخدر محتاره

گوم الكربله يا حيد وانظر فاجعه بهالبيد
شوف اعمال گوم ايزيد والكوفه الغداره

بس ظلت حرم وايتام ما بين العده الظلام
وينك يا رفيع الهام وين الزود واطواره

نواعى فايزي

ودع حريمه حسين والدمعه جريه
وخلصت رجاله وكل اخوته الضيغميه

مفرد بگه يدير النظر والگلب حيران
واصحابه كلها مطرحه بحومة الميدان
وشلون حاله من اجه يودع النسوان
ذايب دليله ونار حسراته سريه

ناده دگومن يا فواطم حان الوداع
والگوم تطلبني ترید الحرب هالساع
شبعن اموادع من گبل ما طيح عالگاع
الله الگلبچن لو هويت اعلى الوطيه

ناده يزینب والگلب فايض بالهموم
وانتي يسكنه ويارباب او ام كلثوم
ليكم سلامى وارد ارواح الساع للگوم
ولديار طيبه بلغوا مني التحيه

وسكنه العزيزه لزمته اذ ياله وتناديه
تغله يبويه هالشملة عدمن تخليه
شبتت على ذاك الصدر وتعلقت بيه
وهلت مدامعهم على الفرغه سويه

وحتن اضلوعه من لگه السجاد مطروح
اهوى على طوله يشمه بدمع مسفوح
وگله العليل شلون بويه تمشى وتروح
وتشوف حالته بكدر يابو الحميه

نواعي فايبي

ظلمت الدنيا والأرض يقطر سماها
من طاح ابن سيد الرسل عزها وحماها

اهتزت سماوات العلى من شالوا الراس
والشمس صارت مغبره واتزلزل الساس
الله وكبر مهجة المختار ينداس
وبها المصيبة فجعوا الزهره واباها

هلت سماها دموم والعالم تغيّر
لمن عزيز المصطفى بكونه تگنظر
وارتجّت الاكوان والاسلام كبر
ولجله ملايكة السما وجّر نعاها

طاح الامام اعلى الثرى والخيّل اجت ليه
مطروح جسمه والعوادى داست عليه
يا صدر هاذ وخيّل ابن سفيان تاويه
صدر الرسول وفاطمه وصاحب لواها

طلعي يزنب طاح اخوچ بحومة الكون
رفعي الغريب من الثرى وغمضيله لعيون
خافن بعد ساعه بنى ميه يهجمون
ويظل بلا تچفين مطروح بثراها

بلكى تغسلين الشهيد بدمعة العين
وبلكي تشيلينه من حرور الميادين

سمعى ونينه يلوح يا حرة هالونين
والله مصابه صخرة المرمر براها

نواعي فايزي

طلعت من الخيمة العقيله تصيح يحسين
يا صوب واگع يا نظر عين الخواتين

سور الغوالى يا حسافه تكور وغار
طلعن يمحبوبات بالله شوفن اشصار
اسمع دوي العدوان وجّر والترب ثار
ولنه ولينه طاح وارتجت الصويين

هذا جواد حسين يصهل والسرچ مال
گاصد الخيمه يخبر العيله والاطفال
شوفن احواله جاى يا عمّه بياحال
يبحث برجله والدمع يهمل من العين

گومن يعمه طاحت الخيمه العلينه
جانه الجواد الساع خالى من ولينه
وبهالمصيبه تلاهبت سكنه الحزينه
گالت دگليلى يعمه نروح لاوين

نادتها زينب والگلب بالجمر ملهوب
مذبوح عودچ والغوالى ظلن سيوب
ما ادرى المن التفت وانظر الياصوب
ما عندى والى والأهل كلهم مطاعين

وجاها علي السجاد منه الدمع مسجوم
ومن المرض نوب يطيح ونوب يگوم
يا عمه امرچ فوضيه للعلي القيوم
گلها وگلبه من القهر منقظر نصين

عمه استعدى للهضم والهضم جدام
لمن يودونه يساره لديره الشام
صبرى يعمه اعلى الفجيعة وجور الايام
هذا المقدر من دهرنا ونايب البين

نواعي موشح

فرت بدهشة العقيله وأجره بنار المصاب
وگفت اعلى التل تنادى والعزيز اعلى التراب

نادته يحسين انهض وانظر الحال الفجيع
واسمع العدوان غارت على خيامك يا صريع
حسين جاوبها شگوم ومنحري خويه قطع
هاذ حالى وهاذ لونی هؤنى اعليه العتاب

گالت شبیدی يخويه غصب اعتب يا شهيد
حرم عندك يا وليها خافن اتروح اليزيد
خويه رد الخيل عنه وانظر العيله شترید
عگب عينك يا حمانه بالمهانه والعذاب

جيت اشوفك يا وليّ وارد اخبرك بالمسير
واشتكى همى وعذابى واصبحت مالى مجير
ما بگه غير ابوالباقر والوضع خويه خطير
تحيرت مدرى شسوى وضاگت اعليه الرحاب

غال ياخويه اعذريني مگدر الساعه اگوم
شوفى جسمى راضينه والنحر يسفح دموم
لكن عيونى عليكم شابحه وروحي تحوم
سمعي حسراتى الحزينه والگلب بهمومه ذاب

وين مارحتوا يخويه روحي وياكم تروح
وراسى بالميال يبره دوم جدامچ يلوح
ويظل جسمي اعلى الوطيه يغسله فيض الجروح
أنا محروم الميّه انه مسلوب الثياب

وأيت زينب تراهى ودارت الصوب الفرات
عاتبت عباس اخوها الضيغمي وزين الصفات
ترضه يا خويه خواتك للطواغي ميسرات
وظلت الحوره تنادى وما أجه منهم جواب

نواعى فايزي

گوموا يهالى الزود طفوا لهبة النار
حرگوا الخيمه واليتامه صفت طشار

غارت علينه الغوم والخيمه احرگوها
وهای الارامل والیتامه روعوها
صاحت حرمکم یا نشامه دسمعوها
ترضون ما بين الكفر والكفر اشرار

تحيرت يا هي اللّٰي اباريها او المها
وياهي الذي اگرد اهون من ألمها
كلها مريبه وبالعفر نامت زلمها
لو اگصد اطفال الذي هجت بالوعار

فرت يتيمه تلوب والنار بكثرها
ما تدري وين تروح وامضيه خدرها
لاحگها طاعون الزمن وهي بصغرها
ما عدها حمايه تحاميها ولانصار

واسمع يتيم ايصبح بالهيمه وينادي
مرعوب گلبه ويعثر بچعب العوادی
هاذا اليتيم بصرخته ذوب افادی
اشذنب الزغير ايلوع والظالم عليه جار

وعندى عليل من المرض والحزن تعبان
وشلون حاله من اجوا حرگوا الصيوان
وجدام عينه شاهد امفرار النسوان
من خيمه ليه خيمه تفر عترة المختار

گوموا يهالى المرجله باروا حرمكم
لاهيين بالاكوان لو گلت شيمكم
هاذى الغوالى محيره وتصيح يممكم
لاكن فلا منكم يخوتى نهض نغار

نعى مجرد

گومن يمهمومات هالساع حانت الفرگه وحان الوداع
ادرى تظنن بعدى اضياع

صاحن بحرگه وصوت عالى لتروح ياعز الغوالى
يحسين ما ظل بعد والى

عدم تـخـلـيـنـه يـمـظـلـوم و اـحـنـه حـرم ما بـيـن هـالـگـوم
كـلـها عـده و ما يـوجـد اـر حـوم

هـاذى تـشـمـه فـوگ نـحـره و ذـيـچـه هـوت تـبـجـى اـعـلى صـدره
و هو يـوّن و العـيـن عـبـرى

و نّ بـحـزن و الـدـمـع لـاله مـن شـافـهـن لـزـمـن اذـيـاله
آلله يـاشـدة اـحـواله

والله صـعب هـالـحـال عـنـده مـن شـاف حـالـتـهـن بـشـده
و اـعـلى الخـلـگ هـمـهـن تـعـده

گـالـن يـوـالى ما نـخـلـيـك و خـلـصـت يـخـويـه كـل اـهـالـيـك
و ما ظـل بـعـد نـاصـر حـوـالـيـك

ما ظـل بـعـد يـحـسـيـن نـغـار كـل الـاهـل رـاحـت و الـانـصـار
نـاوـى تـخـلـيـنـه بـالـوعـار

نعي مجرد

صارت الضجه وگبّر اصياح واغبار من وسط الحرب لاح
وابن الرسول اعلى الثرى طاح

ظلمت الدنيه وهلت اغبار لمن هوى مهجة المختار
بهاالفاجعه ارتهبت الكفار

گومن يمحجوبات هالساع دريتن الوالى طاح عالگاع
ماكو بعد بالخيم فزاع

طلعن من الخيمه بلا شعور يستعثرن والگلب مسعور
يا بو علي بيا صوب منحور

شافن جواد حسين يا حال عالى صهيله والسرچ مال
گاصد الخيمه ايخبر العيال

هاذا جواده جاى لينه يخبرنه عن عزنه وولينه
مهدوم يا سور العينه

وگام العلیل وحالته شلون من سمع عوده طاح بالكون
واينادی بويه بگلب محزون

يابوی وين وگعت يا صوب الدنيه اظلمت والكون مگلوب
وظف كربله نيران ملهوب

تگلهن يعمه شوفن اشصار شوفن الدنيه هلت اغبار
واظلم سماها والكدر صار

وصاحت بناته يا ولينه نكشعت الخيمه اللّي عليه
هيهات ابونه يعود لينه

نعی مجرد

گومن يخيه نروح للكون نعاين ولينه حالته شلون
خاف الولی بالجبد مطعون

اسمع هضل واسمع صوايح وحسين بالميدان طايح
وسابع سمه گبر النايح

امشى نشوف الولي بياحال بلكى نداويله الدلال
وانخبّره عن حال العيال

انگله يخويه شلون بينه وهسه العده تهجم عليه
وماكو حنين يگوم لینه

يا ابو علي عزنه وضمدنه ياخوى ظلينه وحدنه
وامصابك الحامي ضهدنه

امشي يخيه يازچيه بلكى نقطرله اميه
بلكى نشيله من الوطيه

امشي نفيّله من الحر وانداوى دلالة المطبر
چم جرح بيه الله وكبر

خافن يون من جرح چبده لوله الصدر خيه مضهده
همّه على الوادم تعده

يا جرح خيه مكلف اعليه جرح الذي بالچبد ماذيه
لوله جرح گلبه وجر بيه

نعي مجرد

زينب على التل وكفت تصيح واتحشم اخوتها المذابيح
سمعوا كلامي يا مطاريح

يحسين خويه گوم لينه وانغر يبو الشيمه عليه
ما بين عدوانك بگينه

بناتك يخويه ظلن سيوب الخيمه هوت والخدر منهوب
خويه دگول انروح يا صوب

سا تهجم العسكر للخيام كلها كفر والكفر ظلام
يا بو علي ما ترضه ننظام

صوبك يخويه اسمع ونين انهض وخل الترب يحسين
والحگ على خدور الخواتين

هالنوب دارت صوب عباس نادت يبو الشيمه ونوماس
خواتك يخويه بيد الارجاس

نايم يبو الغيره وحميه مطروح فوگ العلگميه
وعطشان ماضاگ الميه

ونادات على جملة الشبان معاريس يالچنكم غصن بان
قناديل واسكنتوا التربان

گوموا وحاموا ابناات حيدر ساتروح مسبيّه الخدر
وسايهجم اعلينه العسكر

تونون جرحتوا افادى يالنايمين بهالبوادى
يحاب ما بين الاعادى

نعى مجرد

صاحت الحوره بگلب خلصان گوموا يهل غيره يشجعان
دارت على اخيمنه العدوان

ياخوى خيمتنه احرگوها وكل الفواطم سلبوها
وكل الصوارم فرهدوها

گوموا یخوتی والحمه وین هجّت حرمکم بالمیادین
سمعوته لو چنتوا حیین

هاذی حرایرکم بالبرور وتصرخ ومنها الغلب مذعور
یهل الشیم ما ظلت خدور

شحال التهج وسطت الهیمه مذعوره من خیمه الخیمه
وما ظل ولی من اهل العزیمه

ما عدها والی الینغر الها یبرالها ویبره طفلها
بس العدو بسوطه ذهلها

فرت بدشه والعقل طار وبکتارها تتلاهب النار
وبها المصیبه شحال الزغار

من شاهدت لهبة النیران تتصاعد وهدمت الصیوان
بالبادیه فرت الرضعان

سمعوا العتب یهل المحنه تگومون لو نقطع الظنه
یهل الشیم بطلوا الونه

يهلي ضحاياه بحر التراب وبجسومكم نابت النشاب
يحبابنه ميفيد العتاب

تونون بالهيمه ضحاياه تعانون سكرات المنايه
كلكم فنتكم كربلايه

الخيمه خذتها النار يهلي وانتو ضحاياه وطاح ظلى
يا دمعة عيونى دهلي

نعى مجرد

دسكتن يعمه وجرعن الصار بعد مالچن بالزلم نغار
صفيه بهضيمه ومالنه دار

بچاچن يعمه جرح گلبى ومن الهضم ما شوف دربى
ويا دمعة عيونى دصبى

دصبرن على البلوه يعمه صدنه الزمان وصاب سهمه
وخله الكلب مهدور دمه

تعدده وگصد عباس صگری وحسین یا هیبتی وفخری
لانی بخوتی ولا بخدری

دسکتن یبعد الروح ساعه بچاچن صمیم الغلب راعه
ومتضایگه علینه الوساعه

بیش اصبر وبیش اسلیچن والمهجه مفتوته علیچن
سبایه وعلی الغبره ولیچن

فاض الغلب ما یحمل هموم من کثر ضیم البین مسموم
وعافت عیونی لذة النوم

شهود وانا بالروح چویات علی حسین لو صاحب الکلفات
والیا هضم اجذب الحسرات

علی یا شباب اجذب الونه ولیا عریس الماتهنه
ولیا رضیع الغاب عنه

جمركم يعمه بوسط احشاي يالگوضيفتوا بحسرة الماي
وانه الغريبه الضاع ملفاي

يعمه الهضم فزر گلبنه سبايه ومفقودين اهلنه
وبعيونه اسود دربنه

نعي مجرد

ناده العليل بگلب مهموم يا بوى گوم من الترب گوم
وانغر على حالى يظلوم

يومك يبويه ذوب احشاي شفتك رميه گل عيناي
يالي غضيت بحسرت الماي

جسمى عليل وگلبى مفتوت بويه اندبك واسمع الصوت
ونى مرد مرمر المنحوت

اسمع كلامى بويه يحسين وانظرنى ما بين الملاعين
يالى تون وسط الميادين

أنا العليل وشوف حالي وانظر على الغبري رجالي
ومن كل هلي محد صفالي

ظليت مفرد بين عدوان وكل العشيره على التربان
وتذبحت حتى الرضعان

يا بويه خيمتنا احرگوها وكل الغوالي سلبوها
وسكنه العزيزه روعوها

فرت يبو الشيمه الغوالي متدوهنه وتندب الوالي
وشافت الروس اعلى العوالي

مدهوشه والظالم ذعرها وبهجمته ضيّع بصرها
ومنهوب ومطرّ خدرها

متحيره تتجّه يا صوب والجيش بالوديان مگلوب
وصيوانها يا بوى منهوب

ترجع تشوف الخيمه طاحت وارماد بالوديان صارت
يا صوب تتوجّه احتارت

سابت غواليكم يايايه بعد المعزه والمهابه
يبويه شعد يومى وعذابه

نعي مجرد

اگبل الليل وحالنه شلون واهلنا على الغبره يونون
هاذا جريح وذاك مطعون

عدنه يتامه وعدنه رضعان واحنه حرم ما بين عدوان
وبالليل يا وحشة الوليان

بالليل آيا وحشة الليل وخافن عليه تهجم الخيل
وبالمرعنه كل الرياجيل

شيگضى الليله يا غوالى واحنه حرم من غير والى
احزان والمدمع يلالى

ليلة حزن واطفاله تلوب وصيوانه بالنار ملهوب
اؤن بكدر والدمع محجوب

اؤن بكدر والدمع ميسيل ومن المصيبه ما ألي حيل
ولها واعاين للمطافيل

ما عدها والى الينغرها وبالكون نامت كل اهلها
منكوبه والظالم ذهلها

خيم عليه الليل يختى ماتنوصف والله فجعتى
يا حيرتى وضيمنى وغربتى

اهود ايتام الصارخه الساع لوله اهود گلب مرتاع
لوله انوحن عالى بالغاع

يانايبه هيئه عليه نومت هلي فوگ الوطيه
لوله مصابى بهالمسيه

ياهى يخيه منهن اتهون انظر واعاين على المطعون
لوله اهود طفل محزون

شافت مهر اخوها جاى للصيوان
نادتهن دگومن بالله يا نسوان
هاذا المهر طالع من ثرى الميدان
«والوالى موذّر بالحومه»

طلعت كل حريم حسين مرعوبه
بنيران المصيبه تصيح ملهوبه
وصدّت للمهر والسرج مگلوبه
«چاوين تگنظر واليهه»

نادن گوم يا مظلوم واحمينه
ما بين العده يحسين ظلينه
وماعدنه حنين الينغر عليه
«واطفالك تصرخ بالهيمه»

واهناك تشاهد ضيغمي مضروب
وأخر من دمه الهامه صبح مخضوب
«يا يوم العاشر ومصابه»

هذا يوم مامر مثله بالايام
بيه نسوان مفعوجه وصرىخ ايتام
وهناك عليل ايفروج بالآلام
«وامصاب الطف هدم حيله»

بيه حرگوا الخيمه وفرت النسوان
بيه سلبوا عيال حسين هالعدوان
بيه ظلت حرم كلها بلا وليان
«تتعثر ظلت بالهيمه»

وتشاهد يتيمه اهنالك مرعوبه
تصرخ وبطرفها النار ملهوبه
ألمن تلتجى والخيمه مشبوبه
«وما عدها والى ابحاميهه»

وزينب حايره وتنظر شلون الحال

لا جسام لالكبر ولا رجال
وهاذ الليل اجاها والأهل برمالم
«وعباس مقطوع چفینه»

هوسات للانصار

شحال حسين لمن وگف عالانصار
شاف اجساد مطروحه اعلى رمل الحار
صاح أنا الغريب الهائم المحتار
«يرجال العزوين الشيمه»

يصحاب الوفه والعهد والایمان
شوفونى وحيد بساحت الميدان
وانتو الما جفیتوا یا أهالى الشان
«ومحتار شلون تخلصونى»

يصحابى الذى بالروح وافیتوا
او واحد من بعد الآخر تفانیتوا
والدين النبى المختار ضحیتوا
«والجنه ترفرف شوفوها»

لطميات خاصة ليوم العاشر أيضاً

لطمية

واكّع الوالى والمهر خالى
تلاحگنه يا بنات شورجّع خالى

يا بنات حسين طلعن بهالحين
عمّه سهم البين صابنه اعلى العين
عودچن يا عمه فات ويا هضم حالى

رد جواد الحديد وصوته رجّ البید
يصهل وميهيد والخيمنه ايرید
چن يخبر الغاليات هاوى خيالى

گابل بيا حال فاگد الخيال
عنه سرجه مال بس يحث ارمال
والصوايح عاليات يصهل اقبالى

طلعن انحاجيه اعلى الولى انعازيه

يتمّه راعيه رايح امخليه
ماله روح ولا حياة والدمع هالى

گومن بهمه يالله ياعمه
للولى انشمه واخل نون يمه
صيحن بعالى الاصوات گوم يالغالى

گامن ابلا شعور والگلب مسعور
لاطمات صدور ناشرات شعور
والمصايب حاميات يمنه واشمالى

طلعن بيالون والگلب محزون
ايندبن المطعون بويه بينه شلون
اصبح المجمع شتات والکدر عالى

لطمية

هالنسوان والرضعان لحگوها لحگوها
بالصیوان هالنيران طفوها طفوها
لحگوها غواليكم سمعوها تناديكم

طفوا النار يا ثوار
شبهينه شبينه
صوت ازغار نوح اكبار
عالينه عالينه
والهجمه حواليكم
سمعوها تناديكم

يا فراس يهل الباس
جافينه جافينه
والعباس دامى الراس
واليينه والينه
شو ماگام حاميكم
سمعوها تناديكم

هجم الخيل صار دخیل
يعضانه يعضانه
بس اعليل ماله حیل
ويانان ويانان
يالهيبة اشحل بيكم
سمعوها تناديكم

يا اشراف موانصاف
تجفونه تجفونه
واحنه انخاف بين اجلاف
عفتونه عفتونه
تبره اعیونه ليكم
سمعوها تناديكم

صار اهجوم من هالگوم
يالحامى يالحامى
يازى النوم يالله گوم
ليتامى ليتامى

مفجوعه ذراريكم سمعوا تناديكم

هالملعون صال شلون عالخيمه عالخيمه

والمطعون ووسط الكون بالهيمه بالهيمه

خويه اعتابنا اعليكم سمعوا تناديكم

لطمية

تصيح زينب بالخلي وين درب المعركة

وين درب المعركة دلونى

ارد اشوف حسين نور عيونى

بيك يبن امى العده فجعونى

الك يا ربى اگول المشتكه

طلعت بدهشه العقيله اتنادى

وين واگع يا عزيز الهادى

اسمع الضجه وطار افادى

اسيو فها ورماح كلها شابكه

تصيح دلونى اعلى درب الحومه
وين صارت يا عزيزى النومه
شافت خيول وزلم ملمومه
منين ما تنظر جيوش امحشكه

وينكم يهل الفخر والشيمه
هجمت العسكر عليه هضمه
توسد يتوا اعلى الثرى بالهمه
انيام كلکم والجسوم مدكدکه

لطمية

نايم على رمل الخلي بـويه ياغالى
ياوالدى وآناعلى انظر احوالى

انذب وانادى يالابو دسمع اجوابى
ومن نار گلبى يلتهب صوت لهابى
يابوى من بعد الجره شحسب احسابى

هايم ومطفي مشعلى والحزن عالى

يا صوب واگع ياكثر
افزع وادور المعركة
لوله اداوى عىلى
وانا العليل المبتلى
بويه حاجينى
من يدلىنى
وزايد ونىنى
وثگلت احمالى

يا بوى يا ريع الغلب
مرجون وادى كربله
والگوم هجمت عالخيم
ولا عندى عون ولا ولى
واگع بيا صوب
والفضا مگلوب
والغوالى سيوب
يننفر الحالى

هجمت على خدور الحرم
ولاكو مروه ولاشيم
للخيم عسكرهم اجه
وبالكون يا تالى هلى
گوم ابن سفیان
ترعه للنسوان
وحرگوا الصيوان
انت ورجالى

مطروح يبن المصطفى
والگوم حزت منحرك
والجسم عارى
والدمه جارى

ويَمَى تلوع العايله
وأنا اسير وما ألي
وتصرخ ازغارى
بالكفر والي

تصرخ خواتى وعيلتى
مدهوشه من ظيم الحرب
من گلب صادى
شعبت افادى
وفرت من الخيمه تهج
وسطت الوادى
آل الرسول وتسولى
بيد انذالى

لطمية

هاى اطفال بالهيمه
تصرخ وين واليهه

مذعوره تهج وتصيح
تركض نوب نوب اتطيح
وكل ارجالها مذابيح
وما عرفت بواديهه

فرّت والعدو جاها
وبالتربان ولياها
وهى مضيعه ملفاها
ومفغوده مبانيتها

فرت هاجه للبر
وبالجيمان تتعثر

ماعدھا ولی ینغر وین اللی یحامیھا

الیاجیھا تهج وتروح وتشوف الدمه مسفوح
ماعدھا گلب لاروح جمر البین چاویھا

هجت من لهیب النار ویه عسکر الکفار
صارت بالارض طشار وما تعرف نواحیھا

ماعدھا ولی یفزع تنخه ولا احد یسمع
کلھا انیام بالمصرع وین اللی ینجیھا

لطمیة

یونون یونون علی الغبری یونون
یلوجون یلوجون صبایانه یلوجون

یونون اعلى رمل الحار
هالشبان چه الاقمار
وجوًا بالدلیل النار

يوجون يوجون دليلى بنار يا ويلى

اعلى التربان ونيتوا

جمر احشاي وجيتوا

نريد انروح ماجيتوا

ينامون ينامون على التربان يا ويلى

شلون اولاد بالهيمه

نومه اعلى الثرى هضمه

يهل الفخر والشيمه

يعوفون يعوفون لذيذ العيش يا ويلى

لتونون يا صبيان

خليتوا الغلب دوهان

شلون بدور عالتربان

ولاتهون ولاتهون احزان الغلب يا ويلى

يلوجون اعلى رمل الغاع

منهم ما شبعنا وداع
كلها مكسّره الاضلاع
يمطعون يـمطعون بوسط ميدان يا ويلى

عباس وعلي وجاسم
والفتيان من هاشم
خليتوا الغلب وارم
يـلهبون يـلهبون صميم الروح يا ويلى

ونكم فطر افادى
يـخوانى او يـولادى
وهسه يـصرخ الحادى
هلى شلون هلى شلون نجافىكم هلى شلون

لطمية

صار الليل واحنه سيوب ظلينه
وبالميدان نامت كل اهاليه

نومه اعلى الوطيه كل احبته
أياضمينه وهمنه وغربته
هاليله الصخر يبجي الحالته
ماعدنه حنين الينغر اعليه

گوموا يانشامه باروا العيله
يا وليان وين انبات هاليله
بس عدنه علي والمرض هد حيله
والوديان متروسه من اعادينه

والله انخاف لو خيم ظلام الليل
ماعدنه كفيل ايحوف المطافيل
تصرخ هاليتامه والدموع تسيل
والمهضوم شنهو ايبرد اجنيه

يهل المرجله والشرف والشيمه
تخلونه حريم انبات بالهيمه
والعدوان حتى حركوا الخيمه
بالغفره نظل محد يبارينه

وحشه هالمسيه يا بني عدنان
وانتوا اجسام مطروحه على التربان
حالتنه مريبه والگلب خالصان
ومن گد الرهگ والخوف ذلينه

حالتنه مثلها ما سدت حاله
احزان وهضم ودموع هماله
يا هو ويه الاعادى يترك اعياله
وخاف انروح للشامات تالينه

لطمية

وبياكتر يا صوب طايح وليينه
ومن جملة الونّات اعرف ونينه
وافزع واهج يا صوب
والعسكر المگلوب
ومن جملة الونّات اسمع ونينه

اسمع ونين اهنالك ذوب ديللي
وبين الحرب والنار طايح خليلي
مرعوبه يا هالناس واتبده حيلي
مالي جلد لاروح
واندب على المطروح
ومن الزلم والخيل كلها خليلينه

چنه اخي اهنالك صوته اسمعه
وأخذ صديد الصوت ويلاه واتبعه
بلكى عزيز الروح لهله ارجعه
اسمع ندادى وگوم
وعنه درد الگوم

واحنه العلينه احجاب واتفرهدينه

هالطايح بميدان أسمع له ونه
بعذك عدل لوميت واگطع الظنه
گوم بسرع يحسين واجمع شملنه
هجمت علينه الخيل

وادخيل خويه دخيل
لولك قوی يا خوی دنفر علينه

بعذك عدل والگوم لهلك سبوها
وماخلوا الاطناب كلها احرگوها
والعليه يا مظلوم هالفردهوها
بيد العدى فرهود

لاکون نصر لاجنود
وهاذي الزلم والخييل دحمت بنينه

يالطحت بالموراد اسمع جوابي
موهين اعلى الزين هضمي وعذابي
ياخويه يا عباس خلصت احبابي

وانخه بـگلب مـمـرود

يـاـبـالـجـرـف مـمـدود

مـمـعـتوا النـدبـات مـاـگـمـتوا لـيـنـه

نـخـت اـهـالى الزود مـا مـنـهـم اـحـد

مـحـد سـمـعـها وگـام بـس الصـدى اـيـرد

والصبر بالحسرات ذاب وتـبـدـد

كـل اـهـل بـالـگـاع

ومكسره الاضلاع

جاوب صدى الاحباب واحـنـه شـبـدـيـنـه

لطمية

شـحـالـها زـيـنـب يـوـيـلى اـشـحـالـها

مـحـيـره وـفـوگ الصـعـيـد اـرـجـالـها

والولي جسمه خضيب نادبه وين الغريب

شـحـالـها زـيـنـب يـوـيـلى اـشـحـالـها

شـحـالـها لـمـن عـلى التـل اوگفت

واعلى فرسان المعاره حشمت
يا رزيه ويا مصيبه اتحملت
والحمه خده تريب نادبه وين الغريب
وشيلم احمالها
اشحاله زينب يويلي اشحاله

توجهت صوب المعاره بيا صفه
ذاهله ومنها المدامع ناشفه
يبس احشاها لهيب العاصفه
وگاصده صوب الحبيب نادبه وين الغريب
وانطفت آماله
شحاله زينب يويل شحاله

يا خليصي وين واگع يالولي
هاوى عالتربان يا تالي هلي
وتدرى بالصيوان باقى بس علي
واعرفت رحلك نهيب نادبه وين الغريب
والحرب واهوالها
شحاله زينب يويلي اشحاله

شلون وگفه شلون ساعه حاسمه
لامعين ولانصير ولاحمه
نادت رجال الشيم والمرحمه
صاحت وماكو مجيب نادبه وين الغريب
وبالنهر خيالها
شحالها زينب يويلى اشحالها

صاحت اعلى اهل الفخر والمرجله
ليش ضمتكم ذرارى كربله
گوموا يا فرسان حاموا العايله
والخدر اضحه سليب نادبه وين الغريب
وين يوم اجلالها
شحالها زينب يويلى اشحالها

توجهت هالنوب صوب العلگمى
ونادت العباس ذاك الضيغمى
عيلتك يا حيد ماعدها حمي
والأسر جور او عصيب نادبه وين الغريب

شلون بعد ادلالها

شحالها زينب يويلي اشحالها

گوم يا بدر الهواشم يا عجيد

شلون تصغى يا نظر عيني وتهيد

والغوالى تروح للطاغى يزيد

شلون دلالك يطيب نادبه وين الغريب

ومنهو البيرالها

شحالها زينب يويلي اشحالها

بِحَمْدِ اللَّهِ

المحتويات

الفصل السابع

في ما يخص مصيبة العباس عليه السلام ٥

الفصل الثامن

في ما يخص مصيبة القاسم بن الحسن عليه السلام ٩٩

الفصل التاسع

في ما يخص مصيبة علي الأكبر عليه السلام ١٩٧

الفصل العاشر

القسم الأول: في ما يخص ليلة العاشر من محرم ٣٠٥

القسم الثاني: في ما يخص اليوم العاشر من محرم ٣٥٣

سيصدر قريباً إن شاء الله تعالى

١- ديوان الحنين في ذكرى الطاهرين (الجزء الثالث)

الخاص برثاء الصديقة الطاهرة الزهراء عليها السلام

٢- ديوان الحنين في ذكرى الطاهرين (الجزء الرابع)

الخاص برثاء الإمام الحسن المجتبي عليه السلام

٣- ديوان الربيعي للمرحوم الشيخ عبد العظيم الربيعي

٤- الصحيفة السجادية

مجموعة ادعية وارادة عن الامام السجادة عليه السلام